



Հայկական գիտահետազոտական հանգույց
Armenian Research & Academic Repository



Սույն աշխատանքն արտոնագրված է «Մտեղծագործական համայնքներ
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը


You are free to:

Share — copy and redistribute the material in any medium or format

Adapt — remix, transform, and build upon the material

April 12

Philippines



1923

84
V-68

20 APR 2006
ՓԻԷՌ ՄԻԼ 18-1904 2011

Handwritten signature

ՄԻՒՐԻՆԱ



ՄԱՏԵՆԱՇԱՐ ՀՐԱՋԴԱՆ ՅԻՒ 4

ԹԱՐԳՄ. ՇԱՏԵՔԷՆ ՄԷԿԵ



ՀՐԱՏԱՐԱԿՈՒԹԻՒՆ
"ՀԱՅԿԱՇԷՆ", ԳՐԱՏԱՆ

1923
Կ. ՊՈԼԻՍ

Ապագր. Վ. Զոհախիճաւ

28 JUN 2013

6671

ՄԻՒՐԻՆԱ

ՊԵՐՃԱՂԻՃ ԵՒ ՄԱՐՏԻՐՈՍՈՒՅԻ

... Վեց ամիս կ'ընէր որ Թէոփանէս հանդիպած էր Միւրինաի, վեցերորդ ժամուն, երբ տակաւին լոյսերը չէին սկսած շողալ բնակարաններուն մէջ: Նորարողը աղջիկ մըն էր, որ ճակատին վրայ կը կրէր Աստղիկի բնծայուած պոռնիկներու գոհարը, գրեթէ մերկ՝ թեթեւ կարէն կտաւի մը տակ, սրովհետեւ, այն տարին, տաքերը կիզիչ հանգամանք մը առեր էին, Մարտի սիկորէն խկ: Վար կ'իջնէր Ափրողիաէի բաղնիքներու մեծ սանդուղէն, ուղղուելով դէպի Լեկէտնի նաւահանգիստը, դէպի այն քարաշէն մեծ վաճառատուններն ու քարափնէր զորս կառուցած էր Յուլիոս Կեսար, չորս հարիւր տարի առաջ, — երբ կը վերաշինէր Մամիսի քանդած քաղաքը — Կորնթոսի ծոցին վրայ: Ճիշտ այնտեղ ուր Պօղոս առաքեալ կտաւէ քիւածեւ ծածքեր կը շինէր խանութներուն համար: Բաղնիքէն կ'ելլէր, կաղուբուած, թարմացած՝ ջուրէն, պիտի բռնէր վարդ մը որուն վրայ նոր ջուր ցանուած է: Իր սրտիկ մաաղաչ ծիծերը, կտաւին տակ, հագիւ արքայիկ թուչունի մը երկու բռչներուն չափ տեղ կը բռնէին. և յայտնապէս, տակաւին միտք չունէր յաճախորդ որսալու, սրովհետեւ ցանց մը բռնէր էր ձախ ձեռքը, կանգնած՝ բանջարավաճառուհիներու կրպակներուն ստջեւ:

— Ողջօ՛յն քեզ, ըսաւ Թէոփանէս:



6292-70

- Ողջո՛յն քեզ, տէ՛ր :
- Անունդ ի՞նչ է :
- Ի՞նչ օգուտ ունի քեզի գիտնալ :
- Մէկը ունի՞ս, հարցուց յանկարծ Թէոկտենէս :
- Յանկարծական ցանկութիւն մը ծնած էր իր մէջ :
- Տ. կ'ուզէր անմիջապէս գոհացնել :
- Մէկը, ո՛վ որ սեղէ զիս :
- Ուրեմն, ե՞ս :
- Եթէ կ'ուզես :
- Ի՞նչ է զի՛նդ :
- Ինչ որ կ'ուզես :
- Շատ վեհանձն, կամ շատ անխոհեմ աղջիկ ես :
- Որովհետեւ գիտեմ թէ ի՛նչ կ'արժեմ, և թէ ինչ բանի արժանի եմ :
- Ու՞ր կը բնակիս. երթա՞նք :
- Մ, տակաւին հեռու է... նայէ՛, հո՛ւնա :
- Ե՞րբ կրնաս...
- Անմիջապէս :

Հանգարտ էր, ինքնափստան, ամօթխած՝ անդօրր ըլլալովեան մը վարժութիւնէն : Չէ՞ որ իր ծնունդէն ի վեր — և սրմէ՞ ծնած էր, մեհեանի մէկ ուրիշ ազատիւնէն — կրօնապէս սահմանաւոր էր մարդուն համար անհրաժեշտ վայելքներուն, յաւիտենական արարքին զոր պէտք էր ներկայացնել զիցօհիին, իրո՞նք քննայ : Կեցիք էին սանդուխին ստորտը : Իրենց տղան կը բացուէր Լեկէնի փողոցը, աւելի լայն քան տափարակ քարերով տալարկուած այդ սանդուղը : Փողոցի անդամտակներու ականթատերեւ սիւններուն միջեւ, կը ցցուէին ցուցամօլ պրիսպներ, պատուանդաններու վրայ : Ներքնուղիներուն տակ, սիւննադուռերուն ետին, վաճառարդները խեցանօթէ կամ պղինձէ պղտիկ լամբարները կը վառէին իրենց քառակուսի խցիկներուն մէջ : Միջնուղիին վրայ, բայց կիսովին գէպի բարձր մայթ մը յատաջացած, կ'երեւային, ճիշտ իրենց քովը, քանի մը

հատը այն քարաշէն պատուարաններուն, — համարձակօրէն զարդարուած նշանակալից խորհրդանիշերով — դորս աւելի քան մէկ դար առաջ շինած էր Կորնթոսի քաղաքապետութիւնը, հանրային բարոյականի օգտին համար : Լեկէնի նաւաստիները կուպիս մարդիկ են, անփոյթ՝ վայելչութեան նրբութիւններուն համար. երբ հանդիպին գեղանի աղջկան մը, որ դիւրամատուց է և իրենց ճաշակին յարմար, մարմաջ մը կ'ունենան վայելքի վայրկեան մը անցընելու անոր հետ. այս թաքըստոցները սահմանուած էին անոնց, ինչպէս և անոնց բնկերուհիներուն :

Այնտե՛ղ էր որ Թէոկտենէս քաշեց Միւրինան, իր կեանքին մէջ առաջին անգամ զո՞հ մատուցանելով հասարակ Աստղիկին. որովհետեւ, հարուստ էր, բարեհամբաւ գերդաստանէ. սովորաբար, ինք սերէն կը պահանջէր աւելի երկարատեւ և աւելի նրբացած երանութիւններ : Քանի մը վայրկեան յետոյ կը զղջար այս մղումին համար : Միւրինան վայելելէ յետոյ, ուրիշ բան չէր յիշեր բայց միայն անոր զեղեցկութիւնը, և ոչ թէ հեշտանք մը զոր հաղիւ զգացած էր : Չէր գիտեր անոր բնակարանը, աղջիկը ըսած էր պարզապէս. «Չեռա՛ւ է... անդի՛ն...» : Կորնթոսը շատ մեծ է : Առանց զայն բոլորովին մոռնալու, չէր փնտռած զայն :

Եւ ահա օր մը երբ որսի կը տանէր իր յիւրիւն, այս վերջինը ինկաւ նապաստակի մը ետեւէն որ մինչեւ ջերմուկները առաջնորդեց, գէպի եզինետոսի ծոցը, մօտիկը այն վայրին ուրկէ դիտեր էին ծովէն ժայթքած այդ բոցավառ կղզիին հրաշալի և խոսովի տեսարանը : Այդ աղբիւրներէն ոմանք ծովափին մակերեսը կը ցայտեն, անոնցմով ջերմուկներ շինուած էին, ծածկուած՝ ստիական դմբէթներով : Բայց ուրիշներ կ'եռան աւելի բարձրը, ձիթենիներուն մէջ : Արծաթագոյն քերձէս խոյազաւ մաղառուտքին խորը, Թէոկտենէս, անոր հետեւելու աճապարանքին մէջ, յանկարծ, հեր-

ձիններու թաւաւտքի մը ետին, նշմարեց ծաղկահոտակ մերկ աղջիկ մը, պայծառափայլ՝ այդ սևևորակ կանաչութեան մէջ: Աղջիկը իր ափին մէջ սունելով ծխաշունչ ջուրը, կը լուար իր ծիծերուն գունտերը: Անմիջապէս դարձաւ, մարդ մը տեսնելով, և ծածկեց. իր վրայ բարձրահայեաց խարտեաչ բլուրով, այն ինչ որ բանաստեղծ Ռիւֆէն, նման պարագաներու մէջ, կը կոչէ «Երոտտոսի գտակը», — և իրաւամբ քանի որ, այն սորը ուրկէ կը բխի ան կրնայ քանի մը վայրկեան ժողացում պարզեւել վշտակոծ մահկանացուներուն: Կիները, երբ յանկարծակիի դան, ինչ որ ալ ըլլան, կը վերստանան իրենց համեստութիւնը:

Առջի բերան, Թէոկտենէս երբեք չյիշեց դէմքը, տչքերը բացած միայն այն բանին զոր աղջիկը ծածկել կ'ուզէր: Բայց մանկամարդուհին զինքը ճանչնալով ժպտեցաւ, միամտօրէն քաշեց ձեռքը, թևերը բանալու համար և չնչեց:

— Դժուր էք, տէ'ր...

Յետոյ, հակառակ շարժումով մը, կարմրելով, կիզուեցաւ ջուրին մէջ, հոն սպաւէն մը գտնելու համար:

— Տասնըհինգ օր առաջ էր, Լեկէոնի փողոցին մէջ...

Աղջիկն ալ չէր մոռցած այս միակ և խեղճուկ անգամը: Ուրեմն, Աստղիկի կամքն էր: Անձնատուր եղաւ. այդ աղբիւրին մօտ, որուն գոլորշին կը տաքցընէր իրենց մարմիններուն տոփանքը: Երկուքը մէկ վերադարձան Կորնթոս. քերձն կ'ոտտոտէր իրենց կողքին, լեզուն քոելով ճանկերուն, որպէսզի նորէն արիւնտու համ մը ճաշակէ: Յետոյ կուգար հոտտոտել այս կինը, որուն հօտը նոր էր իրեն համար:

Միւրինա Թէոկտենէսը առաջնորդած էր իր խցիկը, — մէկը այն քսանէն զորս իր նմաններուն համար վարձու կուտար Եւրինոմէ, հօու ախցի խաթանը:

որուն գործը աւելի արդիւնաւոր դարձած էր այն օրէն երբ Հերուզները քանդէր էին նուիրական պոռնիկներուն վանքը: Նեղ և շատ խոնարհ սենեակ մըն էր, ուր ուրիշ բան չէիք տեսնէր բայց միայն ցած անկողին մը, կարմիր կերպասով ծածկուած պատեր, երկու ոգորահիւս աթոռ, և փայտէ պուպրիկ մը որ հագուած էր օրօրոցի մանուկի մը պէս:

— Ինձի հետ կեցիր, ըսաւ Թէոկտենէս միւս օրը: Տուն մը և ստրուկներ պիտի ունենաս:

— Ստրուկներ, գոչեց Միւրինա շլացած. ուրեմն ես պիտի կրնամ հրամայել անոնց, որպէսզի քեզի ծառայեն քեզի:

— Այո' :

— Կուգա'մ: Բայց դուն տարփուէի չունի'ս:

— Անշո'ւշտ: Կը ճամբեմ, եթէ կ'ուզես:

— Ճամբէ': Կրնաս զիս վռնտել երբոր ուզես: Գիտեմ'մ: Բայց, որքան ատեն որ զիս պիտի ունենաս, միայն զիս պէտք է ունենաս:

Նախանձոտ էր նման այն մատաղ անասուններուն, որոնք չեն կրնար հանգուրժել օր իրենց առջեւ շոյես ժրջակից մը, և անոնց պէս ինքզինքը կ'ուտէր, երբ միայն, իր ներկայութեանը, Թէոկտենէս ակնարկութիւն կ'ընէր ուրիշ կնոջ մը: Անձնատուր եղած ատեն, կը կարծէր թէ պարտի ծանրութիւն կեղծել, որպէսզի միւսներուն հետ եղածին պէս չըլլայ և քանի որ ան իր օիրահարն էր, միակ սիրահարը, ինքն ալ տեսակ մը ամուսին էր: Թէոկտենէս նեղսրտեցաւ առջի բերան, յետոյ, խորհրդածելով, կարծես խանդաղատեցաւ: Եւրեմն, իրենց կենակցութեան սկիզբը, երբ Թէոկտենէս չէր կրնար քովը ըլլալ իրիկունը, Միւրինայի մէկ բարեկամուհին կուգար գիշերը միասին անցընելու: Առտուն, երբ կը հանդիպէր Փիլինիսի, Թէոկտենէս՝ երբեք մտքն չէր անցընէր նախանձիլ: Վերջը-վերջը սակայն անհետացաւ: Թէոկտենէս հետաքրքրուեցաւ:

— Ըսի որ ա՛լ չգայ, բացատրեց Միւրինս 1920-
րէն. ասոնք պզտիկ աղջկան խաղեր են...

Թէոկտեանէն սկսած էր աւելի սիրել զայն իբրև
մանուկ քան իբրև տարփուհի. առանց մտքէն անցը-
նելու որ այդպիսի սէր մը ամէնէն հզօրն է, ամէնէն
դժուարը որ կը խլուի սիրտէն:

*
*

Մինչ այս յիշատակները կը քրքրէր, Միւրինս
պատուիրեց Կապաղովկիացիներուն լծել գահաւարակ-
ները: Գմայք մը ունեցած էր ընթերելու սա հրաշալի
ձուկերուն միսէն, Կորնթոս դառնալէ առաջ: Թէոկտե-
անէս սիրայօժար հաւանեցաւ: Բայց ո՛ւր պիտի գտնէին
խոհավաճառը: Այդ կողմերը ինք կը յիշէր միայն Հեր-
մէսը, կառավարիչ Պերեկրինոսի նախկին խոհարարա-
պետը: Քանի մը տարիէ ի վեր ազատագրուած ըլլա-
լով իր տիրոջը կողմէ, յունական անունով այդ Սու-
րիային հաստատուած էր արուարձանին մէջ, ոչ հեռու
Կանդրէասի դուռէն: Իր տունը ծանօթ էր քաղաքին
երիտասարդներուն, որոնք յաճախ հոն կը տանէին
իրենց բարեկամուհիները: Վարպետ էր իր արհես-
տին մէջ. ունէր ոչ միայն Քրոսի և Լեսպոսի ինչ-
պէս և Իտալիոյ գինիները զորս ճաշակել սորված
էին Հիլլէնները, այլ և զուտ և գլխու զարնոյ մեղրա-
ջուր մը, բոլորը կարասներու մէջ, Հերուդներու նա-
հանջէն ի վեր, որովհետեւ այդ բարբարոսները մառան-
ներուն մէջ չէին ձգած բան մը որ իրենց անցքէն առաջ
մնացած ըլլար: Միւրինս մերժեց այդ առաջարկը.
դէպի բացաստանները պտոյտ մը կատարած էր, և
կ'ուզէր բացաստանները ընթերել: Կապաղովկիացիներէն
մէկը — տասնըվեց հոգի էին, ութ մարդ՝ իւրաքանչիւր
գահաւարակի համար որոնք իրար կը փոխարինէին ամէն
մէկ երկու հարիւր քայլին, չօրս-չօրս, միշտ վազելով —
միտք ձգեց:

— Քրիստոնեային գինետունը կայ:

Այդ գինետունը հաստատուած էր համրուն եզեր-
քը, մօտիկը այն վայրին ուր հասեր էին, սյգիննրուն
մէջ որոնք մինչեւ Լեւկա գետակը կ'իջնէին, ստորա-
այն ջրմուղին որ Կորնթոս կը տանի Օնիլոն լեռան
աղբիւրները: Կապաղովկիացին ըսած էր «Քրիստոնե-
եան», խօսելով գինեպան Ագապիոսի մասին, ինչպէս
պիտի բւեր «Փոխգային», կամ «Պատիւագոնիսային»,
նկարագրելու համար մարդ մը զոր շատ լաւ կը ճանչ-
նար, որ երկրին մէջ կը բնակէր և որ սակայն մասնաւոր
յատկանիշով մը կը զանազանուէր: Քրիստոնեաները մե-
ծամասնաբար, բացի անոնցմէ որոնք ընկերային ամե-
նաբարձր դասերուն կը պատկանէին, այլեւ չէին ծած-
կեր իրենք գիրենք:

Անոնք հրապարակաւ կը հաւաքուէին իրենց կաթո-
ղիկէներուն մէջ. նոյն իսկ շատեր, Պօղոս առաքեալին
նմանելու համար, կամ իրենց նորընծայութեան անկեղծ
եւանգով, կ'երթային քարոզել նաւահանգիստը, թէեւ
Օսեպիմ եպիսկոպոսը քանի մը տարիէ ի վեր պատուի-
րած էր հրաժարիլ այդ ծայրայեղ նախնաձախնդրութե-
անէն. վերջապէս, քաղաքին լուծայափոխներուն մեծ
մասը գիտէր անունները այն սարկաւազներուն որոնք
պաշտօն ունէին հաւաքելու տուրքերը, հաստատուած
«նախկին»ներուն կողմէ, ի նպաստ եկեղեցիներու
պահպանման և աղքատներու սփոխման, և հոգա-
լու համար բոլոր պէտքերը բարձր կազմակերպութեան
մը, ընդարձակ և կանոնաւոր վարչութեան մը, որ
աւելցած էր կայսրութեան վրայ: Լուծայափոխները
յաճախ գործ կ'ունենային այս քրիստոնեայ հաւաքիչ-
ներուն հետ, որոնք կուգային իրենց ջով, ուրիշ
քաղաքներու վրայ եղած մուրհակներ ծախելու, և
նոյն իսկ վարպետ շահագիտութիւններ կ'ընէին զանա-
զան դրամներու փոխանակութեան սակին վրայ:

Ագապիոս, «Քրիստոնեան», պանդոկապետ էր և

գինսպան: Եկեղեցին, նկատի առնելով իր թանկագին ծառայութիւնները, ներողամտութեամբ կը նայէր այն ամենազգի մեղքերուն որոնց ձեռնտու էր իր արհեստը, և զորս, իր իսկ աչքերուն առջև, կը գործէին իր յաճախորդները, պայմանաւ որ ինք անձամբ մեղք չգործեր, պահքերը պահէր, ժողովներուն ներկայ ըլլար, մերձաւորութիւնը կատարէր միայն ամուսնական կապերով: Որովհետև, պանդոկապետ մը և գինսպան մը շատ մարդ կը տեսնէ, շատ լուրեր կ'իմանայ. և արգէն Ագապիոսի քով կ'իջնէին, Կորնթոս մտնելէ առաջ, գործակալները և բոլոր շրջուն տաքսալները, — այդ շրջանին Արեւելքի մէջ, ժողովրդական բարբառով, սոսկաւէն կ'ըսէին «մարգարէները» — որոնք երբեմն կը հասնէին ամենահեռաւոր երկիրներէ, կը մեկնէին Հռոմէն կամ նոյն իսկ Ասիայէն, սուբալու համար մինչև Կալլիա, մինչև Բատաւներուն մօտ կամ Բրիտանիոյ կղզին: Այն այլարանական համոզումը թէ Գրիստոսի թագաւորութիւնը — Գրիստոս որ փառաւորեալ վաթիջամ էր այս աշխարհին մէջ հաստատելու համար ընտրեալներուն վերջնական յաղթանակը — կրնայ հասնիլ միայն այն օրը երբ երկրի բոլոր մարդիկը կը ծանօթանան իր վարդապետութեան, — կը գրգռէր կրօնածաւալման բոցավառ եռանդը. և, այդ վայրկեանէն, Եկեղեցին ինքզինքը կը յայտնէր և կ'ուզէր դառնալ Տիեզերական:

Թէոկտենէս և Միւրինա գինետան մէջ գտան միայն երկու ցոփուհիներ, մէկը յայտնապէս սուբիւստին, միւսը խարտեաչ, վիթխարի և մեղկ, ծնած դանգարահեր մօրմէ մը, որ ժամանակին ծախուած էր Յունաստանի մէջ, մէկուն կողմէ այն նաւավար-վաճառականներուն որոնց գործն էր երթալ մինչև գերմանական ծովուն կղզիները, յամպար, ծովային փողոսկը և, եթէ կարենային, գերիներ գնելու համար: Սեղան նստած մեքենաներու վարպետին և ձէթի ամենամօտ հնձաճփ վերակազուէն հետ, Հողոսի զօրաւոր գինի մը կը խմէին

և ձիթապտուղի կուտեր կը նետէին: Սպասարկուն էր Ագապիոսի կինը, քրիստոնեայ՝ իր ամուսնին պէս, որ արհեստին վարժուած մէկու մը անտարբերութեամբ կը դիտէր անոնց նիստուկացին և խօսքերուն գայթակգուբիւնը:

Թէոկտենէս հրաման տուաւ որ պատրաստեն ձուկերը. լաւագոյն գինին ապսպրեց: Կապաղովկիացիները, կզկտած արտաքին փայտաշէն քիւածածքին տակ, ուր կ'ընդելուզուէին որթատունկերը, մեծարուեցան Հողոսի գինիով: Երբ վերջանալու վրայ էր այս գիշերային ճաշը, Թէոկտենէս, այս ուշ ժամուն զարմանքով տեսաւ մուտքը միջնորդ եղիսափատի, որ յունական անունով կը կոչուէր Արիստոտէմ, բայց կը մնար Կորնթոսի հրեայ հասարակութեան ամէնէն կարեւոր անդամներէն մէկը: Որովհետև Հրեաները, այդ շրջանէն իսկ, ամփոփուեր էին քաղաքին մէջ մասնաւոր թաղ մը, և կը կոչուէին «Կորնթոսի հրեայ ազգը»: Անոնք ունէին իրենց յատուկ դատաւորները, կը վայելէին մասնաւոր առանձնաշնորհներ, հեռու մնալով հանդերձ քաղաքացիներէն, անոնց, ինչպէս և կայտեր կամքէն, Կարծես թէ, որեւէ երկրի չպատկանելով, երուսաղէմի անկումէն և կործանումէն ի վեր այլեւս նայրենիք չունենալով, միայն Կեսարի անձին, կամ անոր պաշտօնատարներուն կ'ուզէին հպատակիլ, շահաւէտ առաւելութիւններ ստանալով իրենց ծառայութեանց և անձնութեան փոխարէն:

Միջնորդը ինք ալ յուսախաբ եղաւ պահ մը, հոն գտնելով մարդիկ որոնք կրնային ճանչնալ զինքը: Բայց, շուտով, և կարծես առանց նեղութեան համակերպելով կացութեան մը որմէ չէր կրնար խոյս տալ, անոնց քով եկաւ վստահ երեւոյթով մը, փափկավար մեծարանքներ ընծայեղ, նոյնիսկ ներկայ եղաւ անոնց ընթրիքին աւարտման, առանց սակայն մասնակցելու. չէր կրնար բաժնել ոչ հեթանոսներու գինին, ոչ ալ

անոնց խորտիկները . որոնք պատրաստուած էին պիղծ
ամաններու մէջ :

Պանդոկին դուռը բաց մնացած էր : Կապագոյկիա-
ցիները խալիկ խօսքեր կը փոխանակէին ուրախ գուարթ :
Քիչերուան օդը խիստ անուշ էր , առանց շատ զով
բլլալու : Բայց շատ չանցած , պանդոկին ետեւէն լըս-
ուեցաւ կրկին գոցուած դուռի մը աղմուկը , և երկու
հոգի . Ագապիտի հետ ճամբայ ինկան , երեւութապէս
պարտէզէն գուրս կլլելով : Կապագոյկիացիներն չորսը
յանկարծ ստքի ելլելով , անոնցմէ մէկուն ետեւէն վա-
ղեցին և փորձեցին յարդանքով համբուրել անոր հագած
մանիշակագոյն փիլոնը : Բայց Ագապիտ նշանացի հաս-
կըցուցած ըլլալով թէ պանդոկը պարապ չէ , այդ անձը
կարծես իրենց հրամայեց որ երբեք չճանչնան զինքը :
Մակայն հրեա : Արիստոտէ՛մը որոշած էր անոր դիմագիծերը :

— Մինեսիոս , Թեսաղոնիկէի քրիստոնեայ եպիս-
կոսոսը :

Յետոյ լսեց , խորունկ խորհուրդներու մէջ թաղ-
ուելով : Առանց գիտնալու թէ ի՞նչ մտածումներով
Ագապիտս այսպէս իր տունը կանչած էր զինքը , ազ-
գարարելով որ սքօղէ իր այցելութիւնը , ինքն իրեն
կը հարցնէր թէ արդեօք այս ճամբորդներուն ժամա-
նու՛մը կապ մը չունի՞ իր շահելիք գործին հետ : Եւ կը
փորձէր հետեւութիւններ հանել :

Արդարեւ , օտարականները հագիւ հեռացած , Ագա-
պիտս նշանացի հասկցուց որ իրեն հետեւէ , և բաւա-
կան երկար խօսեցաւ ճամբուն վրայ :

Այդ միջոցին , Միւրիմա և Թէոկտենէս իրենց գա-
հաւորակները կը նստէին : Իրենց երակներուն մէջ
կը հոսէր կրակ մը , զոր աւելի կ'արժարժէր գինիին
հրճուանքը : Կ'աճապարէին հասնիլ քաղաք , մըտ-
նել իրենց սենեակը , գտնել այն կանթեղը ուր Միւ-
րիմա քանի մը պտղունց խունկ պիտի նետէր հեշտա-
խաթիղ , իր սիրահարին կողքին երկննալէ առաջ . . .
Արիստոտէ՛մ մօտեցաւ .

— Եւրը չիմացա՞ք . ըսաւ , վառվռու՛ն . քրիստոնե-
աններու դէմ հալածանքի կայսերական հրովարտակը
չուտով պիտի հրատարակուի Կորնթոսի մէջ : Ահա թէ
ի՞նչ լուր տալու եկած էր Սինեսիոս , որ կանխեց օգոս-
տոսիաւ հրամանը : Եւ կը փայտէր . . . Կանոնը այն է
որ պետերը պէտք է , կարելի եղածին չափ , խուսա-
փին դատաւորներուն հետ ընդհարելէ : անոնք ապահով
պիտի մնան , հօտին ուժ տալու և զայն վարելու համար :
Բայց , Թեսաղոնիկէի մէջ , «սար-տասերկու քրիստոնե-
աներ և երեք մանկամարդուհիներ , Իրենա , Ագապի
և Քիոնէ արդէն խարոյկի մատնուած են , իրենց քով
գտնուած գիրքերու պատճառով որոնք կը ծառայէին
այդ աղանդին : Ուրիշ բաղմաթիւ քրիստոնեաներ
բունտն են , ի մէջ այլոց Ադաթոն Պորիլուբիտոս : Կար-
ձեւ կը ճանչնաք , ձեր հօր վաղեմի մէկ բարեկամին
որդին է : Կը յիշե՛մ միայն բարձր դասու անդամները .
հասարակ ժողովուրդէն շատ մարդիկ գլխատուած են ,
քնուկանարար : Իսկ Փոլիգիոյ մէջ գործերը աւելի ծանր
են : Կարերիտս միշտ կողմնակից եղած է ազդու միջոց-
ներու : Չինուո՛ր է , Կը թուի թէ քաղաք մը կայ ուր
բոլոր քրիստոնեաները հաւաքած են իրենց կաթողիկէ-
ներուն մէջ և յետոյ կրակի տուած են : Բոլո՛րը , բոլորը
այրած են :

Այս լուրերը կը հագորդէր առաջին կարգի լրա-
տուի մը հպարտութեամբ , և , առանց ահաճութեան :
Ժամանակին , Եպիփանի օրով , Հրեաներն ալ գլխատու-
ուած , այրուած , պրկոցի վրայ սպաննուած կին : Այդ
միջոցին հաշտութիւն կնքեր էին Կայսրութեան հետ :
Նոյն իսկ կը պաշտպանէին զայն : Կարգը եկած էր
քրիստոնեաներուն , զորս կայսրութիւնը կը նկատէր
դասալիքներ՝ իր հաւատքէն :

— Մ'արդ չպիտի այրեն Կորնթոսի մէջ , պատաս-
խանեց Թէոկտենէս :

Իսկապէս , չէր կրնար հաւատալ թէ այս սիրասուն

քաղաքին մէջ կը գտնուի մէկը որ աչքը տանէ չարչարանքը կամ խարոյկը: Գալով քրիստոնեաները զազաններուն յանձնելու պարագային, ատոր խօսքը չէք կրնար ըլլալ. մեղմանուչ Ելլադագի մէջ, Հոռոմ դըժուարութիւն քաշած էր նոյն խկ սուսերամարտիկներու մրցումները ներմուծելու:

— Կը տեսնէք, ըսաւ Արիստոտէմ:

Երբեք չյայտնեց թէ Ագապիոսի հետ շտկած էր սքանչելի գործ մը, որուն յաջողութեանը համար անհրաժեշտ էին քրիստոնեաներու դէմ հալածանքները: Իշխանութեանց համար սովորութիւն հղած էր, երբ կ'արգիլէին սպորէն հոշակուած կարգ մը դաւանութեանց կատարումը, ծախու հանելէ առաջ, խմբովին աստուածներուն օրհնել տալ անուղի անհրաժեշտ բոլոր նիւթերը. այնպէս որ, քրիստոնեաները կը ստիպուէին անօթութենէն աստապիլ, հոմ իրենց համար գարչելի օւտիստներու համակերպիլ: Պանդոկայեար դեռ նոր սակարկութեան մը եկած էր միջնորդին հետ, մեծ քանակութեամբ ցորեն և գինի յանձնելու, որ, սրբազործումէ ազատ մնալով իր քով, կրնար տան մը բաւել իր դաւանակիցներուն սնունդին: Այս ատուտուրը խոշոր շահ մը պիտի ձգէր երկուքին ալ: Ահա թէ ինչպէս արտասովոր խռովութեանց շրջանները կրնան շահաւէտ գործառնութիւններ պարզեւել անոնց որ գիտեն կանխատեսել դէպքերը, կամ լուր տուած են այդ մասին:



— ...Ուրեմն, Թէոկոսնէս, ըսաւ յանկարծ Միւրինա, Հրեային հրաժեշտէն քանի մը վայրկեան յետոյ, ուրեմն, սարուկներէդ չորսը քրիստոնեայ են: Տեսա՞ր ճիշդ հիմա, այն մարդուն առջե՛ւ՝ զոր Արիստոտէմ Սինեօնո կը կոչէր:

— Հերակլէս վկայ, իրաւունք ունիս: Միտքէդ կ'անցնէ՞ր, Միւրինա:

— Ոչ, ի՞նչպէս անցնէր:

— Իմ ալ միտքէս չէր անցներ:

Պորնիոսի բնակչութեան մէկ երրորդը քրիստոնեայ էր: Թէոկոսնէս, եթէ չէր գիտեր որ քրիստոնեայ սարուկներ ունի, հրապարակին վրայ, գտտարանին մէջ, Սօփիստներու ընթերցուածներուն մէջ հանդիպած էր այրերու և կիներու որոնց համար կ'ըսէին թէ քրիստոնէական ժողովներու կ'երթան: Բայց թէ ի՞նչ կ'ուզէին և ի՞նչ կ'ըսէին քրիստոնեաները, — այդ մասին շատ աղօտ գաղափար ունէր: Հիմա որ կը մտածէր, կը զգար թէ այդ մարդիկը կատարեր էին զարմանալի և տեղի չունեցող հրաշք մը, — բազմապատկելով իրենց հետեւորդները ամբողջ կայսրութեան մէկ ծայրէն սիւսը, գրեթէ բավանդակ Ասիան իրենց հաւատքին գարծնելով, աւելի քան կէս առ կէս նւաճելով սա Ելլագան, այլսարհը այն աստուածներուն որոնք հսկեցին իր վայելած քաղաքակրթութեան: Ըրած էին այս բոլորը, միւսնոյն ատեն մնալով գաղանի ընկերութիւն մը, որուն խորհուրդները մարդ չէր գիտեր, — քանի որ նորահաւատներն խկ գուրս ձգուած էին անոնցմէ, — որուն ձէսերը, գործունէութեան միջոցները, նպատակները անծանօթ էին: Թերեւս պատճառը այն էր որ այս քրիստոնեաները շատ մաս էին իրեն: Մարդ կը վարժուի Քայն բանին որ միշտ աչքին տակն է, և ա՛լ չզրուիր: Թէոկոսնէս յաճախ կը մտատանջուէր գիտնալու թէ ի՞նչ են Բարբարոսները, Հերուզները, Գոթացիները, Վանտալները, որոնց վրայ այնքան կը խօսուէր, և զորս երբեք չէր տեսած: Բայց հաստատուակէս չէր գիտեր թէ ի՞նչ են քրիստոնեաները, երբեք հոգ չէր ըրած գիտնալու: Այս միտքը աւժմ ապշութիւն կը ստանաւ իրեն:

Ամբողջ գիտցածը այն էր որ այս աղանդը կը մերժէ ապրիլ — գժուար էր բմբանել թէ ինչո՞ւ. — այնպէս ինչպէս միշտ սուրբեր էին մարդիկ այն օրէն ի վեր

ուր Յոյներ կային, և մանաւանդ կայսրութիւն մը յունավար, կառավարութեամբ մը, վարչութեամբ մը որ ինամակայն էր իր դասակարգի անձերուն. մէկ խօսքով՝ անհամոյ, հակընդդարձական օղանդ մը: Իր շրջանակէն մարդոց համար կ'ըսուէր թէ մեղսակցութիւններ ունին այդ օղանդին հետ, յաճախ առիթ ունէր հարցաքննելու զանոնք. բայց ետ կեցած էր, որովհետեւ տաղտկալի էին. և կը զգար թէ պէտք չէ մարդոց խօսիլ իրենց այն տկարութիւններուն վրայ որոնք աչքի զօրկամ չեն:

Մինչ պիտի անցնէին կանգրէասի դուռէն, կնոջ ձայն մը թեւ առաւ օտուերին մէջ. նորօրինակ, կցկտուր կարեկից մեղեդի մը, կը թուէր թէ գիշերուան մեղմ և խռովուն հողին, — պիտի ըսէիր:

— Դո՛ւն ես, Օրտո՛ւլա, հարցուց Միւրինա:

Տխուր բաներէն չախորժելով, խօսած էր միայն այդ երգը ընդհատելու համար: Ինք համ կ'առնէր երանաւէտ երաժշտութենէն, պարի կանչէ մը, Միջերկրականի ծովային երգերէն՝ լիտի և շէնչող, լատինական կամ յունական օրհներգներէն, որոնք կարծես ընդլայնումն են վեհոգի ատենախօսութեան մը, և որոնց ունկնդրութեան ատեն կը թուի թէ մարդ կը զանազանէ հետորին շարժուածեւերը: Իսկ այս տարօրինակ եղանակաւորումները կարծես իրենց հետ կը բերէին անբնական և ցնցող բան մը: Առանց զանոնք հասկնալու, ինքզինքը վիրաւորուած կը զգար:

— Ինչո՞ւ լռեցուցիր, մեղադրեց թէնկտենէս:

Իր բարեկամուհիին չափ խօսկ չըլլալով, աւելի զգայուն էր այս արտասովոր շեշտերուն համար: Իր կիրթ ոգին շուտ կը յոգնէր այն բանէն զոր արդէն գիտնալ կը կարծէր: Մինչև իր սիրտը հասնելու համար, պէտք էր որ յուզուըր ամէն օր նոր ուղի մը բռնէր:

Կին մը դուրս ելաւ խոր փոսէ մը որ կը բացուէր պարիսպներուն առջև: Ձեռքը կուրծքին տարաւ, յետոյ ճակտին, և երկարեց սղորմութեան մը համար:

— Դո՛ւն ես, Միւրինա՛... Կ'երդէի վիշտը ցրուելու համար: Անօթի է: Վէրքերը ցաւ կը պատճառեն և չի քնանար:


— Ռետիկո՞ւր: Միշտ ա՞ն է:

Կինը իր տարիքէն աւելի ծեր կ'երեւար, թուլցած միսերով, կապոյտ կտաւէ գրգռեակներու տակ որոնք նոյնքան կրնային յարմարիլ այր մարդու մը: Իբրև երիտասարդութիւն, իր վրայ մնացած էր միայն իր ձայնը, անհունապէս ճապուկ և հրակէզ ձայնը որ կրնար սրինգի ամէնէն պայծառ խաղերէն իջնել մինչև հեծեծանքները, նուազ միջին քան հովին վայրէնը մեծ անտառի մը մէջ: Կը պատմէին թէ ծնած է մէկ անկիւնը այն անսահման և ափարակ երկրին, ուր Սկիւթացիներուն ձիերը, ձմեռը, իրենց սմբակներով կը փորեն ձիւնը, խոտ գտնելու համար: Քաղաքին շրջականերուն մէջ, ինքզինքը տրամադրելով հնձաններու ստրուկներուն, քաղաքագետական իշխանութեանց կողմէ սղբային աշխատանքներու ենթարկուած դատապարտակներու, որոնք քանի մը պղինձ դրամ կուտային իրեն, կը ծախէր նաև յուռութքներ: Իբրև յաճախորդ ունէր Կորնթոսի կարգ մը փարթամ տիկիներ, հարուստ պերճադիմներ, որոնք զինքը աւելի վարպետ վհուկ կը համարէին քան թեաղանթիկեցի կիները: Եւ, դրեթէ ոչինչ պահելով իրեն համար, Օրտուլա կը մնուցանէր վաղիմի բարբարոս գերի մը, կազ և սպաղանած, սա Ռետիկոսը զօր իր տէրը, ազան Պոսիտոսը, անդիթօրէն ճամբած էր, հոգէ մը ազատելու համար:

— Գիտե՞ս որ քրիստոնեաները պիտի հալածեն:

Միւրինան այ իր կարգին շատ հպարտ էր, այս յուր տարածելուն համար:

— Քրիստոնեաները քո և կը թքնե՛մ անանց վրայ:



2
6292-79

Անոնք կ'ըսեն թէ մեռելները դուրս չեն ելլեր այն տեղերէն ուր իրենք պահել կուտան իրենց Գրիտտոսին, կամ Սաղայէլին կողմէ: Եւ մարդիկ անոնց կ'երթան, որովհետեւ կը վախնա՛ն, երբ մեռելները վերադառնան: Ես կը սիրեմ մեռելները և անոնց ստուերները: Ես չեմ վախնար անոնցմէ: Ես մտիկ կ'ընեմ անոնց գաղտնիքները, և կ'ապրիմ անոնցմով... Ես կը թքնեմ նաև ձեր աստուածներուն վրայ. մեռելները, միայն մեռելները, ուրիշ բան չկայ... բայց նա՛ն ողջերուն ցաւերը: Օ՛, Միւրբինա, եթէ գիտնայիր դէպի տառապողները խոնարհելու տարօրինակ հեշտանքը: Կարեկցութիւնը մարդը կ'առաջնորդէ բանի մը որ աւելի հզօր է քան սէրը և որ կ'արծարծէ զայն...

— Ուրեմն, Ռեալիստ... .

— Կը ճանչնամ ս աւելի թշուառ մը: Նայէ՛:

Մուրացիկը դուրս կ'ելլէր փոսէն, կարծես սողալով: Կը յառաջանար երկու սրունքները ներս քաշած, ինչպէս ուղիւ մը որ ծռնակի կուգայ. սեւորակ ըիծ մը կը ծածկէր աչքերէն մէկը: Միւրբինա անդին դարձաւ: Փարշանքով միայն կրնար դիտել տգեղութիւնը և այն չարիքները որ կը հարուածեն մարդիկը:

— Ափշ ցուցուր, ըսաւ Օրտուլա, որ քեզի ըսեմ ճակատագիրդ:

— Ո՛չ հիմա: Ուշ է: Օր մը տուն եկուր, գիտես բնակարանս... Բայց անոր հետ չըլլա՛ս, աւելցուց սարսռալով:

— Ան երբեք ինծի չընկերանար: Կը մուրայ հրապարակին վրայ, երբ ես քաղաքին շրջանը կ'ընեմ... Գոնէ բան մը տուր իրեն:

* *

Փուլվիա, Կորնթոսի կառավարիչ և նորահաս պատրիկ Մարիոս Փուլվիոս Պերեկրիոսի աղջիկը, ամուսնացած էր հռոմէացած Աղարոսի հետ, փորձ

գործի մարդ, վերակացու՝ նորին աստուածափայլութիւն Դիոկղիտիանոս կայսեր Թեսաղոնիկէի մասնաւոր կալուածներուն. պաշտօն մը որ աւելի բարձր գիրքերու պիտի հասցնէր զինքը, ապահովելով Պայծառափայլ տիրոջը: Իր ամուսնութենէն տասնըութը ամիս յետոյ կինը մանչ զաւակ մը կը պարգեւէր իրեն, կամ, — ինչպէս կ'ըսէին Հռոմայեցիները, հաւատարիմ մնալով ասացուածքի մը որ կը նշանակէր ընտանիքին ամբողջութիւնը, յաւիտենութիւնը՝ մարմնացած իր պետին մէջ — «Աղարոս կ'աճէր որդիով մը»: Փուլվիա իր տղաբերքը մօրը քով կատարելու համար Թեսաղոնիկէէն մեկնած ըլլալով, կառավարիչին պալատը զարդարուած էր դրասանդներով: Կորնթոսի մէջ իրենք զիրենք ականաւոր համարող բոլոր տիկիները կը փութային ողջունել ծննդականը:

Թէոկանէս վեց ամիս առաջ խոստացած էր Միւրբինայի թէ պիտի ճամբէ իր սիրուհին: Այդ նեղութիւնը չկրեց. պէտք եղաւ միայն խզել այն գրեթէ գաղտնի յարաբերութիւնները զորս կը պահէր Եւարոպիայի հետ, կինը Վելիոս Վիկտորի, կարեւոր անձնաւորութեան մը, գլխաւոր «նօտար», այսինքն քարտուղար Պերեկրիոսի, անոր պէս հոմէածին, և նոյնիսկ աւելի հին գերդաստանէ, թէև երբեք պատրիկ կզած չըլլար: Այս կինը մեծ բան մը չէր արժան թէոկանէսի. դոռող իր ծագումին համար, կորսնցուցած առաջին երիտասարդութիւնը, ան միայն իր սնապարծութիւնը զբզած էր: Եւարոպիա, իր մասին, աւելի գիւրջունեբարձ պիտի ըլլար իրեն, եթէ զինքը լքած չըլլար — ամէն մարդ գիտէր — Ափրոդիտէի մէկ ստրկուհիին համար, այն ալ ամէնէն ստոր խաւէն, զոր նոյն իսկ ստիպուած էր ծախու առնել Մեծ Քրիստոսին: Վախալով որ Եւարոպիա բռնել կուտայ Միւրբինան իր մարդոց միջոցաւ, որոնք ըրերով պիտի ծեծէին զայն կամ իրիկուն մը նաւահանգիստին ջուրերը պիտի նետէին

—աննախընթաց վրէժ մը չէր այս— Թէոկոսնէս հարկ դատած էր պատուիրել իր Կապադովկիացիներուն որ հսկեն անոր յատկացուցած տունին շրջակաները :

Եւտրոպիա, իբր ամուսնին դիրքին բերումով, Փուլվիայի այցելուներուն առաջիններէն կողաւ : Հորտանցիա, երախային մեծ-մայրը, շնորհաւորութիւնները կ'ընդունէր կանանոցին մէջ, կը ներկայացնէր նորածինը, որ պրկուած էր խոնձարուքին կապրէն. յետոյ կը յանձնէր նորէն իր Փոխգլխացի ստնաուին, եթէ քնացած չըլլար նաւակածել օրօրոցի մը մէջ, շինուած՝ երակաւոր կիտրոնենի փայտէ մը, սկեզոյն, դրուադուած փղոսկրով և սատափով : Աւելի անդին, ծննդական մօր գուռը կը պահպանէին երեք մարդիկ— համաձայն լատինական սովորութեան մը— մէկը կացին մը բրունած, երկրորդը՝ նիզակ մը, և անոնցմով բնդհատ-ընդհատ կը զարնէին գետնին. մինչ երրորդը աւել մը կը շարժէր սեմին վրայ. այսպէս կ'ուզէին ահարեկել և փախցնել Գրողը որ կը պահուրտի մանկամարդ մայրերու անկողնին տակ, անոնց քստսունքէն առաջ, և կը ճգնի անոնց տէր դասնալ գլխերը :

Բերանը համբուրելի և մայրը շնորհաւորելէ յետոյ, խօսակցութիւնները սկսան : Քրիստոնեաներու դէմ հալածանքի հրովարտակին մօտալուտ հրատարակումը արդէն կը յուզէր քաղաքը : Քանի մը այցելուներ, հետեւելով իրենց ամուսիններուն կամ սիրահարներուն կարծիքին, ներքնապէս այն դադափարն ունէին թէ այս լսման պարզ ձեւական ցոյց մը կրնայ ըլլալ Կորնթոսի համար, ինչպէս եղած էր Վաղերիա-նոսի և Աւերիլոսի օրով : Բայց, լուս կը մնային, լսելու համար կարծիքք սա խօսադէմ Հորտանցիային, կառավարիչին կնոջը, որ գիտնալու էր իր ամուսնին տուած միճխները և որուն համար կ'ընէին թէ որով ազդեցութիւն ունի անոր վրայ :

Այս սիրուհին խօսամբերութիւն կը կեդէր : Մին

Եւտրոպիա, ասեղնագործ յօրինուածքի մը տակ, որուն սակի ուսուցչները, մանիչակագոյն մեծաքսէ խորքի մը վրայ, ծաղիկներ և սաղարթներ կը ներկայացնէին, իբր դէմքը կը զարդարէր ճանճանկար կերպատով մը, մանիկածել, բռնուած շատ նուրբ կտորի մը վրայ,— Հորտանցիա հաղած էր հին Հռոմայիցի կլինքունն սօջան, միակ հագուստը որ արգիլուած էր պերճադիճներուն. անարատ ձերմակ բուրդէ, անզարդ, շիւքիտակ, և այնքան վար իջած որ, հաղիւ կը տեսնուէր իբր թեթեւ մուճակին ծայրը : Սպիտակ կաշիէ պարզ ոտնաման մըն էր այս մուճակը, զոր նմանապէս ձերմակ փոկեր, փափկօրէն գեղազարդուած արծաթ ասեղնագործութեամբ մը, սրունքին վրայ կը բռնէին : Բայց իբր շուրջը կը ծածանէր համեմի և քուշտի բարկ բոյրը որ կը ծածկէր ոչխարի ճարպէ պատրաստուած խմորին հօտը : Գիշերը այս խմորով կ'օծէր իբր դէմքը, վասնզուած թարմութիւն մը պահպանելու համար : Եւ, ամէն անգամ որ կը դարձնէր գլուխը, ծածկուած մագով մը որ մշտնջենապէս խարտեաչ պիտի մնար այս սուհետե, կը լսուէր իր բսոճներուն բնդհարումը. երեք գինդեր նրեք մարդարիտներով, խրաքանկիւր ականջին, երկար արցունքներու ձեւով, լուսափողփող խոշոր աղամանդներով և այնքան ծանր որ բլթակները կը քաշուէին :

Հորտանցիա այլևս չէր խոնարներ մեծարանքներ խնդրելու համար, արհամարհելով դրճաբերել Առնական Բախտին, և իշխելու կը յաւակնէր : Բայց ցուրտ վերապահութիւն մը, երբեմն, ամէնէն ապահով միջոցը չէ՞ այդ հեղինակութիւնը հաստատելու : Եւ այդ էր իր կեցուածքը, այս միջոցին : Եթէ կայսեր աստուածութիւնը խօսեր էր, կտաւարիչին պարտքն էր կատարել անոր հրամանները : Եւ այդտեղ ալ կեցաւ : Մարդ չհամարձակեցաւ աւելի բան հարցնել : Քրիստոնեաներու դէմ հետապնդումները այլևս նկատուե-

ցան իբրեւ կարելի պատահականութիւն մը, և թերեւ յարմար էր պատրաստուել ատոր: Բայց Կորնթոս մինչեւ այդ օրը այնքան կատարեալ ներքին խաղաղութեան մը մէջ ապրած էր, այնքան անսարքեր եղած էր իր հաճոյքներէն և առուտութեն դուրս բաներու, որ, ներկաներուն մէջ ոչ մէկը չէր կրնար որոշ գաղափար մը կազմել այդ հետապնդումներու հաւանական ձեւի մասին: Կը բաղձային հարցաքննել Հորտանցիան: Մնաց որ, աւելի քան երկու հարիւր տարիէ ի վեր երբ ասիական բարքերը մտեր էին Կայսրութեան մէջ, շատ կիներ կ'ուզէին հետաքրքրուել քաղաքական գէպքերով, և յաճախ կանանոցներու սաղարանքները իրենց ազդեցութիւնը ունեցած էին աստուածափառ կայսրերու որոշումներուն վրայ:

Սակայն լուր առնելու համար ամէնէն անհամբերը հելլենածին կամ լատինածին Կորնթուհիները չէին, որոնք բան իմանալու եկեր էին հանդիսաւոր այցելութեան մը պատրուակով, այլ մանկամարդուհի մը որ մինչեւ այդ լուր կը մնար, ծուարած երխտասարդ մօր անկողնին մօտ: Փուլվիա, իր ամուսնութենէն և թիւսաղոնիկէ հաստատուելէն առաջ, ջերմագին բարեկամութիւն մը կը ցուցնէր անոր հանդէպ: Կորնթոս դարձած օրն իսկ, խանդավառութեամբ գտած էր զայն: Եւտիքիա, սովորաբար շատ պարզ ձերմակ պարեգօս մը հագած, հակառակ իր ընտանիքին հարստութեան, առանց գոհարեղէնի, բացի ոսկի շրջանակէ մը որ կը բռնէր իր մազերը, — շատ քիչ կը խառնուէր խօսակցութիւններուն: Կարծես միշտ անտարբեր էր. մարդ դժուար կը հասկնար այն գրեթէ մոլեգին խանդաղատանքը որ զինքը կը կապէր կառավարչին աղջկան: Այս անգամ, թօթուելով իր վերապահութիւնը, հարցումներ ուղղեց ամուր և կրակոտ շեշտով մը:

— ... Չեմ գիտեր ինչպէս կ'ընթանան գէպքերը, ըսաւ Հորտանցիա, անսարքեր երեւոյթով մը: Անշուշտ

այնպէս ինչպէս եղաւ Վաղերիանոս կայսեր օրով, իմ երխտասարգութեան շրջանին. — ամենամեծ բարեացակամութեամբ: Պիտի գոցեն քրիստոնեաներու ժողովատեղիները, վարչական կանոնաւոր վճիռներու միջոցաւ պիտի գրաւեն այն առարկաներն ու գիրքերը որոնք սահմանուած են անոնց ծիսակատարութեան: Եւ, քաղաքին աստուածներուն և կայսեր աստուածութեան սրբազործել տալէ յետոյ քաղաքացիներուն անհրաժեշտ անդեղէնները, պիտի պահանջեն հետեւորդներէն որ քանի մը պտղունց խունկ ծխեն օրինաւոր խորաններու վրայ: Ահա՛ ամէնը: Նոյն իսկ չպիտի պահանջեն քրիստոնեաներէն որ իրենց մասնաւոր բնակարաններուն մէջ չկատարեն իրենց ծէսերը, — որոնց համար կ'ըսեն թէ լիտի բաներ են — եթէ միեւնոյն ատեն յարգանք մատուցանեն Կայսրութեան աստուածներուն: Շատ մեղմ տնօրինութիւններ են ասոնք:

— Բայց, հարցուց Եւտրոպիա, եթէ մերժե՞ն զո՞ն մատուցանել: Եթէ ուզե՞ն իրենց — կարծեմ եկեղեցի կ'ըսեն — եկեղեցիներէն վերցնել իրենց խորհուրդներուն նուիրուած գիրքերն ու առարկաները, կամ մերժեն գրաւման ենթարկել զանոնք:

— Վաղերիանոսի օրով, այդ պարագային հարկ եղաւ քանի մը օրինակելի դասեր տալ, ոչ այնքան շատ. հետեւորդներուն բազմացումը, երեսուն տարիէ ի վեր, արդէն պէտք եղածէն աւելի կ'ապացուցանէ... Բայց պէտք է հպատակիլ Նորին Կայսերական Աստուածութեան օրէնքներուն...

Եւտրոպիա, աստուածացած Կայսեր անձին եղած առաջին ակնարկէն իսկ, ողջոյնի կեցաւ, ձեռքերը դէպի առաջ տանելով, համաձայն սովորական մեծարտնքին: Միեւնոյն ատեն ծրագիր մը կը յղանար իր մտքին մէջ: Նախատեսուած գէպքերը չէին կրնար ծառայել այն վրէժին զոր ստիպուած էր յետաձգել մինչև այդ օրը: Խորին խոնարհութիւն մը ընելէ յետոյ

Հորտանցիայի առջև, հրաժեշտի համբոյր մը տալով անոր աղջկան, որ երկնցած էր բազմոցի վրայ, մաղթանքներ ընելով երախային համար որ արդէն, իբ օրօրանի կապոցներուն վրայ կը կրէր նորաւի պատրիկներու ոսկի գնդիկը, քանի մը վայրկեան յետոյ կը բանար իր գահաւորակին վարադոյրները:

— Կը ճանչնամս — բաւ հետեւորդ սարուկի մը — սա լարբարոսուհին, վհուկը, որ Օրսուլա կը կոչուի:

— Երբեմն քու տունդ կուգայ, Տիրուհի: Կը ճանչնամ. տեղն ալ գիտեմ:

— Գնա գտիր, և ինծի բեր իններորդ ժամուն: Խոհանոցներու դուռէն անցուր. ուտելիք տո՛ւր: Յետոյ կիններէս մէկուն ըսէ որ մինչև կանանոցս առաջնորդէն: Մարդու բան չըսե՛ս:

Կառավարիչ Պերեկտինոս իսկապէս հրաման ստացած էր գործադրելու հրովարտակը: Մինչ Հորտանցիայացեալուները կ'ընդունէր, որոնք եկեր էին իր ընտանիքին ածուր շնորհաւորելու, կառավարիչին աչքին առջև էին հրամանագրին խօսքերը, կարմիր երկաթագիր, կայսերական կնիքով կնքուած մագաղաթի մը վրայ: Պատուէրը ստիպողական էր, և վարանուծի տեղի չէր ձգեր: Վելիոս Վիկտոր, իր քարտուղարը, զօր քովը կանչած էր, իր հրահանգներուն կը սպասէր. կառավարիչը հրահանգ չէր տար, լուս էր, և չէր գիտեր ընելիքը: Եւ Վելիոս, որ գիտէր թէ ան սովորաբար շատ արագ կուտայ իր որոշումները, կը դարմանար:

— Ի հարկէ պէտք է գործադրել հրովարտակը, բաւ վերջապէս: Եւ որին Աստուածութեան հրամանները միշտ յարգելի են. իսկ այս առթիւ՝ թանկազին: Սակայն, զանազան եղանակներ կան անոնց հպարակելու համար: Կարելի է անոնց մէջ դնել, հաւասար ճշգրտու-

թեամբ, աւելի կամ նուազ ածապարանք և խստութիւն. օրինակ, հրատարակել հրովարտակը, և յետոյ քանի մը օր սպասել:

— Այն ատեն, դիտել տուաւ Վելիոս, քրիստոնեաները իրենց ժողովատեղիներէն պիտի պարպեն այն դիրքերն ու առարկաները զորս պարտաւոր ենք գրաւել, որպէսզի չկարենան հաւաքուիլ: Գրաւուած պիտի կատարուի դատարկութեան վրայ, մեր կահադուրացիներուն մագաղաթը պիտի մնայ ճերմակ թուղթ մը: Ամէնէն ջերմեռանդ կամ ամէնէն վտանգուած քրիստոնեաները ժամանակ պիտի ունենան փախչելու: Պիտի մնան միայն անոնք որոնք սիրայօժար պիտի հաւանին սերացումի բանաձեւ մը ստորագրել:

— Ճի՛շտ է, պատասխանեց Պերեկտինոս, ժպիտով մը, ճի՛շտ է: Խելացի մարդ ես, Վելիո՛ս, կը ճանչնամ քեզ, խոհեմ, բանիբուն, սրատես: Ուրեմն, թոյլ տուր որ ամբողջովին շացուիմ քեզի. ինչ պիտի ըլլանք յետոյ, դուն ու ես, եթէ Դիոկղետիանոս Յուլիանոսի նախատեսած տնօրինութիւնները, Կալեքիոսի ա՛լ աւելի ազդու կամքը չկրնան ոչնչացնել քրիստոնեայ կուսակցութիւնը, զայն սրբել աշխարհի երեսէն: Կ'ըսեմ կուսակցութիւնը, ոչ թէ միայն աղանդը. իբրև քաղաքագէտ կը խօսիմ: Որովհետեւ, խնդիրը ատո՛ր վրայ կը դառնայ, — մեր դիմացը ունինք հզօր, գործօն, համատարած կուսակցութիւն մը: Կարելի է ոչնչացնել քանի մը անդամներ, երեսութապէս ստանալ ոմանց, շատ սերիչներու հպատակութիւնը: Բայց յետոյ...

— Լաւ չեմ ըմբռներ Մեծութեանդ մտածումը, համարձակեցաւ ըսել Վելիոս: Քրիստոնեաները Ասիոյ մէջ աւելի բազմացած են քան Ողիմպեան աստուածմէջ աւելի բազմացած են քան Ողիմպեան աստուածներուն հաւատարիմները: Պարագան նոյնն է Եգիպտոսի, Ափրիկէի մէջ, ինչպէս և Իտալիոյ մէկ մասին մէջ: Ելլադան աւելի դիմացաւ: Եւ սակայն, նոյն իսկ Կորնթոսի մէջ, շատ զօրաւոր են անոնք:

— Բայց ատո՛ր համար է, Վիլիո՛ս, ա՛յդ բոլորին համար է, ընդհատեց կառավարիչը... Դիոկղետիանոս ծեր է. կրնայ մեռնիլ. կ'ըսեն թէ կ'ուզէ հրաժարիլ: Կալերիոս բորբոքած է քրիստոնեաներուն դէմ. վճռած է մինչեւ ծայրը մաքառիլ անոնց դէմ, և ան է որ ամէնէն աւելի մօտ կը գտնուի մեզի. մեր ուղղակի տէրն է. կ'ընդունիմ որ ասիկա նկատելի պարագայ մըն է. աչքի առջեւ ունիմ զայն: Կոպիտ զօրական մըն է... Բայց, աւելի շատ ուժգնութիւն ունի քան հասկացողութիւն: Յետոյ, Կայսրութեան միւս ծայրը, Կալլիստի մէջ, կայ Կոստանդի ընտանիքը, կայ Կոստանդինի սրդին, որ կը նախընտրէ ձգձգել: Կը սպասէ: Կայսրութիւնը չի կրնար բաժանուած մնալ Չորրորդապետներուն միջեւ, որոնց երկուքը օգոստոսիանոսն, միւս երկուքը՝ միայն կեսար: Կեսարները միշտ պիտի ջանան օգոստոսիանոսի տխողոսը ստանալ, և այդ օգոստոսիանոսներէն մէկը պիտի ուզէ դառնալ միակ Կայսրը: Անխուսափելի է այս: Լաւ. ի՞նչ ուժ պիտի կրնար գտնել Կոստանդինի պէս բանիրուն մարդ մը, քրիստոնէական հուսակցութեան մէջ, ամբողջ Կայսրութիւնը իր փոխ մէջ կեդրոնացնելու համար: Մտածելիք բան է... Եւ այն ատեն, Վելլոս ի՞նչ պիտի ըլլայ իմ՝ կառավարիչ Պերիկրինոսի կացութիւնը, ի՞նչ պիտի ըլլայ քու ապագադ, եթէ քրիստոնեաները օր մը տէր գառնան Կայսրութեան և յիշեն այն խստութիւնները զորս գործադրած պիտի ըլլանք իրենց հանդէպ... Պէտք է խորհիլ տակաւին... Ազատ ձգէ զիս և Հորտանցիայի բնէ թէ կ'ուզեմ խօսիլ հետը:

Դիտէր որ սուրճանդակ մը հասած էր թէ՛ տիկնոջ և թէ՛ իրեն համար. կը յուսար անոր մէջ գտնել իբրորչման տարրերը: Հորտանցիա ժիր թղթակցութիւն մը կը պահէր Դիոկղետիանոսի կանանցի կարգ մը կիներուն հետ, Նիկոմիդիոյ մէջ, ինչպէս և Կալերիոսի կանանցին հետ, Թեսաղոնիկէ:

Տիկինը իրեն հաղորդեց իր ստացած նամակները: Տպաւորութիւնը հակասական էր: Նիկոմիդիոյ մէջ իշխանութիւններուն մէկ քանին քրիստոնեաներուն կողմը կը հակէին: Ասոնք ճիշտ այն իշխանութիւններն էին որոնք համ կ'առնէին Աստուածութեան էութեան մաշար բախտերուն դէմ ապահովուելու սահմանուած աշարողութիւններէն. ուստի և հակամէտ էին նենդ խաղերու: Նոյն իսկ յաճախ չափազանց յայտնի կ'ընէին իրենց զգացումները, — ինչ որ անօգուտ էր Դիոկղետիանոսի բացակայութեանը: Այս պարագան կը զբոսէր Կալերիոսի մնծ մօր թշնամութիւնը՝ նոր աղանդին դէմ: Սովորութիւն դարձած էր որ իրար ատէին եւրօպական կանանոցէն ասիական կանանցը: Կալերիոսի կանանցը, մնացած ըլլալով պառաւի մը տիրապետութեան տակ, — պառաւ մը՝ ջերմեռանդ հաւատացեալ Ողիմպոսի աստուածներուն, հաւատարիմ հին բարքերուն — վաղիմի Հոմի աւանդութիւններէն պիտի քարուն — վաղու կամքը: Վերջապէս, այնտեղ զէր անգութ ըլլալու կամքը: Վերջապէս, այնտեղ կ'ատէին Նիկոմիդիոյ մանկամարդութիւններուն թէ՛ երիտասարդութիւնը և թէ՛ մոլորուն հետաքրքրութիւնները:

Իբ մտքի վարժութիւնները կը մղէին Պերիկրինոսը խնդիրը նկատի առնել իր հեռաւոր երեւոյթներով: Հորտանցիա իրենց ցոյց տուաւ ամէնէն մօտաւոր կողմերը: Յետոյ, համաձայն ըլլալով Թեսաղոնիկէի մէջ տիրող կիրքերուն, բանբերի մը միջոցաւ դեռ նոր ապահոված էր Կալերիոսի մօրը, թէ ամէն ջանք պիտի թափէ մաքառելու համար այն աղղեցութիւններուն դէմ որոնք կը ձգտէին չափաւորութեան մղել կառավարիչը:

— Դուն կ'ուզես նախատեսել ապագան, ըստ անոր. դուն Պիւթեան գուշակ չե՛ս: Ներկայով զբաղէ: Մտածէ որ Կալերիոս աւելի մօտ է քեզի քան

Գիտելի տալանտս, որ ինքն այ, անդադար, ներողամտութեան խստութեան կը գառնայ քրիստոնեաներուն հանդէպ: Մտածէ՛ որ Կալբրիսոսին կը պարտիս պաշտօնդ, և թէ, վաղն իսկ, կրնայ անկէ զրկել քեզ: Ինչ որ կ'ընեն Թեաղոնիկէի մէջ, իր աչքերուն առջև, և թէ դուն չընես Կորնթոսի մէջ, քու գլխաւորդ մեղադրած չի՞ պիտի ըլլաս: Եւ կը կարծես թէ չի՞ պիտի դիմանայ քու գործերդ: Եթէ նոյն իսկ գանց առնէ՛ գաղտնապէս այտակ զրկել իր մտերիմներէն մէկ քանին քու ընթացքիդ մասին տեղեկութիւն ստանալու համար, բանի տեղ չե՞ս գնիր բանաստեղծ Կեփիստոսը, պղատունեան Փիլոմորոսը, և սա հռետոր Պաքուսը որ քսան տարիէ ի վեր իր ընթերցուածներուն մէջ կը ճտռէ քրիստոնեաներուն դէմ: Դուն փորձառու պաշտօնատար ես և այդ սնտոի յոյսը չես կրնար ունենալ: Կրնաս հաւատայ մէկ վայրկեան իսկ, որ անոնք լուր չպիտի տան օգոստոսափառին, անոնք և սուրիշ հարիւր հոգի: Եւ ահա, նման այն ծերուկին որ կը պարծինայ թէ կրնայ մէկ ասպարէզ (180 մեդր) հեռուէն կարդալ մեծ հրապարակին ջրաժամացոյցին ժամը, բայց չի կրնար քակել այն մագաղաթը որ իր աչքին առջև է և որ մահուան կը դատապարտէ զինքը, դուն կ'երազես չգիտեմ ո՛ր անհաւատալի յեղափոխութիւնը որ ո՛վ գիտէ ե՛րբ պիտի գայ, Կալբրիսոս խորէն, մինչդեռ չես զգար փոթորիկը որ կրնայ դէպի քեզ հասնիլ Թեաղոնիկէէն:

* *

Քանի մը վայրկեան յետոյ, կառավարելը իր քով կանչեց Վելիոսը:

— Հրովարտակը պիտի հրատարակուի վաղը, ըսաւ: Եարք մը օրինակներ հանէ՛: Նշանակէ՛ այն պահակները որ պիտի հսկեն պատը փակցուելիք օրինակներուն վրայ. քրիստոնեաները կրնան պատուել

զանոնք: Ժողովէ՛ այն մուստիկները որոնք պիտի կարգան միւս օրինակները, հրապարակներուն և պողոտաներուն վրայ. . . Ա՛հ, ինծի հասցուր պահակներուն տեղեկագիրները Կորնթոսի քրիստոնեաներու թիւին, անոնց անձնական մասնաւոր նշաններուն և բնակարաններուն մասին:

— Ոստիկանական այդ աշխատանքը շատոնց պատրաստ է:

— Սպանազէն մարդ մը պէտք է կենայ անոնց իւրաքանչիւրին դրան առջև: Անոնք պէտք է իրենք զիրենք նկատեն իրրեւ բանտարկեալ՝ իրենց տան մէջ: Հրովարտակը հրատարակուած ժամուն իսկ, պէտք է ձեռք անցրին զլխաւորները. . . Այս մարդիկը երէցներուն, սարկաւազներու, իրենց Եկեղեցւոյ պաշտօնեաներու ամբողջ նուիրապետութիւն մը ունին. նախ պէտք է անոնք ձերբակալել. . . Յետոյ, պէտք է քանի մը հողինոց պահակախումբ մը դնել անոնց եկեղեցիներուն մէջ, որպէսզի չկարենան բան փախցնել ծխական դիրքերէն և գոյքերէն որոնք պիտի գրաւուին, և որոնց կանոնաւոր զուգակազմութեան պէտք է ձեռնարկել ամենակարճ ժամանակի մէջ: Այս գործը մասնաւորապէս քեզի կ'իջնայ, քանի որ հրամանիդ տակ է նոտարներու գլուանը:

— Լա՛ւ:

— Մի՛ եթար. . . կը մտածեմ, — հրովարտակը պիտի հրատարակուի վաղը. . . Մինչ այդ, ընտրութիւն մը կատարէ գաղտնի ծառայութեան օտոմանուած պահակներուն մէջ: Վարժ մարդեր կան:

— Քանի մը հոգի: Ո՛չ շատ. Յոյներ և Սուրիացիներ: Միւս բոլորը նախկին զինուորներ են, մեծ մասով բարբարոսներ, ընդհանրապէս բթամիտ, որոնք արհեստին մէջ մտած են, որպէսզի, իրենց ծառայութեան շրջանը լրացած ատեն, օգուտին Կայսրութեան հողերէն:

— Վերջապէս... Դասը սորվեցուր Յոյներուդ և Սուրիացիներուդ: Պէտք է որ անոնք ժողովուրդին մէջ այն կարծիքը տարածեն թէ Եդիսոսի ծոցին մէջ երեւցած հրաշքը, ջուրերէն ժայթքած սա հրարուիր, Պոսիտոնի տաճարին ճակատը կործանող երկրաշարժը ազդարարութիւն մըն են զայրացած աստուածներուն կողմէ. պէտք է գրաւել հանրային կարծիքը... Այս առթիւ, լաւ կ'ըլլայ, մանաւանդ սկիզբը, թողուլ որ թալանուին քրիստոնեաներուն ընկալարանները. այս բանը պիտի շահագրգռէ խուժանը՝ հալածանքներուն մէջ:

— Մեր գիւլանաթուղթերուն մէջ ունինք հոնտոր Պաքիւրիոսի պարսաւագիրը՝ քրիստոնեաներուն դէմ: Մեծութիւնդ գիտէ անշուշտ որ այս նրբամիտ մարդը, իր երիտասարդութեանը, սակի կամ նուազ խառնուեցաւ աղանդին: Յետոյ նորէն ուրիշ զգացումներու յարեցու: Պարսաւագիրն անունն է՝ Բրիստոնեաներուն, ձշնարտրեանի շարնկաւ մը: Պաքիւրիոս անոր մէջ կը ձաղկէ իր երեւմնի բարեկամներուն բարքերը: Բնագիրը շատ դայթակղալի է, ընդունելի՝ կարգ մը բաներու մասին զորս չգիտեմ. ճշմարիտ՝ շարք մը իրողութիւններու համար որոնք ինծի ծանօթ են:

— Օրինակներ հանել տուր դպիրներուդ: Թող տարածեն: Աքանչելի է... Շտապէ՛. շատ ժամանակ չունինք... Բիչ մնաց կը մոռնայի. դանիճներն ու իրենց ծառաները պէտք է պատրաստ պահեն իրենց գործիքները՝ տանջանքի ենթարկելու համար ամբաստանեալները, ինչպէս նաև մահապատժի գործիքները: Բայց, որքան կարելի է, պէտք չէ մինչև հոդ գալ: Ես կը նախընտրելի վերապահել ապագան: Վե՛լիոս, քրիստոնեաներուն չպատճառենք այնքան խոր ատելութիւն մը որ իրենց յիշողութեան մէջ մնայ: Ըսի՛ թէ ինչո՛ւ...

..

Երբորդ օրը, կըր վե՛լիոս պալատէն կ'ելլէր՝ իրեն

յանձնուած պաշտօններուն կատարման հսկելու համար, նշմարեց Եւտիքիան, որ կ'անցնէր սեմէն: Սնկասկած, ինչպէս սովորաբար, մանկամարդուհին կ'երթար տեսնուի իր բարեկամուհի Փուլվիայի հետ, որ տակաւին չէր ապաքինած իր ծննդաբերութենէն: Քաղաքավարութեան քանի մը ընտանի, բարեկամական խօսքերով ողջունեց այս ազնուազարմ աղջիկը, որ անարատ անուն ունէր, — և ա՛լ չխորհեցաւ անոր վրայ:

— ... Եւտի՛քիա, կ'ըսէր Փուլվիա, քանի մը վայրկեան յետոյ, մտի՛կ ըրէ: Մայրս ամբողջ ճշմարտութիւնը չէր գիտեր, երբ դուն կը հարցաքննէիր զինքը. կամ աւելի ճիշտ, անկասկած կ'ուղէր ծածկել զայն. հալածանքները վճռուած են. ինքն իսկ խրատ խօսած է: Դուն կը ճանչնաս զինքը. սպասելի էր: Խօսած է: Դուն կը ճանչնաս զինքը. սպասելի էր: Բարեկամներուդ, որքան կրնաս շո՛ւտ: Ըսէ՛ Ոնեսիմոսին և եպիսկոպոսէն ձեռնադրուած բոլոր ճիւղերուն որ հեռանան: Լաւ թաքստոցներ կան Սաուամիայի լճին շրջակաները. մինչև այն կողմերը չպիտի փնտռեն. թերեւս չեն ալ ուզեր: Ըսէ՛ նաև որ եկեղեցիներու գոյքերը պիտի ցուցակագրեն, թող միասին տանին կամ պահեն գիրքերը և ծխական առարկաները: Շո՛ւտ, շո՛ւտ: Դո՛ւն անգամ կասկածելի պիտի դառնաս... կը յուսամ որ վելիոս պիտի մոռնայ քու անունդ կարողալ պահակներուն պատրաստած ցուցակներուն վրայ — եթէ այդ անունը հոն գտնուի, ինչպէս կը կարծեմ — որովհետև, այդ մարդոց արհեստն է արծառնագրել բոլոր անոնք որ կը մատնանշուին, և աւելի մեծերուն կը ձգեն որոշելու հօգը: Պերեկրինոս գիտէ մեզ միացնող գուրգուրանքը. բայց եթէ հրապարակային մասնութիւն մը ընեն մեծ հրապարակին վրայ: Յայտնի է. պիտի հարկադրուի գործել կամ այնպէս ցուցնել... Խնդրէ՛ հօրմէդ որ քեզ տանի ձեր Փախտոսի ամարանոցը:

— Իսկ դո՞ւն :

— Ե՞ս . . . Ես Պերեկրինոսի աղջիկն եմ. ո՞վ կը համարձակի կասկածել ինձմէ : Մնաց որ, ի՞նչ մեղքս պահեմ, ես քրիստոնեայ չեմ : Ինձմէ պիտի պահանջեն պտղունց մը խոսնկ ծխել Ողիմպական աստուածներու խորանին վրայ . ո՛ր և է անպատեհութիւն մը չեմ տեսներ ատոր մէջ . յետոյ, չեմ ըմբռներ որ դուք մերժէք կատարել այսքան անկարեւոր բան մը . . . Ես կը համակրիմ քրիստոնեաներուն՝ քո՛ւ պատճառով . քե՛զ է որ կը սիրեմ անոնցմով . ահա ամէնր . . . Իրա՛ւ է որ դուն վճռապէս կ'ուզես օծուած կոյս մը դառնալ անոնց մէջ : Ատիկա շատ ծիծաղելի կը թուի ինձի, և շատ անգուժ ինձի համար . ես ա՛յնքան կ'ուզէի ըլլալ քու մտերիմ առաջնորդը, քեղի յայտնել այն դազտանիքները զորս պէտք է գիտնայ աղջիկ մը, այն իրիկունքերը կը սպասէ իր ամուսնին . . . Անցնի՛նք . տրտունջներս ուրի՛շ առեն . շո՛ւտ դնա, բայց շատ հանգարտ, ինչպէս սովորաբար . սրպէսդի մարդ չկասկածի թէ բան ըսած եմ քեզի . . .

Պերեկրինոսի աղջիկը չէր գիտեր որ միեւնոյն պահուն, Վեյիոսի մեկնումէն անմիջապէս յետոյ, իր հայրը գաղտնի բանքեր մը զրկած էր Կորնթոսի բոցաքուրմերէն Դիտիւմի, որ, այս կրօնական և քաղաքապետական իշխանութեան տակ, պարտաւոր էր մասնակցել զոհաբերութեանց, հանդիսաւոր առիթներու մէջ : Երկար ատենէ ի վեր, գիտնալով որ Դիտիւմ քրիստոնեայ է, աչք կը գոցէր անոր բացակայութեանց, նման պարագաներու մէջ . իսկ քուրմը, փարթամ անձ, որ մեծ սուտաւոր ունէր Ասիոյ նաւահանգիստներուն մէջ, գիտէր հատուցանել այդ բարեարտութիւնը : Պերեկրինոս լաւ կը հաշուէր թէ այս անգամ ալ այնպէս պիտի ըլլայ . . .

*
* *

Եւտիքիա առանց ուշանալու վազած էր լուր տալու Ոնեսիմոսի : Կորնթոսի եպիսկոպոսը Հրեայ մըն էր, Պաղեստինէն, բայց բոլորովին հելլենացած, պղատոնեան փիլիսոփայ՝ քրիստոնէացած . շատ եռանդուն, բայց խոհեմ և ճարպիկ քարոզիչ, որ շատ ուղղամտօրէն երկու դիրք ուր ցուցնէր, գրեթէ երկու երես, — հեթանոսներուն առջև, իր հաւատքը կը սահնցնէր նախ անուղղակի ակնարկութիւններով և փիլիսոփայական վիճարանութեանց ձեւին տակ . յետոյ, նորադարձներուն կը քարոզէր խանդավառութեամբ մը ուր իր ցեղին մարդաբէականութիւնը կը յայտնուէր տակաւին :

Ամբողջ քաղաքը յուզուած էր արդէն վերահաս լուրէն : Նաւաստիներ, սարուկներ, թշուառ ազատագրեալներ, տաճարներուն շրջակաները բնակող արհեստաւորներ որոնք կ'օգտուէին հաւատացեալներու և ուխտաւորներու բարեպաշտութենէն, իրար կը շնորհաւորէին դէպքի մը համար որ կը գգուէր իրենց կիրքերը կամ շահերը : Տակաւին կառավարիչին գործակալները չէին սկսած հրահրել զիրենք, բայց անոնք անկեղծօրէն, իրենց խղճմտանքին խորէն, կը մտաւանջուէին ալիքներուն վրայ երեւցած նախանշաններով, և զանաք կը վերագրէին Անմահներու բարկութեան՝ սրբապիղծներուն դէմ : Այսօ՞ր կը նախատեսէր այն բարիքները՝ որ պիտի ստանար քրիստոնեաներու տուններուն թալանումով, բայց թալանի ձեռնարկելէ առաջ, կը սպասէր իշխանութեանց լռին մեղսակցութեան խոստումին : Հոետոր Պաքիւրիոս ծանուցած էր ընթերցուած մը, ուր, կծու մանրադէպերով, պիտի կրկնէր իր պարսաւագրին ամբաստանութիւնները՝ քրիստոնեաներուն դէմ : Իսկ այս վերջինները թէ կ'ուզէին ժողով գումարել ձեռք առնուելիք միջոցները որոշելու, վարանոտները խրախուսելու համար, և թէ կը վախնային պահակներուն ուշադրութիւնը պրտակէլ, քանի որ անոնք այդ ժողովները պիտի վերագրէին սպասումբական օգիլի :

Ոնեսիմոս, Թեսաղոնիկէի եպիսկոպոսին ժամանումէն ի վեր, լուր առած էր վտանգի մասին: Բայց, գիտնալով կառավարիչին չափաւոր ոգին, ձգձողական խոնհամութիւնը, երբեք չէր կարծեր որ սնոր որոշումը կրնար դառնալ անմիջական և այնքան վայրագ: Եւտիքիա դժուարաւ կրցաւ համողել թէ մտածալու ժամանակ չկայ: Բայց, այն ատեն իր որոշումներուն վրայ ազդեցին Եկեղեցիին նախորդ տագնապները, նման առիթներու մէջ:

Մինեսիոս, Թեսաղոնիկէի եպիսկոպոսը, արդէն ապաստան մը դռած էր այդեպաններուն քով, որոնք քաջ մարդիկ էին, թէեւ հեթանոս, ազատագրուած՝ Եւտիքիայի կողմէ: Իր պարտականութիւնն էր պահել հօտին հովուութիւնը, ոչ թէ անձնապէս դիմագրաւել պետութեան պաշտօնատարներուն հետ ծագելիք պայքարին: Ինք, Ոնեսիմոս, ձերբակալուելու վտանգով, պէտք էր մնար Կորնթոսի մէջ, իր եղբայրները սրտապնդելու և հաւատքը քարոզելու համար:

Եւ սակայն, լաւ էր ապահովել կանոնապէս ձեռնադրուած քանի մը երէցներու ազատութիւնը, սրովհետեւ, քրիստոնեաներուն կրօնը միայն վարդապետութեանց, բարոյականի, անհատական վարքութարքի գործ չէր, այլ նախ և առաջ յաճախակի կատարումը խորհուրդի մը որ հետեւորդը կը միացնէ իր Աստուծոյ, և որ զայն մասնակից ընելով Քրիստոսի արժանաւորութեանց, նոյն իսկ, կերպով մը, սնոր աստուածային ընտելեան, կը մաքրէ հոգին և կ'ապահովէ յախտեանական փրկութիւնը: Ասով ալ անհրաժեշտ կը դառնար ապահովել ծիսակատարութեան պէտք եղած առարկաները, — սրբազան անօթները, մանաւանդ զիրքերը: Ուրեմն, պէտք էր գրաւումէ փախցնել այդ ասարկաները: Ոնեսիմոս կասկած չունէր Եւտիքիայի անձնուիրութեան մասին: Մանկամարդուհին հասած էր իր գահաւորակով, իր սեփական ստրուկներուն հետ: Եպիսկոպոսը սնոր ձեռքը նետեց գիրքերը:

— Տա՛ր ատնք: Քու տունդ ապահով է... Յետոյ կ'ըսենք թէ ուր պիտի գնես:

— Պերեկրինոսի տունը աւելի ապահով է, գիտել առաւ Եւտիքիա, որ կը յիշէր իր մտերմութիւնը Փուլվիայի հետ:

Եպիսկոպոսը ժպտեցաւ: Այս հնարքը օրինաւոր կը թուէր իրեն, ինչպէս և սրամիտ: Կահաւորակին մէջ գիղեց գիրքերը: Եւտիքիա իր մարմնովը ծածկեց զանոնք, և դէպի պալատ առաջնորդեց իր ստրուկները:

Ատնք ալ քրիստոնեայ էին, իրեն պէս: Մանկամարդուհին ազատագրած էր զանոնք հաւատապահներու ժողովին աջիւ, իր ծառայութեան համար պահելով: Կորնթոսի հասարակ ժողովուրդը սովորաբար չէր գիտեր անունը, կամ գիմագիծերը նոր աղանդին պատկանող ազնուազարմ անձերուն, և միայն համարուէն կը ճանչնար զանոնք: Բայց կրնար զանազանել այն քրիստոնեաները որ անոնց հետ կապ ունէին, անոնցմով կ'ապրէին, միեւնոյն փողոցները, միեւնոյն զինեւտունները կը յաճախէին: Ինչքան ալ կարճ տեւած ըլլար Եւտիքիայի աեսակցութիւնը, բաւական եղած էր գրգուռը սաստկացնելու: Վերիոսի գործակալները գործի վրայ էին. ձեռքէ ձեռք կ'անցնէին Պարթիոսի պարսաւազրին օրինակները. արդէն թալանուած էին քրիստոնեաներու քանի մը տուներ, և որիչ աւարաւորութիւններ կը պատրաստուէին: Խուժանը չէր կեցներ քրիստոնեաները. այդ ոտականութեան գործն էր, այլ կ'անարդէր զանոնք և կը խոչտանգէր. այն ատեն պահակները միջամտելով, ձեռք կը զարնէին այդ չարչարանքներու գահերուն, բարեկարգութիւնը պահպանելու պատրուակով: Աւազակախուժներն մաս կը կազմէր պապուկ Ռետիկոսը, ծուկերը ներս քաշուած, կաղ, քստմնելի, վէրքերը աւելի լորրօքած՝ արշաւանքէն: Կուրծքին վրայ կը պահէր ոսկի ձուկ մը, քրիստոնեաներուն պաշտելի ձուկը, զոր գտեր էր թալանուած

առնէ մը . իր ավերով կը ճանկէր կերպամներ և ճրագարաններ : Օրտուլա իրեն կը հեռեւէր , ուսերուն վրայ առած՝ փետուրէ անկողին մը : Հաղար ութ հարիւր տարի յետոյ , օրթոտոքս քրիստոնեաները , օրոնք Սկիւթացիներէն սերած էին , շատ տարբեր ընթացք մը չրոնեցին իրենց քաղաքները լեցնող Հրեաներուն հանդէպ : Կայսրութեան թշնամիներուն դէմ հրահրուած ժողովուրդ մըն էր , որ կը տենչար իւրացնել անոնց ստացուածքը :

Արշաւոյները ճանչցան Եւտիքիային գահաւարակը կրողները :

— Քրիստոնեաներ , նորէ՛ն քրիստոնեաներ :

Քարեր նետուեցան : Գահաւարակը բռնող խումբը երեքաց , մարդ մը գետին գլորեցաւ . գահաւարակը շրջեցաւ և ինկաւ : Եւտիքիա , սարսափահար , կասկապուտ , վարագոյրներէն դուրս սահեցաւ : Միեւնոջն ատեն իր ծածկած գիրքերը սալաքարերուն վրայ ինկան : Խուժանը նախ շատ ուշադրութիւն չցարձուց :

— Քրիստոնեաներ , քրիստոնեաներ :

Ամբոխը շարաշար կը ծեծէր , թոպաման կը սպաննէր գահաւարակը կրողները : Եւտիքիա , որ սաքի ելած էր , ձեռքերը վեր առաւ պսոզատելու , կամ զանոնք պաշտպանելու համար : Իր հագուածքով , մանկամարգուհին չօւրկնա մըն էր , նոյն իսկ կոյս մը : Ընկրկում մը տեղի ունեցաւ , վարանումի հետեւանքով . բայց Ռեաիկոս , միշտ ակնդէտ աւարի մը , ժողվեց գիրքերէն քանի մը հասա :

— Տո՛ւր , ըսաւ Օրտուլա , հետաքրքիր :

Եւ քակեց գիրքերը , արագ պտտուց աչքերը , որոնք շողացին . յետոյ գիրքերէն երկուքը պահեց իր կապուտ կտուռէ : չապիկին տակ , սեղմելով դօտիի մը կարուածքին մէջ , և միւսները նետեց գեղին մէջ , սալայատակին վրայ :

— Ասոնք քրիստոնէական գիրքեր են , անոնց կախարդութեանց գիրքերը : Կինը քրիստոնեայ է :

Ամէնը կը ճանչնային վնուկ Օրտուլան : Ան վարպետ էր ասանկ բաներու : Եւ ահա կը մատնէր կախարդութիւն մը որ ատելի էր աստուածներուն : Խուժանը մօտեցաւ մանկամարդ աղջկան : Ընե ձեռքեր հետքեր ձգեցին իր պարեգօտին վրայ : Պահակներն ալ լսեր էին : Մնաց որ , կայսերական գրուածան Եւտիքիաւուած առարկաներ տնդափոխել , ծածկել , «դողնալ»՝ ոճիր էր , ոճիր մը որ ինքնին կը մատնէր քրիստոնեայի հանգամանքը , և կը ճանրայնէր յանցանքը , անարգելով կայսեր իշխանութիւնը , վեհափառութիւնը և աստուածութիւնը : Եւտիքիան փրկելով խոշտանգող լուռնցքներէն , պահակները հրամայեցին .

— Հետեւէ՛ մեզի :

Մանկամարդուհին իր անունը տուաւ .

— Ես Եւտիքիան եմ : Հայրս է Եւզեմոս , նաւայարդար և քաղաքապետ : Ես մտերիմ բարեկամուհին եմ Փուլվիայի , կառավարիչին աղջկան : Կրնաք հասկընալ պալատէն :

— Կը հասկնանք , պատասխանեցին , անտարբեր : Մինչեւ այդ , հետեւէ՛ մեզի . . .

Օրտուլա , անմիջապէս , ըսեր էր Ռեաիկոսի .

— Կեցի՛ր հոս . . . Ծարուանկէ՛ ժողվել ինչ որ կրնաս : Ես կ'երթամ . դորժ ունիմ : Իրիկունը կը գաննու զիս Կանգրէասի դուռը , ինչպէս սովորաբար , եթէ , ա՛լ դորժ չմնայ այս թաղին մէջ . այն ատեն ես հոն կը փնտռեմ քեզ :

Միշտ հագուստին տակ պահելով իր խլած գիրքերը , վազեց Միւրինայի բնակած տունը :

— Անցեալ օր ըսիր որ դամ . ահաւասիկ : Կ'ուզե՞ս որ ճակատադիրդ հարցնեմ : Տո՛ւր ձեռքերդ . . . Բայց այս լուսական չէ : Վառեակի մը արիւնը պիտի հասեցնե՛ . . . Վառեակ մը ունի՛ս :

— Թէոկտենէս ճաշի է այս իրիկուն, պատասխանեց Միւրիմա, իր բարեկամներուն հետ, — փիլիսոփայ Փիլոմորոս, Կլէոփոն, որ կը կոչուի նաև Տիմարիոն, կնոջ սնուն մը, որովհետև... կան ուրիշներ ալ, բանաստեղծ Կեփիստոր: Ես զայն չէի ճանչնար մինչև վերջին օրերս. քիչ մը խենդուկ է, բայց զուարճալի... Անշո՛ւշտ վառեակ ունինք: Հարցնեմ խոհանոցներու ստրուկին:

— Նախ թող որ աչքէ անցընե՞ս... Սիրուն տուն ունիս, Միւրիմա:

— Մեծ չէ, բայց սիրուն է... Կը յիշե՞ս այն սենեակը զոր ունէի ստաջ, Եւրիստէի տունը: Քսան սենեակ կար, բոլորն ալ իրարու նման, քսան կիներու համար: Չորս կրածեի պատեր ունէր. գետինը կոփուծոյ հող էր, կնիւնէ փսիաթներով, — բացի այն անկիւնէն ուր կը դանուէր կաւէ անկողինը, ծածկուած՝ բրդեայ գորգով մը: Երբեմն, կէս օրէն յետոյ, երբ պառկած կ'ըլլայի յաճախորդի մը քով, արևու ճառագայթ մը կ'իջնար այդ անկողինն վրայ տանիքի միակ ձեղքէն, շիփ-շիտակ, շողալով ապակիի կտորի մը պէս: Ես դիտեամբ այնքան զօրաւոր կը նայէի որ, կը սկսէի շիլ տեսնել, և յաճախորդը կը կարծէր թէ աչքերս հաճոյքէն կը դառնա՞ն:

Ու խնդաց:

— Եւ ամէնը այս էր: Ուրիշ ոչի՛նչ: Ոչինչ, բայց միայն սա ծերուկը որ կը քնանար բակը, պարիսպին դէմ, ստուերահողի մը մէջ որ հազիւ աւելի մեծ էր քան իր մարմինը. սրբազնասուրբ յիմար մը, որուն տակիւք կու տան կիները սրպէսդի իր խօսքերը աւետարներ ըլլան. յետոյ Եփամ ձէթի հոտ մը, ամէն կողմ, ինչպէս նաև բոլոր այն խունկին զոր հարկ է ծիսել Ափրդիտէի պատկերին առջև, կողուցէն առաջ. յետոյ ջրալի ջրամանները՝ յուսացումի համար, պղինձէ

իմ սլզաիկ խեցեղէն թմբուկս, յետոյ այն մեծ սնտուկը ուր կը դնէի իմ իրերս և պուպրիկս... Պուպրիկը քովս է տակաւին. պիտի ցուցնեմ քեզի: Մնտուկն ալ պահած եմ, կափարիչին վրայ նկարուած սիրուն ծաղիկներուն համար: Թէոկտենէս կը խնդայ ասոնց վրայ:

— Մնտուկը պահած ես:

— Այո՛, ծաղիկներուն համար, ըսի արդէն: Կը յիշես: Կ'ուզե՞ս տեսնել: Պիտի տեսնես նաև մեր սիրուն սենեակը... Եկո՛ւր:

Չով սենեակ մըն էր, մարմարով սալարկուած, միակ պատուհանով մը զոր խիստ նուրբ փայտէ ցանց մը կը պաշտպանէր արեւին դէմ: Անկողինը, ծածկուած նուժիդիոյ այծերու մորթերով, փորուած էր մարմարի չորս մեծ կտորներու մէջ: Բարձերուն կողմը, որ սահմանուած էր ընդունելու տարփածուներուն գլուխը, սնարքին վերեւ, շահապետ մը (դաշտի աստուած) կը վայելէր կին մը որ իր քամակը երկարած էր իրեն. ձեղունէն վար կախուած էր պղինձէ եռաստիճան կանթեղ մը, որուն սրածայր ընդունարանները կարծես բռնուած, պահպանուած էին չնազուլիս փալլոսներէ: Եւ սենեակը գրեթէ մերկ էր, այս բոլորէն՞ զուրս:

— Մնտուկը հո՞ն է, սա անկիւնը: Թէոկտենէս զայն ծածկած է բիւթանական դորգով մը, բայց միշտ միւնտոյն է...

— Հո՞ն կը դնես դոհարեղէններդ:

— Ո՛չ, պատասխանեց Միւրիմա, յանկարծ կասկածի գալով: Ոչինչ կայ մէջը, հին բաներ: Աւելի լաւ է տեսնես:

Բացաւ սնտուկը, որ փակուած էր չուանէ հանդոյցով մը:

— Թէոկտենէս պիտի կը դնէ հոս. ամէնը այս փաթաթներն են... Իմ իրերս ա՛լ չեն սղմիր հոն, աւելցուց հպարտութեամբ: Իմ ամբիկեցի ստրկուհիս է որ կը պահէ զանոնք սենեակի մէջ, վե՛րը: Հիմա կը ցուցնեմ:

Օրտուլա անփութօրէն նորէն խօսք բացաւ այն ճաշին վրայ զոր Միւրբինա պիտի տար իրիկունը :

— Սեղանին վրայ պիտի ըլլայ թառափ ձուկ մը եքրօսէն, փորը լեցուած, աւետեց Միւրբինա, և ձերմակ սագի լեարդ ապսպրեր եմ, մեղրով :

— Իսկ վառեակն՞քր . . .

— Միտքս ձգեցիր : Սպասէ՛, ես ինքս երթամ զատեմ սիրուն, քաջողջ վառեակ մը :

Օրտուլա մինակ էր : Միւս փաթաթներուն հետ, անտուկին մէջ սահեցուց իր բերած գիրքերը, յետոյ շտապեց Միւրբինայի միանալ ներքին բակի մը մէջ, որ շրջապատուած էր սիւներու կրկնակ շարքով մը : Այնտեղ ստրուկներ կը պատրաստէին ընթրիքի կողմածները ցած սեղանի մը վրայ : Թէոկտենէս և իր հիւրերք իրենց ճաշը կ'ընէին բարձրու վրայ նստած . անկողին չկար, ինչպէս Հռոմայեցիներուն մէջ :

Այս սիւնաշարքին միւս կողմը, Իսիսի մէկ արձանը — այն աստուածունին զոր կը պաշտէր հիմա Միւրբինա — քաղցր և խոկուն դէմք մը կը ցուցնէր, որուն կը խառնուէր, միւս անմահներուն անծանօթ եղանակով մը, հեշտանքի ուշադիր և երկրային խանդաղատանք մը : Այնտեղ և զարմանալի հրաշքով մը, փոխն ի փոխը կոյս, յետոյ խենդի պէս միացած աստուածային Օզիրիսի, յետոյ նորէն կոյս, ողբալու համար այդ շարդուած և կտոր կտոր եղած սիրահարը, նորէն տարփունի, երբ վերջապէս ժողովեց այդ արիւնլուայ նշխարները, զանոնք վերակենդանացնելու համար, — Իսիս, որ իր առաջին հաւատացեալներուն մէջ կը հաշուէր բողբոլը, հիմա կը պաշտուէր շատ մը անբասիր կիներու և պարկիշտ մարդերու կողմէ, ան կը մարմնացնէր ամբողջական լոյսը, տիեզերական գուլթ մը, մարդկային էակներուն կ'ուսուցանէր այն սրբագործող ծէսերը որոնց շնորհիւ պիտի կրնային մասնակցիլ իր յաւիտենական երանութեան : Միւրբինա երկիւ-

ղածօրէն հագած էր մարմարին պատկերը՝ կտաւէ շրջազգեստով մը, իր կուրծքին վրայ խաչ՝ ձեւած՝ կապոյտ մետաքսէ սկիծոպ կրկնոց մը, ականջներէն կախած էր մարդարիտէ արտասուածու գինդեր, վիզէն՝ սկի մանեակը որ կոկորդիլն վրայ կ'արձակէր թանկագին քարերով խաչ մը, օղակուած՝ կիտուածներու շրջանակով մը :

Օրտուլա, դանակի մէկ հարուածով մօրթելով վառեակը, ուշադրութեամբ դիտեց սալաքարերուն վրայ թափած արիւնը, բացաւ սուսեցիկ կուրծքը որ կը թարախէր տակաւին, հարցուփորձեց թոքերը և ուղեղը : Միւրբինա սրտատրոփ կը սպասէր :

— Ի՞նչ կ'ուզես գիտնալ, ըսաւ Օրտուլա : Հիմա երկնց՞ուր ձեռքերդ նայիմ . . .

— Նախ և առաջ կ'ուզեմ գիտնալ որ Թէոկտենէս միշտ պիտի սիրէ՞ զիս :

— Պիտի սիրէ մինչեւ մահ :
— Ի՞նչ այլանդակ է ծիծաղդ . ես չեմ ուզեր մեռնիլ . ես կ'ուզեմ սիրել զայն . . . Բայց ուրիշ բան մըն ալ կայ զոր կ'ուզեմ գիտնալ . . . Մտի՛կ ըրէ՛ : Կը յիշե՞ս պուպրիկս, այն որ արդէն ունէի միւս տունին մէջ : Միշտ կ'ըսէի Եւրինոմէի . Վի՛նչքան կ'ուզէի ունենալ ասոր ողջը : Ծա՛տ կը սիրեմ խաղալ իրական երախայի մը հետ : Անոնք կը շարժուէին իրենց կլորիկ անդամները, երբ կը լուսու, բայրօրովին մերկ, և յետոյ երբ կը հագուեցնես . երբ երգես, քեզմէ անդին, դէպի երկինք կը նային : Բայց Եւրինոմէ կը պատասխանէր. «Յետո՛յ, յետո՛յ : Գէշ գաղափար չէ, բայց ո՛չ հիմա : Այս արհեստին մէջ մասնջ մը, աղջիկ մը լուբան է երբ մարդիկ կը սկսին քեզի ցանկալ աւելի քու փորձառութեանդ քան թէ երիտասարդութեանդ համար : Սպասէ՛ : Սպասէ տակաւին, առ նուազն տասր տարի . հիմա դուն ինքդ պղտիկ աղջիկ մըն ես արդէն» . . . Հիմա, ես այլևս պղտիկ աղջիկ մը չեմ, քանի

որ գիշերն ի բուն և օրն ի բուն միևնոյն սիրահարը
ունիմ, տիկնոջ մը պէս: Այլևս գրեթէ չեմ նայիր
պուսպրիկին վրայ. ես սրբազան Իսիսի, Կուսամայրին
պէս զգեստաւորուած եմ: Չտեսա՞ր... Օն, խօսէ՛:
Պիտի ունենամ ինչ որ այնքան կ'ըզձամ:

— Կարծեմ թէ... Բայց անկէ առաջ շատ բաներ
կան... Չգուշացի՛ր հանրային վայրէ մը ուր կը տես-
նեմ տաճար մը և նստած մարդ մը որ կ'իշխէ ամբո-
խին վրայ: Ան քու ըզձանքիդ թշնամին է:

— Ի՞նչ կարելի է ընել այդ ճակատագրին դէմ...
Գլուխդ կը թօթաւո՞ս... Կը վախնամ, հիմա... Յան-
ցանքը քուկդ չէ. դուն կ'ըսես ինչ որ կայ, չէ՞...
Շնորհակալ եմ, Օրտո՛ւլա: Ա՛ն սա և խոհանոց ան-
ցիր: Բաներ մը պիտի տանիս Ռեանկոսիդ:

*
**

Բանաստեղծ Կեփիստորը պզտիկ մարդ մըն էր,
զուտ հեղինամբին, և գիրուկ, թէեւ աղքատ էր: Այդ
իրիկունը ամէնէն վերջը հասաւ Թէոկոսնէսի տունը,
քրտինքներու մէջ թաղուած. և, մերժելով իրեն հրամ-
ցուած աղջուրով ձուկերը, այժի պանիրի պզտիկ շեր-
տերը, աղած ձիթապտուղները, — կ'ըսէր թէ երբեք
պէտք չունի այդ բաներուն, ծարաւնալու համար —
մէկ ումպով կլլեց Գիտսի եփուն գինին զոր Միւրինա
կը հրամցնէր, խառնուած՝ նարդոսի, ձէթի և օշինդրի
հետ, կրետական ձիւնով լեցուած լաթի մը մէջէն,
որպէսզի զովանայ և հրատուչոր խանդը մարի:

— Դուք, ըսաւ կոչնականներուն, երեւելի մար-
դիկ էք և չէք կրնար ոտքով երթալ: Ամբոխը ցիր ու
ցան կ'ըլլայ ձեր գահաւորակներուն առջեւ, կամ թերեւս
դուք բնաւ պէտք չունիք անցնելու քաղաքին նոյն
թաղերէն. ահա թէ ինչո՛ւ կրցեր էք ժամանակին հաս-
նիլ: Բայց, հետիոտն եկողի մը համար, այնքան դիւ-
րին չէր մէկդի հրել մարդիկ որոնք կը վազէին ամէն

կողմէ, նման մրջիւններու որոնք իրարմէ կը գողնան
իրենց հաւկիթները: Հրովարտակը հրատարակուած է.
Ինձի կը թուի թէ շատ մարդիկ առիթէն կ'օգտուին.
Եթէ աւելի ժամանակ և քիչ մը դրամ ունեցած ըլլայի,
պիտի սակարկէի պղինձէ անօթ մը, որ զեղեցկօրէն
զարդարուած էր կիտուածանկարներով, կարծեմ պարս-
կական: Շատ սուղի չպիտի նստէր:

Առջի բերան, այս եղաւ միակ ակնարկութիւնը՝
օրուան գէպքերուն: Այս նրբակիրթ Կորնթայիներուն
առջեւ, յարմար չէր հասցնելով խօսիլ չափազանց ըն-
թացիկ դէպքերու վրայ, որոնք ատով իսկ նիւթական
կոպտութեան երեւոյթ մը պիտի առնէին: Իրենց բո-
լորտիքը կը գանուէին սիրուն աղջիկներ, — Փիլենիս,
զոր թէոկոսնէս հրաւիրած էր, հակառակ Միւրինայի
կամքին, գիտնալով որ կրնայ հաճելի գալ Կեփիստորի.
Քսանթո, զոր հռետոր Փիլոմորոս միասին բերած էր.
անոր բարեկամուհին, որուն բերանը սովորաբար գոց
կը մնար, բացի համբոյրի ժամերէն. Փիլոմորոս շատ
սրամիտ աղջիկ մը կը նկատէր զայն. և աղջիկը լաւ
մտիկ կ'ընէր: Բայց առանձին եկած էր Կլէոփոն, զոր
իր տարիածուները կնոջական անունով մը Տիմարիոն
կը կոչէին, այտերը սնգուրուած, դաստակներուն ան-
կը կոչէին, այտերը սնգուրուած, դաստակներուն ան-
ցուցած բիւրեղ և ոսկիէ օղակներ, իսկ զմութխէ
օղեր՝ խարտեաշ մազերուն տակ, որոնք նրբօրէն ոյոր-
ուած, վէտվէտուն ձեւ մը առած էին չնորհիւ գեղա-
յարդարի մը երկաթին. կատարեալ զեղեցկութեամբ,
նոյնքան հեշտարօյր սրքան Հնդկաստանի Յաղթական
Դիոնիսիոսի զեղեցկութիւնը: Եւ, իր երեսին գոյնը
պահելու համար, միայն ջուր կը խմէր:

Կեփիստոր, պատուելով հանդերձ Երրոսի թա-
ուափը, կը շարունակէր լիառատ ըմպել: Պահէ պահ,
սեղանին սպասարկու ոտրուկները, որոնց շատերը
վարձուած էին — որովհետեւ Միւրինա շատ քիչ մարդ
ունէր — վարդի և անանուխի ջուր կը սրսկէին կոչնա-

կաննհրուճն վրայ: Սրահը շատ դուր էր. մինչ, ազատ երկնքին տակ, շէնքերուն, պատերը անջրպետին կր փոխանցէին այն տաքութիւնը որոնցմով թաթառուն էին արեւէն, ցերեկուան հրատապ ժամերուն: Կեփրստաբ, անշուշտ իր հեւ ի հեւ քարուածքին հետեւանքով, թերեւս նախ իմամ գինիին ազդեցութեամբ, թեթեւ սարսուռ մը կը զգար: Միւրքինա, որ նշմարած էր այս պարագան, անոր ուտերուն վրայ ձգեց բուրդէ կրկնոց մը, սա «անդամիտ»ը զոր վրան կ'առնէր թէոկաննէս, ջերմոցի քրտինքներէն յետոյ: Բանաստեղծը ներքողեց կերպասին նրբութիւնը: Եւ պատկեր մը ի նյալով միտքը, ըսաւ.

— Եւզեմոսի աղջկան հաղած սրօղաին հիւսկէնը՝
ասոր նման երեւցաւ ինձի, ճիշտ հիմա... Բայց,
Բագոսը վկայ, ան այսքան ձերմակ չէր: Թշուառու-
կանը սրքան սղատաւ էր գայն:

— Եւզեմոսի աղջիկը, Եւտիքիան, ընդմիջեց
թէոկաննէս, սխալ չըլլա՛յ...

— Ինչ որ կ'ըսեմ ան է. իր գահաւարակէն վար
նետեր էին գայն... Յետոյ պահակներ եկան և զինքը
ձերբակալեցին իրեւ քրիստոնէայ:

— Բայց հրովարտակը կ'արտօնէ՞ որ ձերբակալին
բոլոր քրիստոնէաները, երբ անոնք հրապարակու մե-
ղայ չեն ըսած տակաւին:

— Կ'երեւայ ուրիշ բան կար. տեսակ մը գողու-
թիւն, Նորին Կայսերական Աստուածութեան անունով
գրաւի ենթարկուած իրերու զեղծում... Լաւ չ'տակցայ.
և լուր առնելու ժամանակը չէր:

— Զարմանալի բան, ըսաւ Փիլոմորոս, կարծես
գուարձանալով:

Յանկարծ Կլեոփոնի ձայնը լսուեցաւ: Շատ անուշ,
միշտ իգական շեշտեր պահելու կամեցողութեամբ, այգ
ձայնը կը թրթոար դայրոյթով մը որ զարմանք պատ-
ճառեց.

— Ուրիշ ըսելիք բան չգտա՞ր, Փիլոմորոս:

— Ուրիշ ի՞նչ կայ...

— Ան կայ որ մարդ պէտք չէ ձերբակալէ, նոյն
խոյն մէկ գիշերուան համար թիարան նետէ մեր շրջա-
նակէն անձեր, սրազ կասկածի վրայ, առանց դատա-
տանի:

Խնդացին: Կորնթոսի մէջ, ոչ մէկ պատուաւոր
տուն չէր զիջաներ իր յարկին տակ բնութիւնը Կլեո-
փոնը: Ինք զիտէր և հոգ չէր ըննը: Իր վարք ու բարքը
ամօթալի էին, իր յաճախած տեղերը՝ եզակիսն: Սակայն
ինք համոզուած էր թէ այդ կենցաղին ու յաճախում-
ներուն իրաւունքը ժառանգած էր իր հարստութենէն
և ծնունդէն. ասկէ գաւ, իրեն ծիւղողի կը թուէր
իր դէմ հաստատուած խեցեղծիւր. ինք զգայուն էր
բոլոր անարդարութեանց հանդէպ, և ընդունակ վեհօգի
ու ինքնաբեր թախքներու, իրեւ փափուկ և նուրբ
հոգի:

— Ես, ընդհակառակն, կը կարծեմ թէ, վրայ
բերաւ Փիլոմորոս, երբեմն լաւ է նշանաւոր օրինակներ
տալ, և բարձրէն զարնել, եթէ կ'ուզես օգտակարապէս
զարնել:

Եւ յանկարծ, ինքնիրմէն ելլելով.

— Անիծեա՛լ ըլլան ոչ միայն քրիստոնէաները,
այլ և Ասիոյ և Եգիպտոսի լալոր այն երազօգները
որոնք, աւելի շատ ունկնդիր ունենալով քան մեր ար-
դէն չարաչուք փիլիսոփաները, չորս դարէ ի վեր եկեր
են թունաւորել շեղենիան (Նշլալա) և ամբողջ կայս-
րութիւնը սա նենգամիտ ցնորքով, — հողի անմահու-
թեան դուանանքով: Արովհետեւ աշխարհ պիտի կրնա՞յ
ճանչնալ, չեմ ըսեր նոյն իսկ երանութիւնը, այլ իտ-
դողութիւնը... Մենք, Նշլալացի բնակիչներս, տիւ-
զերքի մէջ միակն էինք որ երբեք վախ չունէինք աստ-
ուածներէն: Մենք զ'անոնք շինեւր էինք համաձայն մեր
պատկերին. անոնք կը մամաակցէին մեր հացկերութիւն-

բուն, մեր սեղանները կը նստին, մեր կիներուն անկողինը կը պահէին, — բայց մենք կ'ընծայէինք զայն: Պատերազմի գաշալին վրայ, Աղիմպական աստուածները և մահկանացուները հաւատարէ հաւատար կը ձակասէին. յաճախ մարդուն քաջութիւնը կը յողթէր աստուածին զօրութեան, և աստուածը կը փախչէր կռիւին, ուժգին, վիրաւոր սողաղակներ արձակելով: Առանց չարութեան, լաւ տրամադրութեամբ և ողջմտութեամբ, մարդեր ըլլալու հպարտութեամբ, գիտակցելով թէ ոչինչ պէտք է վեր ըլլայ մարդէն, կ'ուզէինք որ անոնք ուրիշ բան չըլլան. քան ինչ որ ենք մենք, բարձրացած, անմահ, փառաբանանքը մեր բնաղիներուն և փիեղերքի օրէնքներուն. . . Մենք այստեղ ուրիշ բան չէինք տեսներ բաց միայն ինչ որ կրնայ ըլլալ, և թէ գոյութիւն ունենայ, — ունայն, տարած, թոյլ ստուեր մը որ ժամանակ մը կը քաշքշէ իր թշուաս և միջակ գոյութիւնը, յետոյ յաւիանան կը լուծուի Դիսխքի խաւարին մէջ: Արովհետեւ, կը հարցնեմ ձեզի, ի՞նչ կրնայ ըլլալ հոգի մը առանց մարմնի, միտք մը առանց գործարաններու: Այսպէս կը վճռէր մեր պարզ և սքանչելի տրամադրութիւնը. և այսպէս էր որ, այն ատեն, մարդիկ կ'ապրէին երկրի վրայ, — հանգիստ, զուարթ և հեշտասարուս, նուիրուած գեղեցիկ բաներու կատարման — արովհետեւ: արուստներու մէջ գեղեցկութիւնը ուրիշ բան չէ, կիթե՛ ոչ հեշտանքին երեւոյթը՝ զգալի դարձած — և գործօն. . . Գործօն, ստեղծագործելով ա՛յս աշխարհին համար, այս աշխարհին մէջ՝ որ միակը գոյութիւն ունէր մեր աչքին:

«Բայց ահա մեր վրայ խոյացան սա երազողները՝ սա ստորին ցեղէ, ցաւագարներն ու յիմարները, Ափրիկէի և Ասիոյ ժողովուրդները, որոնք միայն դերեզմաններուն համար կ'ապրին: Տիրուք, բթամիտ, անոնք կ'ընտանացին այս ունայնութեան յաւիանեակն վերա-

կենդանութեանը, — հոգի մը առանց մարմնի: Կը հաւատային անոր, և կը վախնային անկէ: Անոնք ողջերը կը տեսնէին պաշարուած, չարչարուած այդ անհանգիստ, պահանջկոտ, դժբախտ ստուերներէն, — որոնք կ'ուզէին իրենց դժբախտութեան վրէժը լուծել: Իրենց առաջին հոգը եղաւ խաղաղեցնել զանոնք: Յետոյ խորհեցան. «Մե՛նք ալ անոնց պէս պիտի ըլլանք. և մանաւանդ ա՛յս կէտն է որ պէտք է նկատի առնենք երկրի վրայ. մարդիկ անմահ ստուերներ կը դառնան, ա՛յս է միայն կարեւոր: Երկրային կեանքը հիւանդութիւն մըն է (հիւանդութիւն, ո՛վ Արամազդ, Ափրոզիտէ, Ապողոն, դո՛ւք բոլոր մեծ աստուածն՝ ըրդ, հիւանդութիւն, կը սարստամ կրկնելով այս հայհոյութիւնը) և անոր արատները կրնան հալածել մեզ մեր անմահութեան ընթացքին: Ի՞նչպէս կրնանք բժշկուած համիլ միւս ակը»: Այն ատեն դեղագիրներ հնարեցին, սրբագործութեան ծէսեր, հրաժշտութեամբ, երգերով, հանդիսաւոր թափօրներով, անդադար կոչեր ուղղելով մարդկային էակին ստորին տարբերուն, արձամարձելով ինչ որ մենք, Հեղի՛ներս, երեւան հանած և իրեն արժանի տեղը դրած ենք, — աստուածային և խաղաղուէտ Իմացականութիւնը. . . Ահա թէ ինչո՛ւ դաւաճան ես դուն, ո՛վ Թէոկոսենէս, մեր այս իրիկուան հիւրընկալը, դո՛ւն որ դառիր քու կարծեցեալ հոգիդ բժշկել այն փոսին մէջ ուր վրայ հասեցաւ Միթրայի ցուլին արիւնքը: դո՛ւն որ ներկուեցար այդ արիւնով ինչպէս եթովպեան սեւամորթ մը սրիկնոյ (սիւլիչիւն): Դաւաճան նաեւ անոր համար որ Ափրոզիտէն խոտորեցաւ ցիր Միւրքինան և — քանի որ Միթրա իբրեւ արու աստուած կ'արձամարձէ կիները — տարիք յանձնեցիր Իսիսի պաշտամունքին: Դուն աւելի հեռու չգացիր: Ամէն բանէ ստաջ դրադած քու հաճոյքներով, հեշտաւէտ անհոգութեան մը մէջ, դուն անդիտացար քրիստոնեաները, — անոնք են ճշմարիտ ճամբուն վրայ: Արովհետեւ, արտասոց

բան չէ՞ — նոյն իսկ զուարճալի չը՞ պիտի ըլլար — սրբա-
գործել ուզել հոգին, աննիւթ սկիզբը՝ այնպիսի ծէսե-
րով, որոնք միայն մարմնին կը հասնին: Միծաղելի կը դառ-
նաք: Այսօր Կորնթոսի մէջ, չկայ ստրուկ մը, անբան
մը որ չզգայ թէ քրիստոնեաները աւելի արամարանա-
կան են: Հոգի՛ն է, այդ ենթադրական, երեւակայական
հոգին է որ կ'ուզեն ուղղակի խնամել, բժշկել, դիմելով
անոր, պարտականութիւններ, սեղմումներ, ապաշխա-
րանքներ դնելով անոր վրայ: Դուք ձեր բոլոր արարո-
ղութիւններով մաքուր էք միայն: Անոնք անբիծ են,
կամ կ'ուզեն ըլլալ:

— Հասկցա՛նք, յետո՞յ... ընդմիջեց Կլէոփոն,
տարօրինապէս ազգուած:

— Եր հետաքրքրէ՞ քեզ, սաստեց բլտօրէն Փիլո-
մորոս. դո՛ւն, Կլէոփոն, բոլորովին անձնատուր այլան-
դակ հաճոյքներու, դուն որ, այդ հաճոյքները վաշելած
ատեն, առանց սերունդի յոյս ունենալու, կ'ապրիս
քեզի, միայն քեզի՛ համար: Ենքնիրենդ կ'ըսես թէ,
զանոնք սպառելէ յետոյ, ախորժելի բան պիտի ըլլայ
անվերջ կեանքի մը ամբողջ տեսողութեանը ընթացքին,
ուրիշ հաճոյքներ գտնել, — և նորէն քեզի՛ համար
միայն քեզի...

«Որովհետեւ, հո՛ս է անարկու, ջախջախիչ վտանգը
կայսրութեան համար, և անոր քաղաքակրթութեան
համար զոր Հելլէնները և Հռոմայեցիները այնքան
դժուարութեամբ կանդնեցին տգեղութեան և բարբարո-
սութեան դէմ, հո՛ս է: Ո՞վ դուք, Թէոկոսենէս և Միլ-
րինա, որ քրիստոնեայ չէք, որ չէք գիտեր թէ ինչ են
քրիստոնեաները, և սակայն ճամբայ բացեր էք անոնց
համար, դուք չէք հասկնար թէ ինչպիսի չարիք էք
գործեր: Աթենական Ռոտանին վաղեմի ազնուական
օրերուն, մարդը իրաւունք չունէր մտածելու իրեն
համար, և փրկութեանը համար սա հոգիին որ արդէն
չատ քիչ կը վրդովէր զինքը. քաղաքացին, այն ատեն

ծառան էր քաղաքին և անոր աստճուն: Ամբողջու-
թեամբ կը նուիրուէր երկուքին ալ. ամենօրեայ ծառա-
յութիւն մը ունէր անոնց հանդէպ, մինչեւ իր կեանքին
վախճանը: Անոնցմով կը կլանուէր: Այս էր այն խրոխտ
բարոյականը, միակ արդարն ու գեղեցիկը, որ մեզի,
Յունաստանի և Իտալիոյ մոլորած ժողովուրդներուս
ապահովեց տիրապետութիւն՝ ճարբարոսներուն վրայ:

«Իայց անոնք վրէժ լուծեցին: Անոնք մեզի բերին
ու եսամոլ կրօնքն ու բարոյականը. «Մա՛րդ, միայն
քու վրադ մտածէ, միայն այն բանին վրայ որ անմահ
է միջդ: Քեզի համար, ի՞նչ կրնայ ըլլալ երկրային գո-
յութիւնը, ի՞նչ կրնայ արժել Քաղաքը, բաղդատմամբ
յաւիտենական երանութիւններուն կամ յաւիտենական
տառապանքներուն: Ուրեմն ապրէ այնպէս իբրեւ թէ
գոյութիւն չունենային երկիրը և Քաղաքը...»: Եթէ
այս վարդապետութիւնը յաղթանակէ, Կայսրութիւնը,
որ Քաղաքին յաջորդեց, և անոր հետ ամէն ինչ որ
ուրախութիւնը, գեղեցկութիւնը, գոյութեան արժէքը
կը ներկայացնէ, յաւէտ ոչնչացած են...

— Բայց, ըսաւ Միւրինա յանկարծ, ի՞նչպէս չզբա-
ղիլ սա անմահ հոգիով, երբ այսօր ամէն մարդ կը
հաւատայ, և երբ ա՛յն միայն պիտի մնայ, քանի որ
աշխարհ պիտի վերջանայ:

Մարդիկը իրարու նայեցան: Միւրինա ընդհանուր
դաւանանքն էր որ կը յայտնէր միամտօրէն: Ծիշտ էր,
աշխարհը պիտի վերջանար: Ամէնքն ալ համոզուած
էին ասոր. պիտի վերջանար աշխարհը այնպէս ինչպէս
որ կը ճանչնային, և անոր հետ, անշուշտ, տիեզերքն
ալ: Մարդկային ցեղը կ'այլասերէր ոսկեդարէն ի վեր:
Անկուտը կը շարունակուէր, գահավիժօրէն, երեք դարէ
Ընտանիքները կը շիջէին առանց սերունդի:
Ի վեր: Ընտանիքները կը շիջէին ամէն տեղ. այլ եւս
Բարբարոսները յաղթական էին ամէն տեղ. այլ եւս
կարելի չէր նոր գերիներ ճարել, քանի որ միայն
հառնական կամ հելլենական յաղթանակները կրցեր

էին հայթայթել զանոնք: Արդ, ի՞նչպէս պիտի մշտնջե-
նաւորէին, առանց ստրուկներու, քաղաքակրթութիւն
մը որ իրենց ըմբռնումով, հաստատուած էր ստրկական
աշխատանքին վրայ: Գեղեցիկ օրերը սահեւ էին առ
յաւէտ: Կեանքը, այնպէս ինչպէս որ արժան կը դա-
տէին ապրիլ, անկարելի կը դառնար: Աշխարհը պիտի
վերջանա՞ր: Ուրեմն, ի՞նչպէս չմտածել այն բանին
վրայ որ միակը պիտի մնար այս անխուսափելի փլու-
զումէն յետոյ, — մի՛ւս կեանքը, յաւիտենական,
խորհրդաւոր, լի սարսափներով եթէ մարդ չկարնար
երաշխաւորութիւններ գտնել իր սպառնալիքներուն
դէմ. լի՛ երանութիւններով, եթէ յաջողէր ապահովել
այն երջանկութիւնը զոր կրնար խոստանալ իր անսահ-
ման տեւողութիւնը:

Ամէնքն ալ սարսուցին, ահաբեկ:

Մինչ այս մինչ այն, Թէոկտենէս փորձեց պաշտ-
պանել ինքզինքը:

— Եթէ ճշմարիտ խօսեցար, Փիլոմորո՛ս, ես եմ
որ իրաւունք ունիմ: Կայսրութիւնը երկար ատենէ
ի վեր չէ՞ ընդունած մեր աստուածները: Մենք, Միւ-
րինա և ես, չենք ընեք բան մը զոր ան յայտնապէս
ըրած չըլլայ մեզմէ առաջ: Կայսրութիւնը ինք զգացած
է թէ ուրիշ հոգեր ուրիշ դաւանանքներ յարուցած են
մարդոց մէջ: Կարելի է որ անոնք, իրեն համար, հի-
ներուն արժէքը չունենան. բայց վերջապէս կը յար-
մարի անոնց. մնաց որ, այդ դաւանանքները կրնան
բաւել մարդոց պէտքերուն:

— Դուն կը հաւատաս, հարցուց Կեփիստոս:

Այդ պահուն, մեղմօրէն և կատարելապէս զինով
էր, զգաստ, և միանգամայն ցնորական.

— Կը հաւատաս... Կը սխալիս, Թէոկտենէս.
աշխարհը այլեւս չի կրնար ընդունիլ Ասիոյ և Ափրի-
կէի քու աստուածներդ: Ան նոր խղճահարութիւններ
ունի, ամօթխածութեան ծիծաղելի հոգեր: Ո՞րն է
Իսիսը իբրեւ կոյս պաշտելու միջոցը, երբ պիտես որ

ան աշխարհի շրջանը կ'ընէր ի ինդիր Օսիրիսի բեղնա-
ւորիչ անդամին: Այդ նոր աստուածները, ինչպէս մեր
Ողիմպոսի աստուածները, անցեալ մը ունենալու
դժբախտութեան ենթարկուած են: Գրիստոնեաներուն
աստուածը չունի այդպիսի բան: Մա՛րդ բան չի գիտեր
անոր մասին: Այն առասպելը զոր կարելի է շինել
անոր մասին, զոր թերեւս շինեք են արդէն, կրնայ
համապատասխան ըլլալ վերջին նրբութիւններուն ուր
հասած են միտքերը: Սակայն և այնպէս, կը թուի թէ
անոր կը վերագրեն հայր մը, կարծեմ Հրեաներուն
աստուածը. բայց խնդիրը այն է որ այդ աստուածը
ո՛չ կ'ին ունեցած է, ոչ ալ կ'իներ. չունի նոյն իսկ
կերպարանք, ոչ ալ պատմութիւն: Կարելի է զայն
ընել ինչ որ կ'ուզես, ապագան անո՛րն է:

Բոլորն ալ քրքիջներ արձակեցին:

— Ուրեմն քրիստոնեայ՝ նղիր, Կեփիստոս՛ր, Բա-
ժակ մըն ալ պարպէ և քրիստոնեայ դարձիր:

Կեփիստոսը ակնապիշ դիտեց այն իւղոտ հետքերը
զորս իր բաժակին մէջ կը ձգէր Կրետէի հին դինի մը,
թանձր ինչպէս մ'ըզօղի մը:

— Ձեր բոլորին մէջ, ես միակն եմ որ երբեք
չպիտի կրնամ ըլլալ. Որովհետեւ, նոյն իսկ դուն,
Փիլոմորոս, դուն աւելի Կայսրութեան կապուած ես
քան աստուածներուն. և, քրիստոնեաները Կայսրու-
թեան զոհելէ յետոյ, դուն ընդունակ ես Կայսրու-
թիւնն ալ քրիստոնեաներուն զոհելու, զայն պահպա-
թիւնն ալ քրիստոնեաներուն զոհելու, զայն պահպա-
նելու յոյսով. ինչպէս որ ներկուած լուծ մը կը դնեն
նախու ձեր եզան մը գլուխը: Բայց ե՛ս. ես էւել-
ծախու ձեր եզան մը գլուխը, մարդ մը որ կը սիրէ
օրակաս բանաստեղծ մըն եմ. մարդ մը որ կը սիրէ
բանաստեղծները: Դուն միայն փիլիսոփայ մըն ես...
եւ չեմ կրնար առանց զարհուրանքի խորհիլ այն բա-
նին վրայ զոր կորսնցուցած պիտի ըլլայ աշխարհ ա՛յն
օրը, երբ, Հոմերոս կարդացած ատեն, ուրիշ բան
չտեսնէ եթէ ոչ ստութիւն մը Աթենէի շուքով որ ամէն

տեղ կ'ընկերանայ Ողբսեւի. այն ատեն, ի՞նչպէս կա-
րելի պիտի ըլլայ ճաշակել այդ աստուածային տաղե-
րուն բովանդակ աստուածայնութիւնը... Ահա թէ
ինչո՞ւ ես կ'երդնում ըլլալ, եթէ հարկ է, ողբսեւան
աստուածներուն վերջին հաւատացեալը:

— Եւ քրիստոնեաներուն վերջին հալածիչը:

— Հաւատացէք ո՛չ... Բողաքականութիւնը ի՞մ
գործս է:

*
*

Բստնթօ և Փիլենիս անհետացեր էին այս խօսակ-
ցութեան միջոցին, որ շատ ծանր էր իրենց համար:
Փիլոմորոս ոտքի ելլելով, գնաց զանոնք փնտռելու:
Ու վերադարձաւ ժպտազին:

— Պէտք է խանդարել զանոնք, ըսաւ. նորէն
կուգան... Մեղի կը մնայ միայն իմաստուն Միւրի-
նան... Ո՛վ Միւրինա, ծերունի Պլինոսը, որ ամէն բան
դիտէր, կը հաւատէ թէ գիշերահալին— Աթենասի
թաչունին— սիրար երբ դրուի քնացած աղջկան մը ձախ
ստինքին վրայ, յաջորդ օրը անոր խոստովանիլ կու-
տայ իր ամէնէն գաղտնի մտածումները: Կ'ուզե՞ս քնա-
նալ: Յուսութեք պիտի փորձեմ քու վրայ, պիտի
հասկնամ քու ապագայ սիրահարիդ անունը, ինչպէս
այս իրիկուանը, երջանիկ մարդ մը պիտի ըլլայ ա՛ն ալ:

— Եթէ այդ է փնտռածդ, սորվելու բան մ'ը չու-
նիս: Պիտի հասկնաս միայն սա չափը, թէ վաղն ալ
երէկուան պէս պիտի ըլլայ:

— Ես չեմ հաւատար— դիտել սուսա կեփխոտոր,
ոչ այս կախարդանքներուն, ոչ ալ, հակառակը, Միւ-
րինայի ըսածին: Ըսել չեմ ուզեր թէ ան չունի դար-
մանալի գիտութիւններ. ճիշտ հիմա, մեր աչքերուն
առջեւ լուսաւորեց ահագին իրողութիւն մը զոր մենք
չէինք նշմարեր: Այսպէս, կը պատահի որ կ'նօջ մը
ձայնը կը յայտնէ ամբողջ ժողովուրդի մը զգացած
ճշմարտութիւնը որ կը վրեպի փիլիսոփայութեան աչ-
քէն: Սակայն, Միւրինա չի կրնար ինքզինքը ճանչ-
նալ, ինչպէս չի կրնար ո՛ր և է մահկանացու. ոչ մէկը
գիտէ ճշմարտութիւնը իր սեփական մտածումի մասին,
քանի որ կրնայ փոխել զայն:

— Ո՛չ, ընդմիջեց Միւրինա:

— Մեծարանքս քեզ, աստուածային և փրկարա՛ր
բացատրութիւն: Կը հաւատա՛մ քեզի, Պատի՛կ աղջիկ,

սէ՛ր կը կաթի աչքերէդ, և հեշտանք՝ ստինքներուդ երկու վարդերուն վրայ, — և դեռ ուրիշ տեղ, ուրիշ տեղ: Քեզի պիտի երգեմ այն եղանակին վրայ զոր հնարեց Սափիով (Սաֆօ): Սակայն, միայն մէկունն ըլլալու հպարտութիւնը գէշ հպարտութիւն մըն է մեղք մը՝ Սաղիկի գէժ. ան վրէժ կը լուծէ:

— Մի՛ ըսեր այդպէս: Ատոնք խօսքեր են զորս մարդ կ'արտասանէ խնդալով, կամ առանց մտածելու, և զժրաստութիւն կը բերեն... Երբեմն, սակայն, ետ ալ նոյն գաղափարը ունիմ, և կ'ուզէի մեռնիլ ձերութիւնը ճանչնալէ առաջ, ոչ թէ այս ժամուս: Բայց տե՛ս. հիմա դէպի ձեզունը նետեցի սա խնձորի կուտը, և վար ինկաւ առանց անոր հասնելու. կը նշանակէ թէ այս ուխտը ընդունական չպիտի ըլլայ:

— Ուրեմն Աստղիկը իմ վրայ կը դարձնէ այն շարաշուք խօսքը որ թաւ բերնէս: Կեփիսոտորի տարիքը աւելի քան կրկինն է Միւրինայի տարիքին. թո՛ղ գայ բաժակ մը հին գինի նետել իմ խարոյկիս վրայ. այդ գինեձձնը թանկագին պիտի ըլլայ իմ պճիւնիս համար: Կեանքը Անմահներուն մէկ պարգեւն է. կը սիրեմ քեզ, պզտիկ աղջիկ որ գիտես այս պարգեւին արժէքը:

— Ի՞նչպէս երբեք պիտի չճաշակեմ զայն:

Ու, թէեւ թէ՛ովանէսի կը նայէր, իր տարփածուն նախանձեցաւ: Խօսակցութիւնը ընդհատելու համար, ըսաւ.

— Ինձի խօսեցան Պաքիւբիոսի մէկ պարսուտազրին վրայ: Չեր մէջէն զայն կարգացող կո՞յ:

— Ե՛ս, պատասխանեց Փիլոմորոս. շատ զուարճալի է: Կը թուի թէ այդ Յիսուսը, զոր քրիստոնեաները իրենց աստուած ընտրել կ'ուզեն, երբեք խաչուած չէ, ինչպէս կը պնդեն — չեմ գիտեր ի՞նչ պատճառով. խաչուած աստուած մը շատ խորշկի գիրք կ'ունենայ: Յիսուս Պաղեստինի չրջանը ըրած է մինչեւ

իր մահը, որ բնական եղաւ, չորս հարիւր աւաղակներու գլուխը անցած:

— Այդ ի՞նչ ապացոյց է անոր աստուածութեան դէժ: Աստուած մը կրնայ ինքն իրեն թոյլ տալ այս քմայքը...

— Իր կեանքը բաւական կը նմանի եղեր Սաղիւնիոսի կեանքին. կախարդանքներ և յուսութքներ կը գործածէր, մեռելներուն յարութիւն կու տար: Գայով անոնց զօր քրիստոնեաները իրենց եպիսկոպոսներն օքսհանաները կը կոչեն, վաւերական կը թուի թէ շատերը պարզ թշուառականներ են: Այդ եպիսկոպոսներէն մէկը, Պորփիւբիոս, Սիրիկէի մէջ սպաննել տուած է իր քրոջ երկու որդիները, ժառանգորդ մնալու համար: Ուրիշ մը, Սիլվանուս, դատապարտուած է հարստահարութեան համար: Իր շահուն համար կը ծախէր այն քացախը զոր կառավարութիւնը կը հաւաքէ աուրքի փոխարէն. կարասները գտած են իր մառանին մէջ... Ինչ կը վերաբերի իրենց նուիրեալ կոյսերուն, զորս կը կոչեն նաև այրիներ — յաւիտենական այրիները ամուսնի մը զօր չեն ունեցած — Պաքիւբիոս մէջ կը բերէ քրիստոնէական գրուածքներ, որոնք կը հաստատեն թէ անոնք թէեւ կը մերժեն ամուսնութիւնը, բայց չեն արհամարհեր անոր վայելքները: Հռոմի մէջ, անոնցմէ շատերը կը բնակին բարեկամի մը տանը մէջ — բարեկամ մը զոր իրենց պաշտպանը կը կոչեն — և այդ յարաբերութեանց սերնդագործական հետեւանքները միայն կը մերժեն: Այս բանը գրեթէ ընթացիկ սովորութիւն դարձած է:

— Յետո՞յ, մէջ նետուեցաւ յանկարծ Կլէոփոն, ի՞նչ կ'ապացուցանէ այդ: Կ'ուզէի գիտնալ թէ ի՞նչ իրաւունքով կը յաւակնին արգիլել որ մարդիկ ընեն ա՛յն բանը որմէ հաճոյք կը զգան: Իսկ մե՞նք, Իսկ մեր աստուածները: Մեր վիստեան կոյսերը բոլորն ալ հո՞յս են: Ապազոն իր քրոջը հետ չպառկեցա՞ւ: Արա-

մազդ բոլոր կիներուն և սիրուն տղու մը հետ չպա-
կեցաւ: Աղբիւնոս կայսրն ալ նոյն բաները չըրաւ, և
իր Անտիոսիս օրդին չգնաց միանալու Դիոնեսիոսի
աստուածութեան, միեւնոյն մեծտրանքները վայելելու
համար: Դիոնեսիոս ինքը, Հնդկաստանի մէջ, շատ մը
երկրասարդներու շնորհներուն չարժանացաւ:

— Ինչո՞վ կը պատուես զայն, ըսաւ Փիլոմորոս
ծիծաղելով:

— Ինչո՞վ կը պատուեմ զայն... Բայց ես իր օրի-
նակն իսկ օգնութեան չեմ կանչեր: Ես ոչ մէկ օրինա-
կով կը հետաքրքրուիմ. կը գոհանամ ընելով ինչ որ
կ'ուզեմ: Ես ալ, ինչպէս իմաստուն Միւրիանն և դուք
բոլորդ, կը հաւատամ թէ աշխարհի վերջը եկած է:
Ու կ'եզրակացնեմ թէ, ինչ որ կ'ընեմ կամ չեմ ըներ,
կարեւորութիւն չունի: Եւ կ'ըսեմ թէ այս բոլորին հե-
տեւանքով չէ որ կը մեռնի Ողիմպոսի աստուածներուն
հաւատքը. այլ ուրիշ պատճառ մը կայ, թերեւս այն
որուն վրայ խօսեցար դուն, Փիլոմորոս: Մնաց օր,
հոգս անգամ չէ... Բայց կը պնդեմ թէ, — և դուք չէք
կրնար հակաճանել, — մահկանացուներուն ընթացքը
ոչինչ կ'ապացուցանէ իրենց վարդապետութիւններուն
դէմ: Ի՞նչ կարեւորութիւն ունի որ ամէն մարդ գիտ-
նայ թէ, — կասկածիլ չըլլայ — այսինչ մարդիկը հա-
րատահարիչ են, մարդասպան կամ ցոփակիաց, թէ
այսինչ կիները, որոնք իրենք զիրենք կոչու կը ցուցնեն,
մէկ կամ տասը տարիածու ունին... Նոյն իսկ ի՞նչ
փոյթ թէ այդ վարդապետութիւնները կը թուին կոր-
ծանել այն ինչ որ ձեր քաղաքակրթութիւնը կը կոչէք,
եթէ, միեւնոյն ատեն մարդ ինքնիրեն կ'ըսէ. «ճշմարիտ
են», կամ պարզապէս. «կը համապատասխանեն իմ
ցանկութեանս»: Մենք բոլորս կ'առաջնորդուինք գա-
ղափարներով կամ զգացումներով, ոչ թէ իրողութիւն-
ներով, եթէ նոյն իսկ այդ իրողութիւնները ծակին մեր
աչքերը և ընդվզեցուցիչ թուին մեզի: Ահա թէ ի՞նչ է
իմ խօսքս: Դուք ծիծաղս կը շարժէք. ձեր Պաքիւբիսը
անասուն մըն է:

★
★

Այդ պահուն լսուեցաւ սարուկներուն ահարեղ
ձայնը և զինուորական սանդաղներուն աղմուկը: Բո-
լորը ականջ դրին, զարմացած: Միւրիանա պաղ սար-
սուռ մը զգաց ամբողջ մարմնին մէջ. ատենով սորված
էր զանազանել պահակներուն քալուածքը: Պատճառը
այն չէր թէ այդ սատիկանները սովոր էին բրտօրէն
վարուիլ իր արհեստին պատկանող անձերու հետ — ար-
հեստ մը՝ որ կը յարգուէր Կորնիթոսի մէջ, նոյն իսկ
սրբազան կը համարուէր: Եւ սակայն, կը պատահէր
որ կիներ խառնուէին, իրենց յաճախած տեղերուն մէջ,
այնպիսի վէճերու և կոիւներու ուր կը միջամտէին այս
մարդիկը. ու կը վախնար, առանց զիտնալու պատճառը:

Ոստիկանները ութ հողի էին, զբահապատ հարիւ-
բապետի մը հրամանատարութեան տակ: Հազեր էին
միայն հոռմէական ազոնը, կոշտ կերպասէ, կարճ սուր
մը կողնի վար, գաւազան մը՝ ձեռքը: Իրենց թիւը
կ'ապացուցանէր թէ խնդիրը լուրջ է:

— Հրաման Նորին Մեծութիւն կառավարիչ Պե-
րեկրինոսէն, ըսաւ հարիւրապետը, թուղթ մը ցուցնե-
լով: Այստե՞ղ է բնակարանը Միւրիանա կոչուած աղջ-
կան, նախկին սարուկ Աստղիկի:

Միւրիանա հաստատական պատասխան տուաւ,
գլուխը խոնարհելով:

— Պարտականութիւն ունիմ խուզարկութիւն կա-
տարելու տանդ մէջ, ըսաւ հարիւրապետը:

Աւելցուց թէ ներկաները պէտք է դուրս ելլեն,
խուզարկուելէ յետոյ. միայն Միւրիանան վար պիտի
դքուէր, խուզարկութիւններուն օգնելու համար: Աղ-
ջիկը բան մը չէր հասկնար այս անցուդարձերէն, և,
ինքզինքը երբեք յանցաւոր չգալով, ամէն բանէ կը
վախնար: Դադանի բնազդ մը իրեն կը յայտնէր թէ
մտացուցու վտանդ մը կայ, խորհրդաւոր աղէտ մը ուր

պիտի անհետանային իր երջանկութիւնն ու կեանքը :
Եւ աղաղակեց .

— Թէոկտենէ՛ս . . .

Ու թեւերը երկարեց : Հարիւրապետը շարժում մը
ըրաւ . Միւրինա նորէն ձգեց թեւերը : Բայց մինչ իր
տարփածուն կը խոյանար իրեն միանալու համար .
բտաւ .

— Բան չըսե՛ս : Գլխուդ փորձանք կը ըրերն :

Այն առնն հարիւրապետը դէպի խաւարակուս փո-
ղոցը քշեց միւսները , — Թէոկտենէսը , Կեփիստոսը ,
Փիլոմորոսը , Կլէոփոնը և աղջիկները : Իրենց հոռմէա-
կան քաղաքացիի տիտղոսը արժեցնել ուզեր էին ,
բայց , երկու դարէ ի վեր , ամէն մարդ հոռմէական
քաղաքացի էր Կորնթոսի մէջ , և ա՛յ կարեւորութիւն
չէին տար այս տիտղոսին . առանձնաշնորհ մը երբ ամէն
մարդ կը վայելէ , այլևս առանձնաշնորհ չէ : Միւրինա
առանձին մնաց պահակներուն հետ : Հարիւրապետը
բտաւ .

— Մեզի՛ յանձնէ գիրքերը :

— Ի՞նչ գիրք , հարցուց , ապշահար :

— Այն քրիստոնէական գիրքերը որ քովդ պահեր
և փախցուցեր ես Նորին Աստուածութեան պետական
գրաւումէն : Ամբաստանութիւնը բացորոշ է :

— Չեմ հասկնար ինչ ըսել կ'ուզէք , պատասխանեց
անկեղծօրէն :

— Նոյն իսկ գիտեն թէ ո՛ւր պահեր ես :

Հարիւրապետը թօթուեց ուսերը : Նշան ըրաւ պա-
հակներէն մէկուն , Սուրիացի մը , որուն քիթը կախուած
էր կնճիթի մը պէս , բայց սուր աչքեր ունէր , և կը
տարբերէր միւսներէն : Միւրինայի և Թէոկտենէսի սեն-
եակը հասկնալով , այս մարդը անվարան յառաջացաւ
դէպի սնտուկը :

— Ա՛նա՛ գիրքերը , ձայնեց գրեթէ անմիջապէս :

Կեանքի մեծ վայրկեանները գրեթէ միշտ ամէնէն

կարճերն են : Այն պահը որ պիտի վճռէր Միւրինայի
դոյուլթիւնը , քանի մը վայրկեանէն աւելի տեւած չէր :
Ռաքերուն անցուցին կանեփէ ոտնակապ մը , իսկ իրար
կապուած ձեռքերուն՝ չուան մը , քաշելու համար :
Սովորութիւն էր այս ձեւով դատարան տանիլ ստո-
րին դատու մարդիկը : Միւրինա շատ արցունք չէր
թափեր , բայց հազիւ կրնար քալել , մասնուած այն-
պիսի անձկութեան մը որուն իմաստը գրեթէ կորսն-
ցուցած էր :

Տան միւս մասերն ալ խուզարկեցին : Ափրիկեցի
ստրկուհին հարկադրուեցաւ յանձնել գոհարկէններուն
արկղը , որուն պարունակութիւնը ցուցակագրեց հա-
րիւրապետը , շատ անկատար եղանակով : Ասոր շնոր-
հիւ , յաջողեցաւ իրեն պահել ամէնէն թանկագին քա-
րերը , զորս բաժնեց իր մարդոց , և մանաւանդ Սու-
րիացիին հետ . իր արհեստին պարգեւն էր այս :

Երբ Միւրինա դուրս ելաւ , Թէոկտենէս առաջ
նետուեցաւ : Իր բարեկամները չէին լքած զինքը :

— Ինչո՞ւ կը տանին քեզ : Ի՞նչ ըրած ես դուն :

Ինչո՞վ ամբաստանուած ես :

— Կ'րսեն թէ քրիստոնէայ եմ . . .

— Դո՞ւն :

Այս բանը այնքան արտաոց թուեցաւ Կեփիստո-
սորի որ , մեծ քրքիջ մը արձակեց : Բայց մինչ Թէոկ-
տենէս լեզուին կուտար բողոքներով և նախատինքնե-
րով , Փիլոմորոս յորդորեց .

— Լռէ՛ : Այդպէսով ինքզինքդ ալ ձերբակալել
կուտաս . ատով բան մը կը շահի՛ : Մենք բոլորս վաղը
գատարան պիտի երթանք , վկայութիւն տալու : Այդ
աղջնակը աւելի քրիստոնէայ չէ քան ես , քրիստոնեա-
ներու թշնամիս : Ապուշ մասնութիւն մըն է եղածը :
Մեզի հետ պիտի գաս , Կեփիստոս :

— Ի հարկէ՛ , պատասխանեց բանաստեղծը :

— Ե՛ս ալ , դոչեց Կլէոփոն :

Զայրացած էր: Ոչինչ աւելի հրէշային և ծիծաղելի կ'երեւար իրեն քան այս դէպքը:

— Ընելիք մէկ բան ունիս հիմա, աւելցուց Փիլոմորոս, խօսքը ուղղելով Թէոկտենէսի, — սարուկներէդ մէկուն հեա թխարան, Միւրինայի դրկել օւսեստ և հագուստ: Պէտք պիտի ունենայ: Մնացածը վա՛ղը, վա՛ղը. կը խոստանամ...

— Թէոկտենէս, կանչեց Միւրինա. Թէ՛ սկտենէս. պիտի սպաննեն զիս:

Այս աղաղակը բզքտեց իր սիրտը: Երկուքը իրարու վիզ նետուեցան, մինչ պահակները զիրենք ետ կը մղէին գաւազանի հարուածներով: Գիշերանց խոնուած ամբօխը կ'սոճնար քրիստոնեայ աղջկան դէմ: Այս անհաւատար և կարճատեւ ուղորումէն յետոյ, մէջտեղը ուրիշ բան չմնաց բայց միայն ամբօխ, ժխոր և մթութիւն...

♦♦

Հրապարակին վրայ, այն կողմէն որ կ'ընկեր Ակրո-կորնթոսի և Սատղիկի մեհեանին, կ'երեւար պզտիկ շէնք մը, Հերոն: Այնտեղ կը բազմէր կառավարիչ Պերեկրինոս, միակ դատաւորը, իբրեւ աւագ դիւանադպիր ունենալով Վելիոս Վիկտորը, որ պաշտօն ունէր իր քննութեան ենթարկելու քրիստոնեաներու թղթածրարները: Գաւթի սիւներուն տակ, Տրայանոսի արձանին առջեւ զոր գլխատեր էին անոր ուսերուն վրայ հաստատելու համար աստուածացած Դիոկղետիանոսի գլուխը, շինել տուած էր զոհարերութեանց խորանը, — ակօս-ակօս պատուանդան մը որուն կորնթական խոյսկը կը բռնէր քառակուսի մարմարի կտոր մը: Պերեկրինոս, ծիրանի ժապաւէնով, նստած էր փղոսկրէ դրուագուած բարձր աթոռի մը վրայ: Վելիոս, ինչպէս նաեւ այն դպիրները որ կ'օգնէին իրեն և զրի կ'առնէին դատաւորին վճիռները, հագած էր սպիտակ պարեգօտին վրայ, — նման միւս քաղաքացիներուն, — բրդոտ կերպասէ կտոր մը, գօտիով մը կապուած, մէջտեղէն և կողերէն բացուածքով մը, որպէսզի գլուխն ու ձեռքերը կարենան անցնիլ: Վելիոսի այս փիլոնը ներկուած էր մտնիչակագոյն ծիրանի, լակ իր օտորադասներունը՝ ճերմակ կամ թուխ: Այս բաւական ընդարձակ հրապարակը ամէն կողմէ շրջապատուած էր անդաստակներով, և, դէպի կորնթոսի ծոցը՝ մարմարեայ գաւիթներով, ուր կը գտնուէին վիթխարի արձաններ՝ տարապայման մեծութեամբ պրիսպներով: Հրապարակին վրայ կը տիրապետէր դարատափ մը, որուն առջեւը կը գտնուէին ուրիշ անդաստակներ: Դատական կազմուածքին այս գրեթէ մերկ ծանրութիւնը այստեղ կը զգենուր պարզ մեծութիւն մը: Իսկուպէս մարդ կը զգար թէ Հոմի և Ելլադայի աստուածները կը հսկեն ատեանին վրայ: Վերը, մեհ-

եանին որմանկուններուն վրայ, սսկեզօժ պրոնգէ պատուանդաններ կը շողային կապուտակ օգին մէջ :

Պերեկրինոս երբեք հիմնապէս կարծիք փոխած չէր : Կը ցանկար վերապահել ապագան, և, հրովարտակին տառին հնազանդելով, ձեռնարկել քանի մը անհրաժեշտ «յօրինակ այլոց» պատիժներու, բայց, կարելի եղածին չափ խոհեմութեամբ և երկայնամտութեամբ. և վերջապէս, չէր ուզեր որ քրիստոնեաներուն գլխաւորները անհաշտ թշնամիներ դառնան : Գայով ժողովրդական զանգուածներուն, այնքան հոգ չէր ընեքանոնք շուտ կը մոռնան, անոնցմով մոտատանջուելու բան չկայ. անոնք բնաւ չեն գրեք, օրը օրին կ'ապրին, և շատ չանցած բան մը չի մնար իրենց զգացումներէն, որոնք իրարու կը յաջորդեն առանց իրարու նմանելու :

Հետեւաբար, վճռած էր նախ տական կանչել միմիայն իբրև քրիստոնեայ մեղադրուած քաղաքացիները, անոնք որ ուրիշ անարդանք գործած չէին հայսեր աստուածութեան դէմ, բանտի արժանանալու աստիճան. պիտի ըսէինք ազատ ամբաստանեալներ : Վստահ թէ այս շարքէն պիտի գտնուէին բաւական մեծ թիւով մարդիկ որոնց համոզումները շատ զօրաւոր չէին և որոնք նոր աղանդին յարած էին միայն նմանողաբար, ոչ թէ տոչորելով մոլեղին խանդէ մը, — դատաւորը կասկած չունէր թէ դիւրութեամբ ձեռք պիտի բերէ անոնց ուրացումը : Միեւնոյն շարժառիթով, և ոչ թէ անգթութեան ձգտումով մը, հրամայեց իր առջեւ հանել քրիստոնեայ ընտանիքներու դեռատի տղաքը : Չանոնք կը հարցաքննէր ծնողքէն առաջ : Եթէ մէկը յամառէր, Պերեկրինոս շուտով յաջորդին կ'անցնէր, առանց պնդելու : Այդ շրջանին, ինչպէս այն բոլոր շրջաններուն ուր մարդկութիւնը նուազ բեղնաւոր է, մանկութիւնը կը համարուէր հազուադիւրս և թանկագին բան մը, և մարդիկ ներողամիտ աչքով կը նայէին : Այս

պատկերներէն շատ քիչերը չարչարանքի դատապարտուեցան, այն ալ իբրև ուրիշներուն օրինակ : Բայց, սովորաբար, կոպիտ ձայն մը կը բաւէր զանոնք սարսափի մատնելու : Երբեմն ալ Վելիոս ինք խորանին վրայ կը նետէր քանի մը պտղունց խունկ. ըսելով. «Պատիկ, տես ի՞նչպէս լաւ կը հոտի» : Այն ատեն տղաքը, անփութօրէն, իրարու հետ կը մրցէին այսինկաւէս ծուխը հանելու համար. վերջապէս, օրինակելի փորձի մը կ'ենթարկուէին, և, մէկը միւսին ետեւէն, կ'ընէր այն ինչ որ ընել տուեր էին նախորդին : Ասոր վրայ Պերեկրինոս կը հարցապնդէր անոնց հայրերն ու մայրերը. «Ձեր տղան շատ ուշիմ և իմաստուն շարժեցաւ. չէ՞ք ուզեր անոր նմանիլ» : Եւ ծնողքներն ալ, իրենց կարգին, խորանին առջեւ կը կատարէին պահանջուած դոհարբութիւնը :

Պերեկրինոս ուրիշ ճարտարութիւն մըն ալ ունէր. իրենց անունները յայտնել տալէ յետոյ, կը հարցնէր թէ «օրինաւոր» են, այսինքն մկրտուած են, թէ միայն նորահաւատ, ինչպէս էր պարագան ստուար մեծամասնութեան համար. որովհետեւ, այդ շրջանին, և տակաւին շատ աւելի վերջը, մկրտութիւնը կը յետաձգէին մինչև մահուան ժամը, որպէսզի ապահովեն այս գերագոյն սրբագործութեան բովանդակ շնորհը : Անոնք որ կը հաւատէին թէ ճշմարտապէս քրիստոնեաներ չեն, չէին բռնադատուեր ուրացման բանաձեւը ստորագրելու, և կատաւարիչը կը դռնանար միայն դոհարբութիւնը պահանջելով : Նմանապէս աչքերը կը փակէր, կարելի եղածին չափ շատ, երբ հարուստ և ազդեցիկ քրիստոնեայ մը իր մէկ հեթանոս ազգականը կամ ստրուկը կը դրկէր, պատասխանելու համար իր անունի կոչին, և խարդախութեամբ, փոխան իրեն դոհարբութիւնը մատուցանելու համար : Ուրիշներ տեղի կուտային տանջանքի սարգ սպառնալիքին իսկ, և կամ երբ, պրկոցին վրայ դրուելով, ոտքի կոճերուն

վրայ կը զգային առաջին դամին միտումը՝ փայտի կապիճքին մէջ։ Այս տեսակ գրեթէ ընդհանուր հպատակութիւնը հրովարտակիրն վճիռներուն՝ կ'ազդէր միւս ամբաստանեալներուն վրայ։ Անոնք այլևս կը հասկնային որ անկարելի է, անօգուտ է դիմադրել, և, իրենց կարգին, կը զօհարեէին։ Այսպէս, այս ահագին դատին առաջին ունկնդրութիւնը, որ Պերեկրինոսի առջեւ պիտի հօնէր քանի մը հարիւր կորնթացիներ, վերջացաւ քրիստոնեաներու նահանջով և նուաստացումով։ Կառավարիչը շատ գոհ էր իր ճարտարութիւնէն։

Բայց, իր չափաւորութիւնն իսկ և իր տարած յաջողութիւնը կը մտատանջէին ամէնէն Չերմեոանդները։ Շատերը ծանօթ էին և կանչուած էին գատարան։ Ասոնք կը սրտմտէին որ չկրցան, այդ օրը, խոստովանիլ իրենց դաւանանքը, ի հարկէ հաշիւ մը մտքէ անցընելով յապաղման մէջ։ Ուրիշներ, և երբեմն ոչ նուազ Չերմեոանդներ, կատարելապէս ազատ էին, երբեք կանչուած չըլլալով։ Վելիոս ինչքան ալ ուշադրութեամբ պատրաստած ըլլար ցանկերը, անխուսափելի էր որ շատ մը անուններ պիտի վրիպէին. և նոյն իսկ թերեւս ամէնէն փարթամներուն և ամէնէն ակառնարներուն համար, այդ զանցառութիւնը ակամայ եղած չէր, պայմանաւ որ երբեք աստիճան չունենան եկեղեցական նուիրապետութեան մէջ և քարոզութիւն չընեն։ Գաղտնի ժողովներ գումարելով, իրարու հարցուցին թէ պէտք չէ՞ պայքարիլ, նոյն իսկ իրենց կեանքին գնով, սա հպատակութեան ընդհանուր հոսանքին դէմ որ կը սպառնար ոչնչացնել հասարակութիւնը։

Ոնեսիմոս, կորնթոսի եպիսկոպոսը, թոյլ տուած էր որ ձերբակալեն զինքը, համաձայն ընդունուած որոշումներուն։ Բայց Թեսաղոնիկէի եպիսկոպոսը կը շարունակէր պահուել քաղաքին շրջակաները։ Հրասանդ ինդրեցին իրմէ։ Սինեսիոս, նկատելով որ կա-

ռավարիչին քաղաքագիտական չափաւորութիւնը կրնար ծանր, նոյն իսկ աղիտալի հետեւանքներ ունենալ, պատասխանեց թէ պէտք է խղախել, ի հարկին միջադէպեր ստեղծել դատարանին առջեւ, խիստ սնօրինութիւններու մղել Պերեկրինոսը։ Իր կարծիքով, խիստ միջոցները, եթէ կրնային ահաբեկել վեհերոտները, անկախ և հօր հոգիներուն պիտի ներշնչէին այն ցասումը զոր սովորաբար կը յարուցանէ բռնութիւնը, և որ նոյն իսկ երբեմն կարծիքի յանկարծակի փոփոխում յառաջ կը բերէ։

Քրիստոնեաները չէին նախատեսած, բայց այն ընդունելութիւնը զոր կառավարիչը գտաւ իր բնականը վերադարձած ատեն, բաւական ուժ տուաւ եպիսկոպոսին ծայրայեղ որոշումներուն։ Պալատն ալ, ինչպէս քաղաքը, երկու կուսակցութեան բամբուած էր։ Կառավարիչին աղջիկը, զայրացած Եւտիքիայի ձերբակալումէն, կը պնդէր որ իր բարեկամուհին ազատ արձակուի, առանց վայրկեան կորսնցնելու։ Առանց քրիստոնեայ ըլլալու, քրիստոնեաներուն կողմը կը հակէր։ Պերեկրինոս, թէեւ կը ցաւէր իր ոտովկաններուն չափազանց եռանդին համար, բայց կը վարանէր անոր ընել չնորհ մը որ տկարութիւն պիտի համարուէր։ Իր կինը, Հորտանցիա, արդէն տկարութեամբ կ'ամբաստանէր զինքը։ Եւ իրեն զաշնակից մըն ալ գտած էր, Եւտրոպիան, Թէոկոսենէսի լքուած տարփուհին կը մտատանջուէր անսակ մը անսարտութեամբ. կը վախնար որ Միւրինա ազատի լարուած թակարդէն։ Օրտուլա իրեն իմացուցած էր թէ այդ մրցակցուհին արդէն թակարդը ինկած է. բայց Եւտրոպիայի համար երբեք բաւական չէր որ Միւրինա բանտարկուած է. պէտք էր որ ան բանտէն դուրս ելլէր—ամէնէն ծանր պատիժը կրելով, որպէսզի յագենայ իր քինախնդրութիւնը։ Այս շարժառիթները, զորս չէր կրնար խոստովանիլ, զինքը դէմ դիմաց կը հանէին Փուլլիայի։ Եւ երբ կառավարիչը կը շարու-

նակէր ցնծալ իր խոհեմութեան արդիւնքներուն համար, Հորտանցիա դժուարութիւն չկրեց համոզելու Միւրինայի թշնամին որ այս անգամ ազդէ իր ամուսինին, Վելիոսի վրայ: Իբրեւ աւագ դիւանադպիր, Վելիոս կրնար, յաջորդ օրուան դատավարութեան համար, քրիստոնեաներու մասին պատրաստել ամէնէն վճռական, ամէնէն կարծրասիրտ թղթածրարները. իսկ քրիստոնեաները, իրենց յամառութեամբ, պիտի հարկադրէին Պերեկրինոսը բռնութեան դիմել: Կառավարիչը ծանօթ էր աւելի իբրեւ խորամանկ քան արխաիրտ, և կը մտածէր միայն իր պաշտօնատարի ապագան, բայց ա՛լ աւելի՝ իր անձնական ապահովութիւնը. կը նախատեսուէր թէ՛ անգամ մը որ իրեն դէմ հանեց նոր աղանդին զայրոյթը, պիտի վախնայ այդ քրիստոնալընդրութեան հեռաւոր հետեւանքներէն. այն ատեն, փոխանակ խնայելու, ամէն բան պիտի ընէր, որպէսզի Կայսրութիւնը միանգամ ընդ միշտ ազատի քրիստոնեաներէն, ուրացումով, եկեղեցիներու քանդումով, չարչարանքներով:

••

Գործին մեղսակից համարուած քրիստոնեաներու բազմութիւնը, և, ատոր հետեւանքով՝ քաղաքին մէջ տիրող խառնաշփոթութիւնը, ստիպեց էին Վելիոսը՝ քաղաքին մէջ բանակած քանի մը գումարտակ զօրքի աջակցութիւնը խնդրել, որովհետեւ իր ստիկականական ուժը բաւական չէր: Այսպէս, յաջորդ օրը Կայսրութեան վարձկան Գերմաններու ջոկատ մըն էր որ ատեան առաջնորդից Ոնեպիմոսը, Եւտիքիան, Միւրինան և յիսունի չափ ուրիշ քրիստոնեաներ, որոնք բանտարկուած էին իբրեւ ամբաստանեալ: Ասոնց կը հետեւէին Թէոկտենէս, Կեփիսոտոր, Փիլոմորոս և Կլէսփոն, որոնք հաստատապէս վճռեց էին բողոքել սխալ մը դէմ որ իրենց համար ստուգութիւն էր, և որ վստահ էին թէ անմիջապէս պիտի հասկցուի: Նոյնիսկ, Միւրինան մասնանշելով ամբոխին, փորձեցին անոր համակրանքը շարժել:

— Քրիստոնեայ չէ՛. նայեցէք, ճանչցէք, Աստուծոյ կի սպասուհիներէն մէկն է:

Բայց խուժանը ընդհանրապէս կը թօթուէր իր ուսերը: Նոյնիսկ կարգ մը մարդիկ քարեր կը նետէին, ժառնաւորապէս այդ կնոջ նշան առնելով, պարզապէս անոր համար որ իրենց կը ցուցնէին զայն. որովհետեւ, նախընթաց օրը, կառավարիչին երկայնամտութիւնը յուսախաբ ըրած էր զինքը, չէին ներեր որ կառավարիչը հետաքրքրութենէ, արեան ախորժակէ զուրկ տեսարան մը սարքած էր. միաձայն կը հուշակէին թէ դաւաճանութիւն գործուած է աստուածներուն դէմ: Մեծահարուստ կամ ազնուազարմ մարդիկը, նոյն իսկ հեթանոսներ, մեծամասնաբար փակուած էին իրենց առններուն մէջ: Պերեկրինոսի պէս կասկածներ ունենալով ապագայի մասին, անոնք չէին ուզեր իրենց ողջ գլուխը աւետարանին տակ դնել: Սակայն քանի մը

հողի ուղղութեան դէպի դատարան լուռ ու մունջ :
Թէոկտենէս ճանչցաւ հրեայ Արիստողէմը : Մտահոգ
գէմքով , անցած ատեն կը ջանար զանազանել ամբաս-
տանեալները : Եւ փախաց .

— Կ'ըսեն թէ Ա.կարիոս — կը ճանչնաք , այն զինե-
պանը որուն քով ճաշեցիք առջի օր — ձերբակալուած
է : Կ'ամբաստանեն թէ գնած պահած է քուրմերու
սրբազործութենէն փախցուած զինի և հացահատիկ :
Գիտէ՞ք . . .

— Ո՛չ . . . Ի՞նչ կրպ ունի ձեզի հետ :

Արիստողէմ կասկածելով , հեռացաւ ատանց պա-
տասխանելու :

Թէոկտենէս կը ջանար աչքէ չփախցնել իր տար-
փուհին : Երբեմն ան ալ , լեզէոնականներու շարքին
մէջէն , կը փորձէր տեսնել զինքը . երբեմն պարեգօտին
մէկ ծայրը վեր կ'առնէր քարերէն պաշտպանուելու
համար : Իր մատաղ ծիծերուն պտուկը կը դողդղար
ինչպէս նեո մը որ կը սարսուռայ փայտէ գուռէ մը ներս
մտած ատեն . և մա'րդ չէր կրնար ըսել թէ աէրէն է
թէ վախէն :

Հաւատարիմ այն դատավարական եղանակին որ
յաջողած էր նախօրդ օրը , Պերեկրինոս , այս բան-
տարիկեալները հարցաքննելէ առաջ , անոնց հետ մէկտեղ
մտնելով դատին խորը , կ'ուզէր վերջացնել աղատ
ամբաստանեալներու դործը : Կը կարծէր թէ այդ խնդիրը
կրնայ նոյնքան դիւրաւ կարգադրել որքան ըրած էր
առջի օրը : Բայց բախտը ուրիշ կերպ անօրինեց , ան-
շուշտ Վելիոսի աջակցութեամբ : Կորնթոսի մէջ կար
դռնական քրիստոնեաներու բաւական կարեւոր խմբակ
մը , Նումիդիոյ գաւառէն : Այս մուկեանդներուն հա-
մար , — և այս կէտին մէջ իրենց համամիտ էին ուղ-
ղափառներն ալ , — մարտիրոսութիւնը , կամ , ինչպէս
կը կոչէին իրենք , արիւնի մկրտութիւնը , յաւիտենու-
թեան մէջ զիրենք պիտի դարձնէին ևրկնային ընկերներ

Սաչեալին , զիրենք անոր միացնելով գրեթէ հաւատար
փառքի մը մէջ , համաձայն նման ճակատագրի մը :
Ուրեմն , միայն մարտիրոսութեան կ'ըզձային . կարծես
ծարաւի էին անոր :

Պերեկրինոսի առջև , կը սարսուռային անհամբերութե-
նէն : Թերեւս դարաւոր ատելութիւն մըն ալ կը հրահրէր
այս Ա.փրիկեցիները Հոռմի դէմ : Իրարու նայելով , կը
հեզնէին . « Կայսրութիւն : Ի՞նչ իրաւունքով կ'ուզեն մեզի
հարկադրել Կայսրութեան օրէնքները : Քրիստոսէն
դուրս Կայսր չկայ : » Եւ Պերեկրինոսի բարեացակամ
հարցաքննութեան պատասխանեցին պտուտութեամբով և
թշնամանքներով :

— Մենք քրիստոնեայ ենք : Չարչարանքի յանձնէ
մեզ : Սպաննել տուր մեզ : Մենք քրիստոնեայ ենք :

Ոնեսիմոս և իրեն հետ բոլոր «նախկին»ները , նոյն
խակ կանոնական ուխտին պատկանող բոլոր քրիստոն-
եաները սոսկումով կը նայէին ասոնց : Եսխկոպոսը
դիտել տուաւ Պերեկրինոսի .

— Տէ՛ր , ասոնք քրիստոնեայ չեն : Սուս կը խօ-
սին . մենք կ'ուրանանք զանոնք :

— Բայց քանի որ իրենք կ'ըսեն , հարցուց կառա-
վարիչը ապահար : Հապա ո՞ր աստուածը կը պաշտեն :

— Այն ինչ որ մենք . իրենց դաւանանքն ալ մի-
եւեջն է . բայց ասոնք կը հնազանդին անարժան
եպիսկոպոսի մը , որ ոստիկանութեան յանձնած է իր
եկեղեցիներու անօթներն ու զիրքերը : Այդ ոճիրին
համար մատնիչ հոչակուած է : Իր ձեռնադրած քահա-
նաները օրինաւոր չեն , և հետեւաբար , անոնք որ
ասոնց կողմէ մկրտուած են կամ միայն անոնց կը հպա-
տակին , չեն կրնար քրիստոնեայ ըլլալ :

Այդ շրջանին այնքան զօրաւոր էր քրիստոնէու-
թեան ծաւալումը , հոգիները իրեն քաշող անդիմադ-
րելի շարժումը , որ հերձուածները , հերետիկոսութիւն-
ները բազմացեր էին : Այսպէս կ'ըլլայ միշտ , երբ զօ-

քաւոր գազափարներ իրենց տիրապետութիւնը կը հաստատեն աշխարհի մէջ. անոնք տուն կուտան անսահման մեկնարանութիւններու: Բայց բնական էր որ ուղղափառ եկեղեցիին պետերը պիտի ուղէին պահպանել հօտին միութիւնը:

Պերեկրինոսի մտքի վարժութիւնները կը մղէին զինքը օգտուիլ այս պառակտումներէն: Աւելի վերջը, Յուլիանոս Կայսրն ալ միւսնոյն քաղաքականութեան հետեւեցաւ: Ուստի ըսաւ.

— Կայսեր Աստուածութիւնը միայն ճշմարիտ քրիստոնեաներուն դէմ պահանջներ ունի, և միայն անոնց մասին տնօրինութիւններ կրնայ ընել... Եթէ ասոնք ճշմարիտ քրիստոնեաներ չեն... Թո՛ղ արձակուին:

Բայց, ահա կատաղութեան փոթորիկ մը պայթեցաւ այս Հասկաքաղներուն մէջ, — այսպէս կը կոչուէին, որովհետեւ մեծամասնաբար խիստ չքուոր մարդիկ ըլլալով, կը մուրալին և աւարի կուտային գիւղացիներու տնակներուն շրջակայ հունձքերը: Ուրեմն յուստիսաբ պիտի ըլլային չարչարանքի և մահուան իրենց գիշատիչ տիրութակին մէջ: Անլուր հայհոյութիւններ, ազտոտ բռներ ժայթքելով, անպատկառօրէն վերցնելով իրենց վերարկուները, աստուածացած Կայսեր կուռքին առջև կը ձեւացնէին լպիրշ արարք մը, իսկ իրենց կիները, — որովհետեւ իրենց հետ կիներ ալ կային, որոնք կ'ոռնային էգ շուներու պէս — կոնակ դարձնելով, իրենց յետոյքը կը ցուցնէին:

— Մենք քրիստոնեայ ենք: Այդ միւսներն են որ քրիստոնեայ չեն: Մենք կը թքնե՛նք քու աստուածներուդ վրայ: Դուն սուտ կը խօսիս. մենք քրիստոնեայ ենք: Սատկեցո՛ւր մեզ, Շուններուն առջև նետէ մեր մարմինները, անոնք յարութիւն պիտի առնեն: Չարչարանքի տեսակներ հնարէ: Քրիստո՛ս: Քրիստո՛ս: Քրիստո՛ս: Փա՛ռք Քրիստոսի: Իսկ քու Կայսրդ գետինն անցնի...

Կլէոփոն զանոնք կը դիտէր սրտատրոփ անձկութեամբ: Այսքան ահարկու եռանդ մը, այս վեհոգի, թէև այնքան կուպիտ կատաղութիւնը կը դողացնէր զինքը յուզումէն, ու նաե՛ւ հեշտանքէն: Մանաւանդ այս Նուսիդացիներէն մէկը... Վտիտ, գրեթէ մերկ, — իր մոլեգնութեան մէջ պատուած ըլլալով հագուստները, — իր սե բաշերը պղտիկ հիւսակներու վերածած, փոքրիկեան ձեւով, վայրենի և խենդեցած... Փրփուր կը ժայթքէր, աչքերը դուրս ցցուած, Չղաճիգ ձեւքերը կոկորդին սեղմած, կարծես խղուելու ըլլար... Յանկարծ այս մարդը խոյսցաւ դերման լեգէոնականներէն մէկուն վրայ, խլից անոր կողէն կախուած զէնքը, և, մինչև որ ան սթափեցաւ, ցատկեց սիւնաշարքի աստիճաններուն վրայ, դէպի Պերեկրինոս, և բարձրացուց սուրը:

— Գարշելի՛ ճճի: Կարի՛ճ: Կրիայի ձա՛գ: Պիտի սատկեցնեմ քեզ: Ա՛յն ատեն հարկ պիտի ըլլայ սպաննել զիս...

Պերեկրինոս ամպիոնէն դուրս նետուած ըլլալով, ապաստանած էր սիւներուն միջև: Քրտինքը ճակտէն կը հոսեր մինչև սարսփահար աչքերը կուրցնելով դանոնք, կ'իջնէր մինչև գունաթափ այտերը: Լեգէոնականները, սուրերը քաշած, պաշարեցին մոլեռանդը, որ երկուքը գետին փոեց իյնալէ առաջ, և, հողին ելած ատեն, նորէն ուժ գտաւ երկու մեռելներէն մէկուն փորը ձեղքելու. ձեղքեց ու թքաւ վէրքին մէջ: Վերջապէս, կապեցին զինքը և, արիւնլուայ, տարին դահիճին, որ կեցած էր խորանին քով, իր օգնականներուն հետ: Չէր դիմադրեր: Կ'երգէր, և բոլոր Հասկաքաղները կը ձայնակցէին երգին: Կը խօսէր անարատ, անցամաքելի աղբիւրներու մասին, արմաւենիներու և պարտէզներու մասին, անվերջ հացկերոյթներու մասին ուր մարդ կ'ուտէ առանց երբեք կշտանալու, — մէկ խօսքով, բոլոր այն բաներու մասին որոնց ցանկացած

էր անջրդի անապատներու այս բնակիչը, իր թշուառ գոյութեան մէջ, առանց կարենալ վայելելու: Դահիճին մէկ օգնականը ծռնկերուն վրայ նետուող զայն, զլուխը դէպի գետին ծռեց մազերէն քաշելով: Մարդը միշտ կ'երգէր, արբեցած յափշտակութեամբ և մոլեգնութեամբ: Չարչարողներուն գլխաւորը իր կուրծքէն վանեց օդը, ուժգին սուլունով մը որ լուռեցաւ երգին հետ, շրջաջեց իր ծանր երկսայրի սուրը, որ ամուր քոնուած էր ափին մէջ, դաստակին վրայ ոլորուած կանեփէ չուաններով: Միւս Հասկաքաղները կը շարունակէին երգել... Գլուխը ինկաւ: Մօրէ մերկ ստահակ մը, որ թառած էր մեհեանին սրածայր անկիւնին վրայ, աւելի լաւ տեսնելու համար, լորձունքի ցայտքով մը անոր նետեց իր ստկած նուռին կուտերը: Հասկաքաղները յաղթանակի և հրճուանքի աղաղակ մը արձակեցին:

— Մարտիրոսացա՛ւ: Մարտիրոսացա՛ւ: Փա՛ռք մարտիրոս Պերեկիւսին: Կարգը մե՛րն է: Ոնեսիմոս եպիսկոպոսը և միւս քրիստոնեաները կը բողոքէին:

— Սո՛ւտ է: Եուները դրախտ չեն երթար: Հերձուածողները չեն կրնար արժանանալ երկնային պսակին: Դոնականները և Հնազանդութեան ազանդին պատկանող քրիստոնեաները սկսան կռուիլ հրապարակին վրայ: Ձէնք չունէին, բայց տղամարդիկը մէկ մէկու կոկորդին կը փարէին, իսկ կիները իրար կը ճանկատէին եղունգներով: Լեզէոնականները շատ դժուարութեամբ կըրցան զատել զանոնք: Պերեկիւսինս վճռեց թէ բոլոր անոնք որ կըրցեր էին ձերբակալել, ինչ աղանդի ալ պատկանէին, պարտաւոր պիտի ըլլան կատարել հրովարտակին պատուէրները, եթէ ոչ մահապատիժ պիտի կրէին: Ամբօխը վերջապէս ստացաւ ինչ որ կը ցանկար: Ձգալով արեան հոռը, սպասեց որ տեսարանին մնացած մասը արժանի ըլլայ այս սկզբնաւորութեան: Պերեկիւսինս այնքան լաւ հասկցած էր այս պարա-

զան, որ անմիջապէս, տեղն ու տեղը գլխմտեղ տուաւ քանի մը քրիստոնեաներ, խուժանային խաւերէն: Այս կերպով, իր կրած երկիւղին վրէժն ալ կը լուծէր:

Հարցաքննութիւնները կը շարունակուէին բուռն միջուորտի մը մէջ. քրիստոնեաներուն ներշնչողներն ու վարիչները երբեք չէին փորձեր խաղաղեցնել կիրքերը: Անոնք առաջ կը քշէին մօլեռանդները, կը խրախուսէին վեհերոսները, խայտառակելով անոնց վատութիւնը: Պատճառը այն է որ գիտէին թէ շատ չանցած ո՛ւր պիտի թխմէին Կայսրութիւնը: Եթէ մեքենան չէր կրնար բանիլ առանց իրենց, պէտք է բանէր իրենց հետ: Ա՛յս էր արդէն կարծիքը Չորրորդապետներու արքունիքին մէջ: Ասոնք շատ բանիւրուն քաղաքագէտներ էին, զազանապէս բարեկամ քրիստոնեաներուն, և միայն առիթի մը կը սպասէին իրենք զիրենք յայտնելու համար: Վերջին ճակատամարտն էր այսօրէնք էր դիմանալ, ամրապնդուիլ, նոյն իսկ զինուորներ կորսնցնելու, անձամբ մեռնելու գնով: Արիասիրտ, խանդավառ մարդիկ էին ասոնք. իրենց համար կը պահանջէին մարտիրոսի լուսապսակը զոր խոստացեր էին հաւատացեալներուն: Միւս կողմէ, ամէնէն ականաւորները այն կորնթացիներուն որոնք վճռեր էին ունկնդրութեան երթալ — մանաւանդ թէ՛նկտենէս և իր բարեկամները, անձնական պատճառներով — կը մտաւանջուէին և կը զայրանային այլևս ծայրայեղ զսպումէ մը, կը ցաւէին որ Պերեկիւսինս կորսնցուց պաղարիւնը, և չէին ծածկեր իրենց մեղադրանքը:

Բարձր դասերը, այդ շրջանին, նորանշան, վէս արհամարհանք մը կը ցուցնէին պաշտօնատարներուն հանդէպ: Իրենց անձին վրայ կեղբոնացնելով ամէն զօրութիւն, վերջին կայսրերը, որոնք արդէն սկիզբը դրեր էին իրենց բիւզանդական յաջորդներուն ուղղութեան, վտանգաւոր կերպով տկարացուցեր էին յարգանքը՝ հանդէպ իրենց փոխանորդներուն: Պերեկիւ-

նորի պէս կտրաւարիչ մը երեւութապէս կը վայելէր նախկին Հիւպատոններուն բոլոր իրաւասութիւնները. բայց իրականութիւնը բոլորովին ասարեք էր:

Այսպէս, ալէն ձախէն քրթմնջիւններով կամ ծաղրերով ընդունուեցան Պերեկրինոսի վճիռները: Այս պարագան նախատեսելու չափ խելք ունէր, բայց բաւական կորովամտութիւն չունեցաւ, իր առաջին ընթացքը պաշտպանելու համար: Կը մոլորէր, տարուբեր հակառակ հոսանքներէ: Ամէն կողմէ իրեն դէմ կ'արձակուէին սուր հեղնութիւններ: Շփոթած էր: Եւ իբր ջղադրգոութիւնը կը սաստկանար քինախնդրութեան հետ:

Կլէոփոն ծաղրողներու առաջին շարքը նետուած էր: Իր իզացած ջիղերուն փափկութիւնը կը գարշէր արիւնի տեսքէն և հոտէն. սակայն և այնպէս այդ արիւնը, այդ ժխորը, վիճարանութեանց ազդած վայրագ ցնցումները զինքը կը խորասուզէին տեսակ մը նորահրաշ զրդուութեան մէջ: Երբեք այդքան զօրաւոր տպաւորութիւններ կրած չէր: Կարծես զինքը ձուլկեք էին անտեսանելի փոկերով որոնք առնականութիւն կը պարզուէին իրեն:

Միւրիսա և Եւտիքիա միշտ ոտքի վրայ էին առեանին առջեւ: Այժմ միակ կլիներն ըլլալով ամբաստանեալներուն մէջ, ընագդարար իրարու փարած էին և երբեմն քանի մը բառ կը փոխանակէին: Եւտիքիայի համար Միւրիսա քրիստոնեայ էր. այդքանը կը բաւէր: Իսկ Միւրիսա տեսնելով Եւտիքիայի այնքան ամուր կեցուածքը, անոր կը մօտենար մանկուանակ վտահաւթեամբ մը: Եւտիքիայի հայրը, Եւզեմոս, ընկերացած էր իր աղջկան: Հեթանոս ըլլալով, վտահ էր թէ պիտի կրնայ ապացուցանել իր գգացումները և երդնուլ թէ սխալ հասկցած են իր աղջկան միտքը. և պատրաստ էր առանց վիճարանութեան վճարելու ամէնէն ծանր տուգանքը, անոր թեթեւութեամբ գործած յանցանքին համար,— որովհետեւ, թեթեւութենէ ուրիշ բան չէր կրնար ըլլալ իր արարքը:

Երբ լսեց որ Եւտիքիան կը կանչեն, ուզեց խօսիլ և անոր կողմը յառաջացաւ:

— Աս քրիստոնեայ չէ՛, Տէ՛ր, քրիստոնեայ չէ՛, Միշտ Անմահները կը պաշտէ: Ահա տես, հիմա զոհարութիւն պիտի կատարէ, կ'երդնու՛մ քեզ:

Բռնած էր Եւտիքիայի ձեռքը: Մէկ կողմէ քանի մը պողուց խուսկ սահեցնելով ձեռքին մէջ, մինչեւ խորանը քաշեց զայն:

— Կատարէ՛, անաքա՛նդ: Քանի որ ես կը սփռուեմ, ա՛յլ քեզի խօսք չիջնար:

Թեւը բռնած էր բոցին վերեւ, զայն այրելու, ինքն իսկ այրուելու աստիճան: Դէմքը կատաղի յուսահատութիւն մը կը յայտնէր: Տարիքն առած մարդ թրն էր, պարզ ու բարի. իր կեանքը անցուցած էր մատաղ ըլլալով այս միածին զաւկին համար,— միակ հարստութիւնը որ աչքին կ'երեւար աշխարհի մէջ: Աղջիկը ինքզինքը ազատեց այնքան բուռն թափով մը որ, հայրը ստիպուեցաւ ընկրկիլ մինչեւ բազմութեան մէջ: Ո՛չ. զո՞նչ պիտի մատուցանէր, չպիտի ստորագրէր բանաձեւը. պիտի խոստովանէր թէ փախցուցած է զիբքերը, զողջած է Կայսրէն որ գող մըն էր. պիտի փառաւորուէր իր ընթացքով: Սիրտը կը տոչորէր խանգաւառութենէն, դէմքը անշարժ էր և պաղ: Արդէն իսկ այս աշխարհէն դուրս կ'արարէր, մարտիրոսութեամբ ապահոված ըլլալով անլուր, երկնային, յաւիտենական երանութիւն մը: Այն միեւնոյն հաւատքն էր որ քիչ առաջ կը բոցավառէր Դանականները, զտուած՝ ազնուական հոգիի մը մէջ:

Պերեկրինոս լաւ կը ճանչնար մանկամարդունին: Պիտէր թէ իր աղջիկը ինչպիսի բարեկամութիւն կը տածէր անոր հանդէպ: Նորէն չափաւոր, նոյն իսկ բարեացակամ երեւոյթ մը առնելով, ըսաւ.

— Մանկամարդ աղջիկ, անխոհեմ շարժած ես. ծոնր է արարքդ: Չպիտի կրնամ արձակուամ շնորհել...

Բայց իրաւունք ունիս դիմելու Կայսեր, որ պիտի անօրինէ իր ամենակարողութեամբ, և, — կրնաս յուսալ — անյիշաչարութեամբ: Առ այժմ կը բաւէ որ հրապարակաւ թողութիւն խնդրես սիալի մը համար ուր չար մարդիկ մղեցին քու երկտասարդութիւնդ: Մն, գոհաբերէ՛, քու պատկառելի հայրդ է սր կը պատուիրէ:

— Ո՞ր Կայսեր մասին կը խօսիս, պատասխանեց Եւտիքիա կրքստ ձայնով մը: Ես չեմ ճանչնար զայն, այդ խեղճ ծերուկը, որուն երակները ուսեր են, որ ամէն օր կը փսխէ իր ճաշին կերակուրները, որ շուտով պիտի մեռնի, — և որ կ'ուզէ հաւտացնել թէ ինք աստուած է... Յիմարի տե՞ղ դրեր ևս զիս:

Քրիստոնէականները ծափողոյն մը արձակեցին: Մնեւ սիմոս թեւերը վեր առաւ օրհնելու համար: Եւտիքիա դատին կուտար բուն հանգամանքը, — քրիստոնէականները չէին կրնար հնազանդիլ — ո՛ւր կը մնայ զօհաբերել — տիրոջ մը որ քրիստոնեայ չէր: Բայց, այդ իսկ պատճառով, Կայսեր աստուածութեան եղած անարգանքը ոչ կրնար ծածկուիլ, ոչ ալ ներուիլ: Եթէ հանդուրժէր այս նախատինքին, Պերկիրինոս պաշտօնանկ պիտի ըլլար, թերեւս ալ պիտի աքսորուէր:

— Չարչարողները կրնան խելքդ գլուխդ բերել... ըսաւ: Նախ և առաջ թեթեւէն թող սկսին: Պիտի քաշեն թարթիչներդ, յօնքերդ և եղունգներդ: Չեմ կարծեր որ գեղեցկանաս:

— Ըրէ՛... Կը կարծե՞ս սր ես կարեւորութիւն կուտամ այս մարմնին երեւոյթներուն: Մարմինը շինուած է խամրելու համար. բայց արդարներուն հոգին յաւիտենապէս դեղեցիկ կը մնայ, և դուն չես կրնար հասնիլ անոր:

— Թո՞ղ Մեծութիւնդ յիշէ, բողոքեց հայրը, թէ ազնուական դասու կը պատկանի:

— Կ'ուզե՞ս որ պոռնկանոց զրկենք: Չե՞ս խօ-

սիր... Հասկցայ: Վաղ աստու թերեւս միտքը փոխած կ'ըլլայ:

Ամենահին հալածանքներէն ի վեր, սովորութիւն եղած էր քրիստոնեայ կոյսերը յանձնել վատահամբաւ վայրերու անանուն լիկանքին: Ըմբռնում մը, որ տակաւին երկար տեւեց, կուտութեան կը վերադարձեր մասնաւոր կարողութիւններ, մոգական բնութիւն մը. կ'ըսէին թէ արդարեւ աստուածները պէտք էր նախապատուութիւն տային ամէնէն անարատ կնոջ մարմիններուն, և, այն ատեն, անոնց միջոցաւ, կրնային հրաշքներ յայտնել: Այս մանկամարդունին յանձնել մահկանացուներու, կը նշանակէր նախ անարգել աստուածը, յետոյ նաեւ կոյսը զրկել անկէ առած արտասովոր ձիրքերէն. որովհետեւ, աստուածը կը փախչէր այդ սրբապղծուած տապանակէն: Քրիստոնէականներն անգամ այսպէս կը հաւատային: Այն յարգանքը զոր կը տածէին այդ կոյսերու յիշատակին, անոնց նուիրուած պաշտամունքը պատճառ էին նաեւ որ քրիստոնէականները չկարենան հանդուրժել, հաւատալ անոնց արատարման: Եւ կ'երեւակայէին թէ, այն տղամարդիկը որ կը փորձէին օգտուիլ կոյսերու դատապարտութենէն, անոնց մերձենալու համար, յանկարծ սարսափի կը մասնուէին, և կը կորսնցնէին իրենց առնականութիւնը: Իսկ Եկեղեցիի հովիւները կը նկատէին միայն թէ՛ արաք անգոյ է, երբ կամք չկայ: Թերեւս, իր աշխարհիկ և հասուն մարդու սկեպտոսութեամբ, Պերկիրինոս ալ այս կարծիքէն էր. ու կը նախընտրէր, փոխանակ դահիճին տալու մանկամարդ աղջիկ մը, քանի մը ժամ յանձնել զայն այնպիսի լիկումներու որոնք երբեք վշտառիթ հետքեր պիտի չձգէին, որոնք նոյնիսկ խնդուք կը պատճառէին իրեն:

Բայց, այս վճիռը արտասանուած ատեն, Կլէոփոս ամինաբուն յուզման նշաններ ցուցուց, յետոյ նաեւ բարկութիւն մը ուր կորսնցուց ամէն չափ: Այնպիսի

չարժանութիւններով որոնց վրայ լաւ է չծանրանալ, ամէն ինչ որ իր երեւակայութեան կը յիշեցնէր սիրոյ բնական և կանոնական իրականութիւնները, դարձուբանք կը պատճառէր իրեն: Ձանոնք նողկալի, գարշելի կը գտնէր. անոնք սիրախառնուք կուտային իրեն. և սակայն անշահախնդիր եղանակով մը կը ճաշակէր կիներուն գեղեցկութիւնը, գրեթէ այնպէս իբրեւ թէ անոնց սեռին պատկանէր:

Մնաց որ, այս զսպողական կարգուսարքին, նոյն իսկ այս հալածանքներուն մէջ, ամէն ինչ լկտի և ընդզեցուցիչ կը թուէր իրեն: Իր ամբողջ կեանքին մէջ, չէր կրկնած ըմբռնել թէ ինչո՞ւ մարդոց կ'արգիլուի ընել ինչ որ կ'ուզեն, — երբ այդ բանը ոչ մէկուն չարք կը պատճառէր — և թէ ինչո՞ւ կը պատժեն զանոնք, ըրած ըլլալուն համար: Այսպէս ուրեմն, Պերեկրինոսէն բոլորովին տարբեր պատճառներով, ինք ալ չէր կրցած պահել իր մաքի հաւատարակչութիւնը: Եւ, ամէնէն վիրաւորական ձեւով նախատինքներ տեղաց կառավարիչին երեսին:

— Խելքդ կորսնցուցի՞ր: Դինո՞վ եկար այս առեանը նստելու: Դուն աւելի անբան ես քան կը կարծէի, և աւելի ագէտ: Չիմացար որ այս աղջիկը ազնուական դասուն կը պատկանի: Ի՞նչ իրաւունքով կը յաւակնիս բողանոց զրկել կին մը որ ինքնիշխան տէրն է իր մարմնին: Այդ բանը կրնայ ըլլալ միայն ստրուկներուն համար, և այն առեան ալ, եթէ ես ըլլայի ընողը, ինքզինքս սրիկայ մը պիտի նկատէի: Ճիշտ է որ ես սովորական մարդ մըն եմ, և ոչ թէ տխմար կտրավարիչ մը:

Այս անգամ առանց յուզուելու, Պերեկրինոս վեր առած էր աչքերը. և տեսնելով թէ որո՞ւ հետ դորժունի, քրքիջ մը արձակեց.

— Դո՞ւն ես, Կլէոփոն: Դո՞ւն օրուն համար կարելի չէ ըսել, ինչպէս Յուլիոս Կեսարի համար, թէ

կինն ես բոլոր ամուսիններուն, և ամուսինը՝ բոլոր կիներուն. որովհետեւ, խօսքին առաջին մասը միայն ճիշդ է քեզի համար... Դո՞ւն ես որ պաշտպան կը նանդիտանաս կոյսերուն:

Այս հին կատակը զուարճութիւն պատճառեց ամբոխին: Կլէոփոն, չփոթած, կը կմկմար: Լեզէոնականները, միահամուռ սեղմելով իրենց ուսերը և իրեն մօտենալով, աստիճաններէն վար նետեցին:

— Տարէ՛ք այս կինը ուր որ ըսի, հրամայեց Պերեկրինոս, յողորմելի դէմքով մը... Ուրի՛շ մը կայ, Միւրինա կոչուած...

— Թո՞ղ Մեծութիւնդ թոյլ տայ, սկսաւ Փիլոմորոս, անդին հրելով թէոկտենէսը, որ քու առջեւ ստանձնեմ այս կնոջ պաշտպանութիւնը: Մնաց որ, շատ ըսելիք չկայ. սխալը բացայայտ է: Միւրինա Ափրոդիտէի մէկ հին սարկուհին է, սրբազան պերճադիճ մը. իր ծաղկահասակ մարմինը, մանկութենէն իսկ, կատարած է Յունաստանի համար ամէնէն թանկագին, պարկեշտ մարդու աչքին ամէնէն յարգելի ծէսերը: Եթէ Մեծ Քրմուհին այստեղ չէ պահանջելու համար Միւրինան, պատճառը այն է որ այս աղջիկը ծախու առած է թէոկտենէս, ազնուական Կորնթոսի, հոմէական քաղաքացի, որ քովս է, և իր տարվածուն: Այս քաղաքին մէջ, երկու տարեկան տղայ մը աւելի շատ բան գիտէ քրիստոնեաներու խորհուրդներու մասին, քան այս աղջնակը: Այս աղջիկը ուրիշ բան չի գիտեր բայց միայն սիրաբանել, սիրել: Եւ սիրուած է: Ուրեմն, վերադարձու՛ւր զայն անոր որ կը սիրէ զինքը. և ինձի՛, Փիլոմորոսին, և Կեփիսոտորի որ ահաւասիկ, — մենք սր անոր վկաներն ու բարեկամներն ըլլալու պատիւն ունինք: Մնաց որ, այս աղջկան ուղղա՞ն ալ ուրիշ բան չէ եթէ ոչ զո՞ մատուցանել, անմիջապէս որ քու խօսքդ, — չիմ ըսեր վեհոգի, այլ միայն արդարադատ, — ազատ արձակէ զինքը, պիտի երթայ —

կ'երդնո՛ւմ', և ես ալ միասին պիտի երթամ— աղաւնք մը մորթել աստուածային Ափրոդիտէի խորանին վրայ: Կ'ուզե՞ս որ ուրացումի բանաձևէն ալ ստորագրէ: Հարկ չկայ, քանի որ, կը կրկնեմ, քրիստոնեայ չէ. սակայն և այնպէս, պիտի ստորագրէ:

— Այո՛, աղաղակեց Միւրինա:

Դէմքը կը ճառագայթէր: Բա՛ն չէր հասկցած, մինչեւ այդ վայրկեանը, իր տարօրինակ արկածէն. ինքզինքը կորսուած կը կարծէր, առանց գիտնալու թէ ինչպէ՛ս. և ա՛նա Փիլոմորոս, միակերպ, խաղաղաւէտ ձայնով մը, իրեն կը յայտնէր իր անմեղութիւնը ապացուցանելու այնքան պարզ միջոցը, որ նոյն քան ալ ապահով կ'երեւար:

— Եթէ զոհաբերութիւն կատարէ... ըսաւ Պերեկրինոս:

— Տէ՛ր, առարկեց Վելլոս Վիկտոր, այս աղջիկը արդարեւ պերճադիճ մըն է: Բայց գիտենք որ քրիստոնեայ պերճադիճներ կան: Յետոյ, եթէ նոյն իսկ զո՛հ մատուցանէ... Ողիմպեան աստուածներուն այն հաւատացեալները որոնք իրրեւ մեղսակից ծառայած են քրիստոնեաներուն, անոնց փախուստին օգնելու, կամ անոնց խորհուրդներուն սահմանուած առարկաները պահելու համար, ենթակայ են, համաձայն Հրովարտակին, նո՛յն պատիժներուն ինչպէս քրիստոնեաները իրենք: Պերճադիճ Միւրինան յանցաւոր է իրրեւ գողօնաթաքոյց. պահակներուն տեղեկագիրը բացորոշ է:

Այն ոճիւրը որով ամբաստանուած էր Միւրինա, իսկապէս ամենածանրն էր. հռոմէական վարչութիւնը բաւական ճշգրտօրէն կը հաշուէր թէ՛ քրիստոնեաները կրնան, աւելի վերջը, ետ առնել իրենց ուրացումը, և յայտարարել թէ իրենց բնագատութեան տակ էր որ զո՛հ մատուցին աստուածներուն: Յետոյ, չէր բաւեր փակել կամ նոյն իսկ քանդել անոնց ժողովատեղիները. կրնային ուրիշներ բանալ այլուր: Աղանդը ոչնչացնելու

միակ աղդու միջոցն էր թոյլ չտալ որ ան կարենայ կատարել սրբագործութեան ծէսերը— սրբազան խորհուրդներ, ինչպէս կոչեցին յետոյ— որոնք իր գոյութեան իրաւունքը կը կազմէին: Այդ տօնակատարութեանց համար անհրաժեշտ էին կարգ մը առարկաներ, մանաւանդ գիրքեր, որոնց մէջ կը գտնուէին ճշգրիտ, անյեղի, մոգական համարուած կանոններ: Ահա թէ ի՛նչ մեծ արժէք ունէր զանոնք զրկել ատոնցմէ:

Վելլոս ըրածը գիտէր, երբ կը պնդէր այս կէտին վրայ. և, Միւրինայի սիրտէն, կ'ուզէր՝ զարնել Թէոկոտենէսը, որուն դէմ ռիս ունէր, գիտնալով որ իր կինը անտարբեր չէր գտնուած անոր հանդէպ: Կասկած չունէր թէ, ընդհակառակն, այդ կերպով կը միանար Եւարոպայի վրէժխնդրութեան. մնաց որ, աւելին ըլլալով, այս վերջինը կը յուսար վերստանալ իր տարփածուն, երբ Միւրինան անհետանար: Ասոնք բաներ են որ միշտ կը պատահին:

— Մանկամարդ աղջիկ, հարցուց Պերեկրինոս, ո՞վ տուաւ քեզի այդ գիրքերը:

— Ո՛չ ոք...

— Ոչ ո՞ք: Ըսել կ'ուզես թէ դուն զանոնք քրիստոնեաներէն գողցա՞ր, կամ զիպուածօ՞վ գտար:

— Ափսո՛ս, ոչ ալ այդ: Ես չէի գիտեր որ այդ գիրքերը իմ քովս են:

Վելլոս թիթեւ մը խնդաց. չքմեղանքը թոյլ էր: Թէոկոտենէս, ջղագրգիռ, այլ եւս չկրցաւ լուռ մնալ:

— Յիմարացե՞ր են անոնք որ կորնթոսը կառավարել կը յաւակնին: Ահա կրախայ մը որ քրիստոնեայ չէ, որ պատրաստ է կրղում ընելու, և իր ծանօթներն ալ պատրաստ են երդումը հաստատելու: Կրնա՞ք յիշել քրիստոնեայ մը որ յարարերութեան մէջ ըլլայ անոր հետ: Այն ատեն, աղանդին հետ գաղտնի միաբանութեան մը կարելիութիւնը ճշմարտանման է: Ո՞վ

կրնայ ազատ մնալ այդպիսի արկածէ մը. ո՞վ գիտէ որ անհաւատարիմ ստրուկը, թշնամիէ մը վարձուած, կամ պարզ չարութեան համար, կրցեր է գործել այս դաւաճանութիւնը:

— Մէկուն դէմ ամբաստանութիւն ունի՞ս, հարցուց Պերեկրինոս:

— Ո՞վ կրնամ ամբաստանել: Ես քաղաքին ոստիկանութեան պիտն եմ. ե՞ս եմ որ կը հրամայեմ պահակներուն: Ըսէք անոնց որ փնտռեն. պիտի գտնեն:

— Երիտասա՛րդ, ըսաւ Պերեկրինոս հեզնութեամբ, և քիչ մը իրաւունքով. իմ ոստիկանութիւնս չի կրնար քննութիւն մը բանալ առանց մատնանշումի մը ստուերն ունենալու: Քաշուէ՛: Գիրքերը առնել պահելը հաստատուած է: Յանցապարտը պիտի կրէ ա՛յն պատիժները որ կը տնօրինուին գողօնաթաքոյցներուն... Ուրի՛շ ինչ կար... Ոնեսիմո՞ս, զոր եպիսկոպոս կը կոչեն:

— Տէ՛ր, գոչեց Միւրինա, խնայէ՛ ինծի: Դուն հասկնալու ես որ ես բան մը չեմ գիտեր, և որովհետեւ բան մը չեմ գիտեր, ըսելիք ալ չունիմ: Պէտք է որ քիչ մը բան գիտնամ պատասխանելու համար, ըլլայ իսկ սուտ խօսելով: Ես կը պաշտեմ Աստղիկը, Փոխպոս-Ապողոնը, բոլոր աստուածները, Իօսը... Ուրեմն անոնք անկարող են որ բան մը չեն ըներ զիս պաշտպանելու համար: Մի՛ պատժեր զիս. ես չարիք չեմ գործած: Աւելի լաւ պիտի խօսէի քեզի, եթէ այնքան չվախնայի...

Ծունկի եկած էր. այնքան վտիտ էր որ, սիւնաշարքերուն բարձունքը թառողները ուրիշ բան չէին տեսներ, եթէ ոչ պզտիկ ճերմակ բիծ մը, կ'ըսես փռուած կտաւ մը:

— Ազա՛տ արձակէ, առաջարկեց Թէոկտենէս, ետ երաշխաւոր եմ անձամբ և հարստութեամբ: Ըսէ՛ պահանջուած գումարը:

— Ըսի՛, — խօսքը կարեց Պերեկրինոս, տաղտկանալով: Կարելի չէ երաշխաւորութիւն ընդունիլ Կայսերական Աստուածութեան դէմ գործուած ոճիրներուն համար. դուն շատ լաւ գիտես... Առէք տարէք:

— Դուն անիրա՛ւ դատաւոր մըն ես, բողոքեց Կեփիսոտոր: Կլէոփոն ճիշդ խօսեցաւ:

— Այո՛, անիրաւ դատաւոր է, գոչեց Թէոկտենէս: Այլեւս պէտք չէ որ դատ տեսնէ:

Անդաստակէն բարձրանալով, բռնեց կառավարիչին ուսերէն, ոտքի վրայ նետեց զայն, և, բռունցքի հարուածով մը, գլորեց աստիճաններուն տակը:

Այնքան մեծ էր հռոմայեցի պաշտօնատարներու վարկարեկումը հելլենախօս երկրին մէջ որ, Ադեքսանդրիա քաղաքին մէջ, նոյն շրջանին և նման առիթով մը, Եդեսիոս անուն մէկը, բարեհամբաւ գերզաստանէ և սովորաբար հանդարտաբարոյ, կառավարիչ շիրոկլէսի կոկորդին փարեցաւ, երկու շառաչուն ապտակ իջեցուց, և դետին փռելով, օտքին տակ առաւ փորը: Ինչպէս Ադեքսանդրիոյ մէջ, քանի մը ժամուան մէջ երկրորդ անգամ ըլլալով խռովութիւնը ծայր տուաւ Կորնթոսի մէջ: Այս անգէն մարդիկը վերսկսան իրար սպաննել քարերով և բիրերով: Շատ մը քրիստոնեաներ առիթէն օգտուեցան փախչելու համար: Ոստիկանութիւնը հազիւ կրցաւ ձերբակալել Ոնեսիմոս եպիսկոպոսը Կանդրէասի դուռերուն առջեւ. այն ալ զիպուածաբար ճանչնալով. կը կարծէր թէ ուրիշ մարդ բռնած է:

Գալով Թէոկտենէսի, առաջիններէն էր որ ինկաւ այս խառնաչփոթութեան մէջ, առանց պաշտպան գտնելու: Պերեկրինոսի դէմ կատարած արարքը մահուան պատժի կ'ենթարկէր զինքը: Քրիստոնեաներն ալ զինքը ձգեցին իր բախտին. ան իրենցմէ չէր: Ինչպէս անկարգութեան և քաղաքական անտարբերութեան բոլոր շրջաններուն, ուր միայն ամբոխային խռովու-

Թիւն կայ, բայց ոչ մէկ ազգային կամ ժողովրդական շարժում՝ ընդհանուր հանդամանքով, — բանակը կը մնար միակ զօրաւոր և կարգապահ կազմը: Ան միայն գիտէր թէ ինչ պիտի ընէր. իսկ այստեղ գործը շատ պարզ էր: Մինչ գերմանական ջոկատին մէկ մասը կը շրջապատէր կառավարիչը և պալատ կ'առաջնորդէր զայն, միւսը, քանի մը հստակօրէն հարիւրապետներու հրամանատարութեամբ, կը ճզմէր ըմբոստները, առանց նկատի առնելու թափելիք արիւնը: Վեկիտս Վիկտոր, որ, ատեանին աստիճաններուն վրայ կեցած, կը վարէր այս դսպումը, շատ լաւ նշմարեց թէ ինչպէս Դերման մը սուրը կ'իջեցնէր գետնաթաւալ թէսկտենէսի կոկորդին. այդ երիտասարդին ոճիրը բացայայտ էր, և յետոյ, ատենադպիրը ո՛ր և է համակրութիւն չունէր անոր հանդէպ: Թո՛ղ տուաւ որ այստեղ վերջնայ իր ճակատագիրը: Միւրինա չէր տեսած իր սիրահարին մահը. անմիջապէս որ դատավարութիւնը ընդհատուեցաւ, ինք բանտ առաջնորդուեցաւ: Եւտիքիայի և այն քրիստոնեաներուն նեւ որոնք երբեք չէին փորձած փախչիլ:

Եւտիքիայի ցուցադրութիւնը բողանոցին մէջ՝ տեղի չպիտի ունենար իննիորդ ժամէն առաջ: Կլէոփոն, առտուն վտարուած ըլլալով տաեանէն, ըստ բախտի պտտած էր քաղաքը, խորապէս խոցուած իրեն եղած նախատիքէն, միշտ համոզուած թէ միայն ինք իրաւունք ունէր այս գործին մէջ, և թէ, յայտնապէս, աշխարհը կը վարեն պարզ ապուշներ օրոնք կը խանձին խառնուելու համար իրենց չվերարեբած բաներու: Օրը բաւական յառաջացած էր երբ անօթեցաւ: Ու մտաւ նաւահանգստին մէկ վատահամբաւ գինետունը, ուր կը յաճախէր երբեմն. կը յիշէր թէ հոն հանդիպած էր Արքիպեղազոսի նաւաստիներու, Սազար ըմբիշներու, — սափակ զէմքով բայց լայն ուսերով, — որոնց առնականութիւնը կը գնահատէր. գինուորներու և հարիւրապետներու, որոնց վրայ կը հիանար իրենց արու գեղեցկութեանը, իրենց պրոնզեայ թոռասներով դրահներուն, ինչպէս և այն հեշտամոր հոտին համար որ կուգար իրենց քուռակի կաշիէ սոնապաններէն, — կաշի մը՝ պատրաստուած Սկիւթիոյ մէջ, ձիու քակորի և բուեկնիի մսիբրի խառնուրդով մը: Բայց գինետունը գրեթէ պարապ էր տակաւին: Շեղելով իր փուժկալ սովորութիւններէն, բացառաբար գինի ուզեց. իրեն հրամցուցին խաշած հաւկիթ, օձածուկ՝ մանրուած քրքումէ թացանի մը մէջ, և ձիթապտուղ:

Բաւական տարէց մարդ մը, թաւամազ և քիթը կարճ ու տափակ ինչպէս շահապետ մը, կը գրէր իրմէ ոչ շատ հեռու, նստած կոշտ սեղանի մը առջեւ, եղէգէ գրասլաքով մը, հին գրութեամբ մոմատախտակներու վրայ: Մարդը մտերմօրէն իրեն դանաւլով, ըսաւ.

— Այսօր խոռվութիւններ պատահած են եղեր, քրիստոնեաներու դատավարութեան տառն:

— Դուն քրիստոնեայ եմ, հարցուց Կլէոփոն:

Այժմամարդի այս կտորը գոհացաւ բարեմիտ ժպիտով մը :

— Ատոնք հիմա հարցնելիք բաներ չեն : Պիտի կարծեն թէ ոստիկանութեան մարդ ես : Բայց դուն այն տեսակէն չես : Ես կը ճանչնամ քեզ , թէեւ դուն չես ճանչնար զիս : Ուրիշ բանի համար և տարբեր ժամու մը կուգաս դուն , սովորաբար :

— Դո՞ւն ալ . . .

— Օ՛ , ե՞ս . . . Եթէ առիթ ունենայի . . . Իրողութիւնը այն է որ ինծի անկողին մը կու տան երկու լուսամտով , փակուածէն յետոյ : Ես կը պառկիմ հոն ուր ուրիշներ պառկած են արդէն , բայց , ես , պարզապէս կը քնանամ :

— Իսկ ցորե՞կը ինչ կ'ընես :

— Ինչ որ կ'ընէի ճիշտ հիմա , երբ ներս մտար : Կը գրեմ : Կը գրեմ ինծի և ուրիշներուն համար : Բանաստեղծ եմ և դպիր . . . Կ'ուզե՞ս տեսնել :

Կլէոփոն կարգաց . . .

— «Ճազարոյց անսամոց մայիսի . յարչարակ երկոսասն մարտրոսաց , համագղեաց մարոց : Անդ հին Մարիանոս եւ Զննն , ասիլաւագունի , եւ Երիկիս , որ քնակիտ մեծ ի բաղանիս Հեղինեայ : Ո՛ սուրբիդ Աստուծոյ սրոց կայ ընդունել զնոսս , զայստիկ եւեր անուանս ճանայեմք : Զայլս դուք յիշեալիք» :

— Ուրեմն դուն քրիստոնէսե՞ց ես :

— Ո՛չ . բանաստեղծ եմ և դպիր . ըսի արդէն . և այնքան մաքուր լատիներէն գիտեմ որքան յունարէն : Քրիստոնէսները վստահութիւն ունին իմ վրայ : Անոնք վերցուցին մարմինները անոնց զորս Նորին Մեծութիւնը գլխատել տուաւ այս սուաւօտ , և ինձմէ ինդրեցին այս արձանագրութիւնը շարադրել , որ պիտի փորագրուի անոնց գերեզմաններուն վրայ . պիտի պահեն . . .

Կլէոփոնի այնպէս եկաւ թէ կը հասկնայ : Այս տասերկու մարտիրոսներէն իննին անունները յայտնի չէին : Միւս երեքը Եկեղեցիի սարկաւազներ էին , և սա

Եւրիկէտը , բաղդատաբար կարեւոր անձ , կալուածատէր էր . բայց միւս թ՞նք : Ողորմելի մարդիկ . ժամանակ չէր եղած իմանալու : Իրենց մեռելները ոստիկանութեան ճանկէն ազատելու հարկին առջեւ , անանուն մարտիրոսներ կը շինէին : Ուրեմն , սուրբերգ Աստուծոյ , դուք յիշեցէք միւսները :

Կլէոփոն յուզուեցաւ :

— Գեղեցիկ է , ըսաւ :

Վսեմ և պարզ շեշտ մը կը գտնէր այս արձանագրութեան մէջ : Շահապետի դէմքով մարդը խոստովանեցաւ .

— Ես դեր մը չունիմ ասոր մէջ : Ինծի ըսին ինչ որ պէտք էր գրել : Միայն թէ , կրկնեմ , կը վախնային քերականական սխալներէ : Բայց , արդարեւ գեղեցիկ է . . . Միշտ գեղեցկութիւն պիտի դառնուի աշխարհի մէջ . տե՛ս :

Եւ արտասանեց հետեւեալ ոտանաւորը , հելլենական վերտառութենէ մը .

Գայիռնէ Անտիօսին ընծայ մատոյց հիւսակ մը իր մագերէն , Պատրիկին ձօնեց աղաւի մը , իսկ Հերային՝ իր գօսին : Ռոպիէտեւ , պարկեշտեւ անցուցած եր իր երեսասարդութիւնը . Ռոպիէտեւ , գաւ իրեն համար՝ ցանկալի անուսինը . Եւ , որպիէտեւ ամկ ունեցաւ երկու սիրուն մանչեր որով կ'ապրին :

— Քրիստոնէսները օր մը պիտի գտնեն այս գեղեցկութիւնը , շարունակեց : Եւ նոյն բաները պիտի ըսեն , ուրիշ բառերով , ուրիշ լեզուով : Մարդիկ կրնան գեղեցկութիւն , տեսակ մը գեղեցկութիւն արտադրել անձնուրացութեամբ , զոհողութեամբ , նոյն իսկ սարտափելի մահով . բայց , բովանդակ գեղեցկութիւնը արտադրելու համար , անհրաժեշտ են բոլոր զգայարանքներն ու զգայասիրութիւնը . անհրաժեշտ է կեանքի սէրը , որ աստուածային է , և ամէն ինչ օր մահկանացու մը իրեն հետ կը բերէ երբ լոյս աշխարհ կուգայ ,

ամէն ինչ որ կը տեսնէ, կը սիրէ, կը վայելէ իր մարմինով և իր մարմինն գործարաններով :

— Դուն կը հաւատամ... հարցուց Կլէոփոն :

— Վստահ եմ :

— Չեմ կարծեր նաև թէ կրնայ գտնուիլ սարսուփելի գեղեցկութիւն մը, որ զգայասիրութեան հեշտանքները կը միացնէ ցաւին, նոյն իսկ մահուան, կարծես մարդ կը ծաղրէ գանոնք, և կ'ըսէ անոնց. «Դուն անգոյ ես» :

— Այո՛, անշո՛ւշտ : Ի՛նչ խելացի խօսք : Բնաւ մտքէս չանցաւ : Դո՞ւն ալ բանաստեղծ ես : Պէտք է գրես ատիկա :

— Ես գրելու մասին չէ՛ որ կը մտածեմ :

Մինչ կը խօսակցէին, զինետունը լեցուած էր կամաց կամաց : Աղջիկներ, ինչպէս և երիտասարդներ յաճախորդներ կը բերէին հոն : Սենեակներուն գինը տասը լումայ էր : Կանխիկ կը վճարէին : Գինեպանին որդին, հազիւ տասը տարու տղեկ մը, անմեղօրէն ոտքի կ'իջէր և ջրալի թակոյկ մը, երբեմն ալ քիչ մը զմուստով բուրումնաւորուած սկահակ մը ձօրպ կը սանէր անհետացող զոյգին :

— Հո՞ն կ'ապրես ամէն օր, հարցուց Կլէոփոն բանաստեղծին :

— Ինչո՞ւ չէ : Ինչո՞ւ կը զարմանաս : Այն բաները որ ամէն վայրկեան աչքիդ առջեւ են, այնպէս կ'ըլլան որ կարծես բնաւ գոյութիւն չունին, մարդ այլեւս չի տեսներ զանոնք : Ես ալ սա տղուն պէս եմ...

Հարիւրապետ մը ներս մտաւ, կորածե՛լ իր զրահին թոռականրուն տակ : Ծանչնալով Կլէոփոնը, նշան բրբու :

— Նորէն եկե՞ր ես...

— Ինձի փոխ տուր, ըսաւ յանկարծ Կլէոփոն, զրահդ, սաղաւարտդ, սանապաններդ : Վաղը առտու, արշալոյսին կը վերադարձնեմ :

— Դերդ փոխե՞լ կ'ուզես... Թող ուղածդ ըլլայ : Բայց իմ զրահս քեզի չի յարմարիր : Բաղդատէ՛. ես արու մըն եմ... Այդքան մի շփոթիր. հոս պաշտօնակից մը ունիմ... Հի՛մա կը կանչեմ. ահա նոյն ինքն եաքքոս, — ճիշտ քու հասակդ է : Կրնաս ապահով յարմարիլ հետը :

Քանի մը վայրկեան յետոյ, Կլէոփոն դուրս կ'ելլէր հագուած հարիւրապետի մը պէս, սաղաւարտ մը գլուխը, դէմքը կիսովին ծածկած թանձր բուրդի թուխ մեծկակ վերարկուով որ կանոնական էր : Կ'երթար այն պոռնկանոցը ուր փակուած էր Եւտիքիա, կառավարչին կամքով : Այս գաղափարը յղացած էր անոր դատապարտութեան պահուն իսկ. չպիտի կրնար ըսել թէ ինչո՛ւ այս շահապետի դէմքով թափառականին հետ փոխանակուած քանի մը բռտերը ամբասնուեցին գայն իր մտքին մէջ. և, քիչ առաջ իր իսկ յարուցած գայթակղութենէն յետոյ, վախնալով որ կը կասկածին իր ընելիքէն, այս ծպտումը կատարած էր : Բայց շատ պարզ եղաւ այս գործը. պոռնկանոցը կը գտնուէր նաւահանգստին թաղը, գինետան մօտ : Կլէոփոն ներս մտաւ առանց դժուարութեան :

Շատ չէր ընէր որ Եւտիքիա հոն հասած էր : Մինչեւ սեմէն ներս մտնելու վայրկեանը, պահած էր իր բովանդակ յափշտակութիւնն ու անզգածութիւնը : Վստահ էր հրաշքին վրայ, — ամենակարող Փեսան պիտի կրնար հսկել իր հարսին վրայ. այս մասին տարակոյս չունէր : Այդ համոզումը իր մէջ արմատացած էր մանկութենէն իսկ, զինքը մեծցնող ստրուկին խանդավառ և առասպելական պատմութիւններով, — որովհետեւ յաճախ ստրկական միջավայրերու վարակումով, կանանոցներու խորն էր որ ազնուական ընտանիքներու զաւակները քրիստոնեայ կ'ըլլային : Բայց, ինչքան ալ ամուր ըլլար իր հաւատքը, որքան ալ հեռուն կարենար տանիլ զինքը այդ հաւատքը, Եւտի-

քիան չէր դարձած այն երազատեաներէն որոնց երեւակայութիւնը չափազանց վառ ըլլալով, կը ծածկէ անմիջական և բիրտ իրականութիւնները: Իր աչքերը բաց մնացեր էին. անոնք մէկ հարուածով, իրեն կը ցուցնէին թէ ի՛նչ բանի կարելի է հաւատալ երբ միայն նորաբողբոջ աղջիկ մըն ես, և ի՛նչ կ'ըլլայ, երբ կին ես:

Սակայն, երեւութապէս, այս բոլորը իր նախատեսածէն շատ տարբեր էին: Արեւելեան դաստիարակութեան ազատութիւնը, այն նշանակալից հարթաքանդակները զորս Ափրոզիտէի մենեանը փոխ առած էր ասիական Աստարտէի աւանդութիւններէն, շատ բան սորվեցուցած էին իրեն: Ա՛յդ բաներուն էր որ կը սպասէր. իր և այս խայտառակութիւններուն մէջտեղ էր որ իր Տէրը պիտի յայտնէր իր Ամենակարողութիւնը. բայց ոչինչ կար այդ բոլորէն, ոչի՛նչ... Մեծկալ, հասարակ սրահ մը, բաւական խոր անկողին-խորշեր պատին մէջ, որոշ հեռաւորութեամբ, որ կը գոցուէին վարագոյրով մը: Իսկ սրահին մէջ կիներ, — հագուած եթէ ոչ իրեն պէս, գոնէ գաեհկօրէն վայելուչ, — որոնք հանդարտօրէն կը դրազէին կանացի գործերով, ասիկա աւելի կը նմանէր իր կանանոցի սպասուէիններու սենեակին: Այն պահակները որ բերեր յանձներ էին զինքը, ընկալագիր մը ստացեր էին: Անոնք կը ինդային այն ապուշ երեւոյթով զոր արդէն պեսած էր տղամարգոց վրայ, հարմնիքի և խրախճանքի ատեն... Ա՛յս իսկ էր որ յուսահատեցուց զինքը. քանի որ ամէն բան այնքան նման էր իր գիտցածին, հրաշքը կարելի չէր...

Երբ կլէտփոն ներս մտաւ, մանկամարդունին մերկ էր իր խցիկին մէջ, միւսներուն պէս, կ'աղօթէր այնպէս ինչպէս սորվեցուցեր էին իրեն, բայց առանց ջերմեռանդութեան. թերեւս այս պահը չէր նմաներ իր հաւատքի առաջին օրերուն. թերեւս ինք արժանի չէր Փեսային, որ կը լքէր զինքը: Յետոյ, իր սրտին մէջ բոյն դրած էր շատ գէշ զգացում մը զոր կ'ուզէր վա՛նել, իբրեւ սատանայէն եկած, և որ կ'ըսէր իրեն. «Օ՛հ ուրեմն, ինչո՞ւ չէ...»: Եւտիքիայի գլխուն վերեւ կը գտնուէր խեցեղէն կանթեղ մը. ուրիշներ կը վառէին աւելի վարը, սրահին մէջտեղ, ձեղունէն կախուած: Միւս բոլոր կիներն ալ մերկ էին, իրեն կախուած: Միւս բոլոր կիներն ալ մերկ էին, իրեն պէս, և իրեն պէս ոտքի վրայ, իրենց խցիկներուն մէջ: Իր կուսական ամօթխածութեամբ, չէր ուզեր ինքն իր վրայ նայիլ. բայց, չկրնալով չտեսնել միւսները, ինքզինքն էր որ կը տեսնէր անոնց նայած անն...:

Կլէտփոն հանած էր վերարկուն: Իր սաղաւարտին և զրահին տակ, նոյնքան գեղեցիկ էր որքան մարտկուհի Արտեմիսը: Կնոջ ձայն մը կանչեց զինքը, հրապուրիչ խոստումներով: Իր աչքերը՝ այս պղտոր լոյսին տակ՝ Եւտիքիան կը փնտռէին առանց գտնելու. մերկ կնոջ մը վրայ, մարդ առջի բերան ուրիշ բան չի տեսներ, բայց միայն մարմինը և մերկութիւնը, և երբեք չի ձանձնար զայն: Մնաց որ, կլէտփոն միայն դէմքը կը յիշէր: Սրահին յըջանը ըրաւ. իր ճամբուն վրայ, բողբեր կ'ողեւորուէին, լկտի շարժումներով, որոնք կը տաղտկացնէին զինքը: Յօնքերը կը պուտէր. այս երեւոյթը իր խիտ փափուկ դիմագիծերուն կուտար արհամարհանք մը որ տեսակ մը վայրագութիւն կ'արտայայտէր: Վերջապէս կրցաւ ձանձնալ Եւտիքիան ճիշդ անոր համար որ միայն ըլլալով, կը ճգնէր ինքզինքը

սքողել իր խցիկին խորը : Իր սչքերը երկար կանդ առին աղջկան վրայ : Եւզեմոսի աղջիկը քար կտրեցաւ . սակայն կրակէ կարմրութիւն մը կը բարձրանար իր կուրծքէն մինչեւ ծիծերը , մինչեւ դէմքը . ամօթխածութեան յախտնական և անօգուտ փորձը կը կատարէր : Մարդը բարձրացաւ իր կողմը . Եւտիքիա , միշտ ընկրկելով , գլորեցաւ . առանց զայն տեսնելու , մինչեւ այն գոեհիկ անկողինը որ տարիներէ ի վեր այնքան խայտառակ գրկախառնումներ ընդունած էր : Եւ ահա իր վրայ հակած էր աղամարդուն դէմքը , որ յանկարծ չափազանց զուարթացած էր և կը ծիծաղէր : Այս բանը ա՛լ աւելի վախցուց զինքը :

— Չե՞ս ճանչնար զիս , — Կլէոփոն :

... Ու յիշեց այն երիտասարդը որ քիչ առաջ իջ պաշտպանութիւնն ստանձնած էր ատեանին առջեւ , այնքան եղական եղանակով մը . խայտառակ ցոփակեաց մը , Կորնթոսի ամէնէն վատահամբաւ ցոփակեացը : Անոր համբաւը մինչեւ իրեն հասած էր . և իսկապէս անոր դիմագիծերն էին :

Մարդը քաշեց խցիկին վարագոյրը : Բոլոր կլիները կը ծիծաղէին . . . Ստուերին մէջ , Եւտիքիա զանազանեց ձայնը դրահի մը որ դետին կը դուռէր , հազուստներու որ կը հանուէին ածապարանքով : Սիրտը բարախելէ դադրեցաւ : Կը յուսար մեռնիլ :

— Մանկամա՛րդ աղջիկ , ըսաւ ձայն մը որ գրեթէ աղամարդու ձայն չէր , ես չեմ տեսներ քեզ և դուն երբեք չես տեսներ զիս . թող ամօթխածութիւնդ չվիրաւորուի մերկութիւնէս : Տո՛ւր ինձի հազուստներդ : Շո՛ւա : Պէտք է այս խցիկին մէջ ձգել դանոնք : Հաղի՛ր սա զինուորական կազմածը . ես կ'օգնեմ քեզի :

Աղջիկը չէր հասկնար :

— Այո՛ , այո՛ . . . Գուն դուրս պիտի ելլես իմ տեղս : Ազուոր հարիւրապետ մը պիտի դառնաս , աւելի

ազուոր քան ես . . . Կլէոփոն ամէն մարդու չընել այս պատիւը . . . Բայց ածապարէ՛ . հոս խօսելու է կամ չենք : Փաթթուէ՛ սա վերարկուին մէջ . . . Ա՛հ , տես . . . Միայն պիտի ցնձաս տանախկնոջ . ահա ընկելքդ : Գու՛մարը սովորական է , և նոյնիսկ լեցունկեկ . աւելի բան չեն պահանջեր . կրնաս անցնիլ երթալ առանց մարդու հետ խօսելու . ամէնէն քաջ զինուորներն ալ երկչոտ են երբեմն , յե՛տոյ . . .

Վեհանձնութիւնը կը վերածնէր Եւտիքիայի սրտին մէջ , յոյսին հետ .

— Իսկ դո՞ւն , թշուա՛ն մարդ : Լաւ մտածե՛ր ես . . . Ի՞նչ պիտի գայ զլխուդ :

— Տո՛ւի՛նա — կարծեմ այսպէս կը կոչեն քու եղբայրներդ . քեզի պէս կոչսերը , ինչպէս կը կոչենք մենք վեատեան կոյսերը — Տո՛ւի՛նա , այն բանը որ քեզի համար այնքան կարեւորութիւն ունի , նոյնը չունի Կլէոփոնի համար . . . Եւ աւելի յարմար է որ ա՛լ չխորհիս այդ մասին . կը կարգադրուի . . .

..

Որովհետեւ բանտարկեալները այնքան շատ էին որ չէին սղմիր քաղաքին սովորական թիարաններուն մէջ, անոնց համար բանտի վերածուած էր հին ձեւնեմներէն մէկը, Աստղիկի մեհեանին շուրջը, Ակրօ-Կորնթոսի վրայ: Կալանաւորները այնտեղ կը վարէին թէ՛ տարօրինապէս ազատ կեանք մը, և թէ՛ միանգամայն թշուառ կեանք մը, որու մասին գաղափար կրնան կազմել անոնք միայն որ գիտեն թէ ի՞նչ է արեւելեան բանտ մը:

Իրենց ուղածին պէս կը խոնուէին բաւական ընդարձակ միջնաբերդին մէջ, գիշերը քնանալով փայտաշէն անդաստակներուն տակ, հոն տեղ մը ընարելով իրենց յարմարութեան համաձայն: Այս ձեւնեմներուն մէկ ծայրը կը գտնուէին նոյն իսկ սենեակներ, զորս կը բաժնէին ոստիկանութեան հետ: Բայց Կայսերական վարչութիւնը երբեք չէր զբաղիր իրենց անուղով: Անոնք որ արհեստ մը գիտէին, մանր առարկաներ կը չինէին, զորս իրենց բանտապահները կը ծախէին, տուրք մը գանձելով: Միւսները կը պահուէին հանրային ողորմութեամբ. Կորնթոսի մէջ տակաւին բաւական թուով ազատ քրիստոնեաներ կային, այնպէս որ անօթի չէին մնար. ուրիշներ ալ ազգականներ ունէին, որոնք հեթանոս էին, և կրնային համարձակ հոգալ իրենց պէտքերը:

Կարծեր էին թէ իրենց դատավարութիւնը պիտի շարունակուի կանոնաւորապէս: Բայց հետեւեալ օրը, ոչ ալ յաջորդ շարաթիներուն, ոչ մէկը դատարան կանչուեցաւ: Պերեկրինոս սթափած էր իր վարանումներէն: Օգոստոսիան Կալերիոսի դրկած էր ճարտար տեղեկագիր մը, ուր շեշտելով անօրինուած միջոցները, կը թուէր ձեռք բերուած ուրացումները, յետոյ գլխատումները. կը յիշէր խռովութեանց զսպումը,

նուազեցնելով անոնց կարեւորութիւնը, ապացուցանելու համար թէ կը շարունակէ ձեռքին տակ պահել քաղաքը և գաւառը, ինչ որ անձիշտ չէր. բայց նա՛ն հասկցնելու համար թէ միտքերու գրգռութիւնը կրնար վտանգաւոր դառնալ: Գալով ձերբակալուած միւս քրիստոնեաներուն, հրահանգներ կը խնդրէր: Կալերիոս ո՛ր և է հրահանգ չտուաւ: Ինք ալ իր կարգին հրահանգի կը սպասէր Դիոկղեաթիանոսէն, որ կը տատանէր ներհակ ազդեցութիւններու տակ, և որ, հետզհետէ ընկճուած հիւանդութեանէն, կ'երեւակայէր թէ իր տառապանքներուն պատճառն է քրիստոնեաներու աստուածին բարկութիւնը, կամ իր քուրմերուն կախարչութիւնը:

Ողորմութիւն բաշխելու համար եկած անձերը կ'առաջնորդուէին գիշերապահներու յատուկ ճամբայէ մը, պարիսպի մը կատարը, ուրկէ կրնային դիտել այս հարթավայրը, և կրնային բանտարկեալներուն նետել, կամ չուանով մը անոնց իջեցնել իրենց բերած նուէրները: Միւրինա այսպէս, գրեթէ ամէն օր, կ'ընդունէր Կեփիստոորի և Փիլոմորոսի այցելութիւնը. կամ այս վերջինները, երբ չէին կրնար գալ, սարուկ մը կը ղրկէին, կերակուրներով բեռնաւորուած: Անոնց միջոցաւ էր որ իմացաւ դատին անպայման յետաձգումը, որուն քրիստոնեաները չուզեցին հաւատալ, առջի բերան: Բայց իր երկու բարեկամները իրմէ պահեցին թէ ոկտենէսի մահը: Այնպէս հաւատացուցին թէ իր սիրահարը, կառավարիչին կողմէ հետապնդուած ըլլալով իր բուն արտայայտութիւններուն համար, փախած և Ասիոյ մէջ պահուած էր: Եւ խելքի մօտ երեւցաւ այս ենթադրութիւնը, որ ուրախութիւն պատճառեց իրեն: Ուրիշ շատեր կրցեր էին փախչիլ, ինչպէս Եւտիքիա, որուն թաքստոցը չէր կրցած դանել ոստիկանութիւնը, ինչ որ գոհունակութիւն կը պատճառէր Ռեստիմոսի: Եպիսկոպոսը, թէեւ երբեք չէր տեսած Միւրինան

իրենց ժողովներուն մէջ, բայց քրիստոնեայ կը կարծէր զայն, կամ գոնէ քրիստոնեայ ըլլալու վրայ: Այն իրողութիւնը թէ ուզած էր — որովհետեւ ինքն ալ զատաւորներուն չափ համոզուած էր ատոր — պետական գրաւումէ փախցնել եկեղեցիի մը գիրքերը, այս կարծիքը կը ներշնչէր իրեն: Խրախոյաներ տուած էր Միւրինայի, հրաւիրած էր հետեւիլ նորահաւատներու յատուկ արարողութիւններուն: Մանկամարդուհին տարօրինակ և սանկ զայրացկոտ նայուածք մը ուղղած էր իրեն, միայն սոսկում զգալով զինքը շրջապատող այս բոլոր մարդոց հանդէպ, որոնց մտայլ մոլեգնութիւնը, անըմբռնելի՛ իրեն համար, ահա զինքը զրկեր էին այն բոլոր երանութիւնէն զոր ձանդագած էր այս աշխարհին մէջ:

* * *

Երբեմն կալանաւորներ դուրս կը հանէին, գրեթէ միշտ հասարակ ժողովուրդէն ընտրելով, Ասիոյ հանքերը զրկելու համար: Երբեմն ալ նորեր կուգային: Առաջիններէն մէկն եղաւ Ռետիկոս: Յանկարծ, ինքն իրեն, ինքզինքը մատնած էր իբրեւ քրիստոնեայ: Այս հալածիչին դարձը եղական շնորհի մը նշանը համարելով, Կորնթոսէն հարուստ մարդիկ, որոնք համակիր էին նոր հաւատքին, կը հետաքրքրուէին իրմով: Շուտով իրեն հետեւեցան Կլէոփոն և հրեայ Արիստոդէմ, որուն մեղսակցութիւնը՝ գինեպան Ագարիոսի հետ, սրբագործութենէ փախցուած գինիի և ցորենի ամբարման գործին մէջ, երեւան հանուած էր արդէն:

Գալով Կլէոփոնի, թոյլ տուած էր որ զինքը ձերբակալեն առանց զիմադրութեան, նոյն իսկ խնդալով, զիչեր մը բողանոցը անցընելէ յետոյ: Հեգնական լռութիւն մը կը պահէր այդ գիշերուան մանրամասնութիւններուն վրայ: Իր միակ ցաւը այն եղած էր որ նորէն չեղաւ Պերեկրինոսի առջեւ, որուն ըսելիքներ ունէր տակաւին: Ոնեսիմոսէն տեղեկութիւններ առաւ Եւտիքիայի մասին, և շատ ուրախացաւ որ յաջողեր է փախչիլ: Իրեն այնպէս կուգար թէ այսպէսով իր կեանքին մէջ կատարած էր միակ գործը որուն համար կ'արժէր որ մարդիկ անհանգիստ ըլլային. կը սքանչանար եղածին համար, արտասովոր, նորանշան հաճոյք մը կը զգար, զոր հեշտանքով կը վայելէր: Մնաց որ, Միւրինայի հակառակն ըլլալով, կը սիրէր խառնուել քրիստոնեաներուն, հետաքրքրութեամբ կ'ունկնդրէր Ոնեսիմոսի. և չէր զարմանար որ այս վերջինը, գիտնալով թէ ինքը՝ Եւտիքիայի հանդէպ՝ եղած էր ակնկալուած հրաշքին գործիքը, յարգանք կը տածէր իր մասին, զինքը կը նկատէր ապագայ հետեւորդ մը որուն վրայ վերէն լոյս մը իջած էր արդէն: Ամէն ինչ բերկրապիթ և պարզ կը թուէր իրեն: Երբեք ինքզինքը այսօրան երջանիկ զգացած չէր:

Առ այժմ, քրիստոնեաները կը զուարճացնէին զինքը: Քանի կ'անցնէին շարքիները, իրենց մէջ կ'արմատանար այն համոզումը թէ ա'լ չեն համարձակիր դատել զիրենք, թէ մօտ է յաղթանակի օրը. այնքան զօրաւոր էր այս համոզումը, որ արդէն կը վիճէին այդ յաղթանակի օգտագործման մասին: Հպարտ որ կրցեր էին դէմ դնել հալածանքին, անոնք կ'արհամարհէին ուրացողները:

— Մենք յաւիտենապէս պիտի վտարենք զանոնք եկեղեցիէն, կ'ըսէին: Անոնց առջեւ պիտի փակենք երկնքի դուռները:

Իսկ ուրիշներ կը պատասխանէին.

— Ո՛չ միայն անոնց առջեւ, այլ և բոլոր ցոփակեացներուն, բոլոր բողբոջներուն և բողբոջներուն առջեւ, վերջապէս անոնց առջեւ որ երկրորդ անգամ ամուսնացած են:

Օրին մէկը, երիտասարդ մը, բոլորովին գունաթափ, մօտեցաւ կլէտփոնի որ կը ժպտէր.

— Ես կը ճանչնամ քեզ, ըսաւ. զիտեմ քու վարք ու բարքդ: Դուն անարժան չես յաւիտենական երանութեան: Չարիքը հաճոյքին մէջ չէ, այլ սերնդագործութեան մէջ: Անէ՛ծք ամուսնութեան, որ ապաւէնն է տկարներուն և վատերուն: Անէ՛ծք նաեւ անոնց որ, տուփանքին անձնատուր կ'ըլլան ամուսնութենէն դուրս, բնական ճամբով, ինչպէս կ'ընեն անասունները, քանի որ կրնան զաւակ արտադրել այդպէս ալ: Քանի որ աշխարհը պիտի վերջանայ, քանի որ Տէրը պիտի վերադառնայ «ընդ փառօք» դատելու համար ողջերը, թող կանգուն գտնէ միայն այրեր և կիներ, ոչ թէ թշուառ մանուկներ որոնք տակաւին չեն ըմբռներ իր յաւիտենական բնութիւնը: Իր աչքին աւելի արժէք ունին Սողոմի և Գոմորի սովորութիւնները, Օնանու վարժութիւնը: Ես չեմ մեղադրեր զանոնք, կամ պակաս կը մեղադրեմ. Օրիգինէս իրաւունք

ունէր: Սակայն, այդ բոլորը տակաւին կապուած են երկրային հեշտանքներուն. անոնք ընտրեալներու վերջին շարքին վրայ պիտի գտնուին: Ես Օրիգինէսի պէս ըրի. տե՛ս:

Եւ կը ցուցնէր սպին այն քստմնելի վէրքին զոր բացած էր ինքն իր ձեռքով, իր առնականութիւնը փրցնելու համար: Այս վայրագ վարդապետութիւնը պարզապէս ծիծաղելի կը թուէր կլէտփոնի: Ուրիշներու համար, գարշելի էր:

Կային նաեւ Հացապաշտներ, որոնք, իբրև զոհաբերութիւն, Փրկիչին կը մատուցանէին հաց և պանիր, քանի որ գրուած է Աստուածաշունչին մէջ, թէ պէտք է Տիրոջը մեծարանք ընծայել երկրի բերքերէն, բոլոր այն բաներէն որ ոչխարէն կը ծնին: Յետոյ նաեւ Հաղարամեանները, որոնք այդ չըջանիլն բազմաթիւ էին Կորնթոսի մէջ: Վկայութեան կոչելով Եսայիի և Եզեկիէլի մարգարէութիւնները, որոնք հաստատուած են Յովհաննու Յայտնութեամբ և մարտիրոսներու գրուածքներով, անոնք կը դաւանէին թէ Քրիստոս չուտով նորէն երկիր պիտի իջնէ, հազար տարի թագաւորելու համար Արդարներուն հետ, որոնք այլեւս չպիտի մեռնէին այդ ժամանակամիջոցի ընթացքին: Անոնք կը հաւատային թէ օտար ազգերը, իրենց թագաւորներուն առաջնորդութեամբ, պիտի գան վերաշինել Երուսաղէմը: Առաջուց կը նշանակէին քաղաքին սահմաններն ու տարածութիւնները, զիտէին անոր շէնքերուն տեղն ու շքեղութիւնը, և թէ բոլոր մարդիկ հոն պիտի երթան կարգով, մեծարելու համար յաւէտ կենդանի Սուրբերը— ոմանք ամէն շարաթ օր, ուրիշներ ամէն ամիս, աւելի հեռաւորները՝ տարին մէկ անգամ: Այդ սուրբերը պիտի մեռցնեն քրիստոնեաներուն թշնամիները: Միաժամանակ պիտի հոսին արեան գետակներ, զինիի, իւղի և մեղրի վտակներ: Մարդիկ պիտի կրնան ուտել և խմել արտասովոր եղանակով մը, առանց ան-

պատահութեան, և Արդարները պիտի վայելեն անշիջանելի ասնականութիւն մը: Այդ հազար տարուան շրջանէն յետոյ, սատանան պիտի հաւաքէ Սկիւթիոյ ժողովուրդները, որոնք Ս. Գրքի Գողգերն ու Մագոգներն են, և զորս այսօր Ռուսեր կը կոչենք: Ասոնք դէպի Երուսաղէմ պիտի բարձրանան զայն կործանելու համար, բայց պիտի ոչնչանան հրեզէն անձրեւով մը որ մահացու կազեր պիտի արձակէ. յետոյ շարերը յարութիւն պիտի առնեն, որպէսզի կարելի ըլլայ զանոնք շարչարել յաւիտենապէս, և այս պիտի ըլլայ Վերջին Գատաստանը, որմէ յետոյ Արդարները, հրեշտակներունման դառնալով, պիտի ապրին հեշտանքի մէջ, առանց սերունդ արտադրելու:

Կային տակաւին ուրիշ հերետիկոսներ, լեռնական ձգնաւորներէն մինչեւ Կարսոկրատի սա այլանդակ աշակերտները, որոնք կը խորհէին թէ դերագոյն Ոգիները կ'առաջնորդեն մարդկութեան բոլոր արարքները, նոյն իսկ ամէնէն խայտառակները, և թէ մարդ մեծարած կ'ըլլայ անոնցմէ մէկը — որ ամենազօր պաշապան մը կը դառնայ — անձնատուր ըլլալով ամէնէն ազատս լիւր մներուն, այրէ այր, կիսէ կին ամուր մերձաւորութիւններուն: Որովհետեւ Պերեկրիսոս, նախապէս ուղեւորվ այս հերձուածները գործածել քրիստոնեաներուն դէմ, վերջը-վերջը որոշած էր բոլորը իրար խառնել, որպէսզի փորձանքի մէջ ձգէ քրիստոնեաները, և կռիւներ յարուցանէ:

Բայց Ոնեսիմոս, մեծ չափաւորութեամբ և հզօր տրամաբանութեամբ, հողիներու վրայ ունեցած ազդեցութեամբ, ինչպէս և շնորհիւ ուղղափառներու օրինակին և կարգապահութեան, աստիճանաբար կը համոզէր զանոնք եթէ ոչ վերջնապէս հրաժարիլ իրենց հերետիկոսութիւններէն, զոնէ թօթափել անոնցմէ բխած ունակութիւնները, համաձայնիլ ուղղափառներուն հետ ընդունուած կէտերուն վրայ, լուեցնելով վէճերը:

Չանոնք միահամուռ կը ցցէր Ողիմպական աստուածներու աղանդաւորներուն դէմ, հին քրիստոնեայութեան մը պատճառաւ անհաշտ գիրք բռնելով միայն Դոնական հերձուածին հետեւորդներուն հանդէպ. և մերժեց հաղորդութիւն տալ Լուչիլիայի, գեղանի և ջերմնոտնոյ այրի մը, որովհետեւ, խորհուրդին մասնակցելէ առաջ, համբուրած էր իր սիրած մէկ դոնական մարտիրոսին ոսկերտին: Կինը, յուսահատութենէն անձնասպան եղաւ, ինքզինքը վար նետելով Տեմենոսի շէնքին կատարէն:

Վերջնական յաղթանակի մօտաւորութեան յայտն էր որ միաբան մնալու կամք կը ներշնչէր այս բոլոր ժողովոյ: Ամէնքն ալ համոզուած էին ստոր: Այս հաւածանքը հեթանոսներուն վերջին ճիգն էր, անոնց դերագոյն պոթելու մը. և եթէ ազարդին մնար այդ ճիգը, յաղթութիւնը պիտի պատկանէր քրիստոնեաներուն: Ոնեսիմոս այն ատեն ճարտարօրէն վիճաբանութիւնները կը դարձնէր այն բոլոր քայլերուն վրայ զորս պիտի առնէին իրենք, յաղթանակէն յետոյ, պարտեալներուն դէմ: «Պիտի կործանենք մեհեանները, բոլոր մեհեանները», կ'ըսէին շատեր: «Պէտք պիտի ըլլայ քիչ մը խոհեմութեամբ շարժիլ», կը պատասխանէին ուրիշներ, աւելի քաղաքագէտ ըլլալով: Լաւ կ'ըլլայ որ սկիզբը յարձակինք միայն քանի մը մեհեաններու վրայ, բարոյականի պատճառներով. օրինակ, անոնց վրայ ուր սրբազան պոռնկութիւններ կը կատարուին, — Լիբանանի Ափակա մեհեանին, Կիլիկիոյ, Հելլոպոլիսի (Սուրիա) պիղծ սրբավայրերուն, իսկ հոս՝ Կորնթոսի մէջ, Ափրոդիտէի մեհեանին վրայ:»

— Բայց պէտք է կործանել նաեւ Դելֆեան մեհեանը: Տակաւին շատեր կ'երթան խորհուրդ հարցնել դելֆեան պատգամին: Վտանգաւոր է այս: Յետոյ բոլոր սա յիշատակարանները հելլենական կրօնին, սամարմարէ և փղոսկրէ արձանները, չափէն աւելի գեղե-

ցիկ են անոնք: Որքան ատեն որ կան անոնք, մարդիկ շատ պիտի կապուլին, չպիտի կրնան մոռնալ: Պէտք չէ թողուլ որ բնծաներ տանին անոնց և զոհարերութիւններ կատարեն. միակ միջոցն է խորտակել զանոնք:

Ասիկա ոճիրի հաւասար էր Կլէոփոնի համար: Եթէ չէր հաւատար աստուածներուն, կը սիրէր այն պատկերը որ անոնց մասին յորինած էր Հելլէններուն հանձարը: Ու բողոքեց, թէեւ բարեկիրթ մարդու մը չափաւորութեամբ:

— Շատեր կան ինծի պէս, դիտել տուաւ: Անոնք այդ կենդանագիրներուն կապուած են ոչ թէ անոնց կրօնական նշանակութեան, այլ գեղեցկութեան համար: Պիտի զայրացնէք այդ մարդիկը, և բարբարոսներու տեղ պիտի դնեն ձեզ: Չեր դատը ոչինչ պիտի շահի ատկէ:

— Այն ատեն, կը յայտարարէին խոհեմները, զանոնք կը փոխադրենք Հոռոմ, Նիկոմիդիա, դէպի սա Բիւզանդիոնը զոր Սելեւրիանոս սկսեր է շինել Հելլեսպոնտոսի ափերէն մէկուն վրայ: Անոնցմով կը զարդարենք հրապարակները և ձիարձակարանները. կ'աշխարհակամայնենք:

— Համաձայն եմ այդ ձեւին, պատասխանեց երիտասարդը:

Բայց ուրիշ մտահոգութիւն մըն ալ ունէր:

— Կը յաւակնիք տէր դառնալ Կայսրութեան, և կը մերժէք զինուորութիւնը: Եթէ Կեսարի բոլոր հպատակները քրիստոնեայ են և կը մերժեն դէնք արտել, այլևս Կայսրութիւն չի մնար: Կը փլի: Չի կրնար դիմադրել հիւսիսի բարբարոսներու և Պարթեւներու ձեռնարկներուն:

Բայց քրիստոնեաները կը պատասխանէին ծիծաղելով.

— Մենք կը մերժենք զինուորութիւն ընել Կայսրութեան, որովհետեւ Կայսրութիւնը մեր թշնամին է:

Բայց երբ մեր ձեռքն իյնայ, խնդիրը կը փոխուի: Մենք յօժարակամ կը զինուորագրուինք անոր՝ մեր թշնամիներուն դէմ, որոնք պիտի ըլլան Կայսրութեան թշնամիները: Մենք չպիտի վարանինք թուրը գործածել կուսպաշտներուն դէմ և մեր կրօնը հաստատել անոնց մէջ, ընդարձակելով Կայսրութեան սահմանները: Պէտք է մեռնիլ գիտնալ, յաղթանակը տանելու համար: Պէտք է մեռնիլ գիտնալ, զայն օգտագործելու համար. շատ լաւ գիտնեք այդ:

— Հասկցայ, կ'ըսէր Կլէոփոն:

Այս մասին բաւական խելացի և համակրելի կը գտնէր քրիստոնեաները:

Կը զարմանար որ միջնորդ Արիստոգէմ այնքան հոգ չընէր: Այս վերջինը, առանց մանուածապատ ձեւերու, բացատրեց պատճառը. «Ես իբրեւ քրիստոնեայ չէր որ ձերբակալուեցայ: Ամէն մարդ գիտէ որ ես Հրեայ եմ. իսկ Հրեաները Կայսրութեան բարեկամներն են: Ես ամբաստանուած եմ միայն գործողութեամբ մը զոր ապօրէն հոչակած է հրովարտակը: Եւ որովհետեւ ես հարուստ եմ, կ'ուզին շատ սուղի նստեցնել իմ ազատութիւնս: Բայց հոգս չէ: Ան որ կ'ուզէ շահիլ, պէտք է գիտնայ նաեւ համակրպիլ կորուստի: Ես այստեղէն պիտի ելլեմ զինը վճարելու պայմանաւ, ե'րբ որ ուզեմ, ձիւղ սա թշուառական Ռեաիկոսին պէս:

— Ռեաիկոս...»

— Ան ինքզինքը քրիստոնեայ հոչակելով, թոյլ տուաւ որ բանտարկեն, միմիայն փորը կշտացնելու, հարուստ քրիստոնեաներու նուէրներէն օգտուելու համար: Պիտի ուրանայ իր դարձը, վստահ եղէք, երբ ուզածը ստանայ: Այդքանը հասկնալու չափ խելք ունիմ: Ան գիտէր որ եթէ ծածկէ, չպիտի կլլեմ:

Մնաց որ, Հրեան չէր ծածկեր իր թերահաւատութիւնը՝ քրիստոնեաներու ակնկալութեանց մասին:

— Եթէ յաղթանակը շահին, օգուտ չպիտի ունենայ իրենց համար, որովհետեւ յիմար են: Անոնք կը յաւակնին բովանդակ աշխարհը իրենց ծէսերուն, իրենց մոգութիւններուն, իրենց կրօնքին դարձնել: Կը կարծէ՞ք որ տարբեր ծնունդով մարդիկ կարենան միեւնոյն գաղափարը ունենալ իրերու մասին: Մենք Հրեաներս մեկուսի պիտի մնանք, և միաբան: Ոչ մէկը պիտի մտնէ մեր մէջ. մենք միակ ընտրեալները պիտի ըլլանք, մենք պիտի ձուլենք ժողովուրդի և կրօնքի գաղափարը: Եւ այսպէս պիտի մնանք միակ անարատ և զօրաւոր ցեղը. այն ատեն հարկ պիտի ըլլայ որ մենք տիրապետենք միւս բոլորին վրայ: Բայց տակաւին շատ հեռու է այդ օրը. մենք չենք տեսեր զայն: Ինծի պէս մարդ մը պէտք է զբաղի միայն ա՛յն բանով որ ճակատագիրը կը պարգեւէ իրեն, իր կեանքի ընթացքին, և պէտք է ջանայ որ այդ ճակատագիրը հաճելի ըլլայ:

Յետոյ հրաւիրեց Կլէոփոնը որ միասին մօտենան Միւրինայի, որուն կերպարանքը կախարդիչ և վիշաբ միխթարելի կը գտնէր. իր փորձառութիւնը կ'ըսէր թէ մանկամարդուհին նախ աւելի դիւրութեամբ պիտի ընդունի երկու այրերու մեծարանքը, քան միայն մէկունը: Միւրինա դանտնք ընդունեց հաւասար անտարբերութեամբ, խորհելով միայն Թէոկտենէսի վրայ, որուն մահը չէր զիտեր տակաւին: Արիստոզէմ քաջութիւնը չէր ունեցած անոր պատրանքը փարատելու, և յետոյ, ինքնիրեն կը հարցնէր թէ ըսելուն մէջ օգուտ մը կ'ա՞յ: Երկու մարդիկը յաճախ աղջկան քով կը տեսնէին Ռնեսիմոս եպիսկոպոսը, որ չէր հասկնար թէ Միւրինա ինչո՞ւ կը յամառի ինքզինքը քրիստոնէայ չհամարել:

— Ամէն պարագայի մէջ, կ'ըսէր անոր, քու գլխուդ եկած փորձանքը անշուշտ երկնային օրհնութիւն մըն է: Բացայայտ է որ Տէրը առաջադրութիւններ ունի քու մասիդ: Դուն արդէն քրիստոնէայ և տա-

սապանքով, պէտք է ըլլաս նաեւ կամքով: Այն երանութիւնները որ ճանչցեր ես, պիղծ են և անցաւոր. իսկ անոնք որ կրնաս ստանալ, յաւիտենական են և անբաղդատելի:

Տեսնելով որ Կլէոփոն հետաքրքիր է պատճառաբանութիւններու և փիլիսոփայութեան, կը ծանրանար Փրկչին առաքելութեան ապացոյցներուն վրայ: Միւրինայի համար, կը յիշեցնէր սա խոստումները գերագոյն երջանկութեան մը որուն քով բոլոր երկրային վայելքները ուրիշ բան չեն եթէ ոչ կաթիլ մը ջուր՝ ծարաւահիւժ մարդու մը համար: Աղջիկը տեսակ մը սննամբերութեամբ մտիկ կ'ընէր, կամ կարծես բան չէր հասկնար անոր խօսքերէն, բայց եթէ այն կէտը որ կրնար յիշեցնել սա անցեալը, — այնքան խորհելի՞ Ռնեսիմոսի հաւատքին համար:

— Թէոկտենէս միշտ այնտեղ չէր, կը մըմնջէր: Հիմակ ալ հոն չէ. ահա եղածը. և միշտ ներկայ է ինծի համար... Երբեմն, մութը կոխած ատեն, տակաւին ինք չեկած, կ'երթայի իրեն սպասել, նստելով այն բարձունքին վրայ որ կ'իշխէ Կորնթոսի ծոցին: Աչքերով կը փնտռէի այն նաւերը որոնք նաւահանգիստ կը մտնեն, կամ անկէ դուրս կ'ելլեն, որովհետեւ չէի կրնար ծով մը դիտել առանց նաւու. իր երեւոյթը դատարկ է, անգութ, կարծես սովալլուկ. վախ կը պատճառէ ինծի: Բայց գրեթէ միշտ նաւ կը գտնուէր. գոնէ ձկնորսի նաւակներ կային: Իրենց կարմիր առագաստներով, թափանցիկ ջուրին և պայծառ երկնքին միջեւ, կարծես կախուած էին անոնք. պիտի ըսէիր թէ անոնք հոն էին, մինչ ևս, Անոր համար, քիչ մը սնդոյր կը քսէի այտերուս, և գոհար մը կը դնէի մազերուս մէջ, երբ Ան գալու ըլլար: Երբեմն, ծոցը համակ կապոյտ էր, յորդ, վառ կապոյտով մը, և կայծերու կը շողային արիքներուն վրայ: Երբեմն ալ նուազուն լազուարթ, առանց սարսուռի, առանց շողի,

կարծես ձանձրացած, արհամարհոտ... Ու միաքզ կ'իյնար կին մը, շատ սիրուած կին մը, որ շատ տարփանք է ունեցեր, շատ մեծարանք է վայելեր, և ա՛լ յափրացած է ամէն բանէ, նոյն իսկ իր գեղեցկութենէն։ Այն ատեն կը խորհէի. «Ես երբե՛ք այդ կինը չպիտի ըլլամ։ Երբեք չպիտի յափրանամ որ կը սիրէ զիս, ոչ ալ պիտի ձանձրանամ գեղեցկութենէս։ Եկա՛ւ ան, սիրեցի զայն, և յանկարծական մտածում մը, և ծովուն կապոյտը, և երկինքը՝ ալիքներուն վրայ, և ծովալուռին բոյրը՝ հովէն արծարծուն, — այս տիեզերքին մէջ բոլորը ինծի կը յիշեցնեն և կ'աւետեն ինչ որ պիտի զգայի ճիշդ հիմա, այն աստուածային վայրկեաններուն մէջ ուր պիտի տիրանար ինծի։

«Ան պիտի գա՛յ։ Պիտի գա՛յ նորէն։ Ուրիշ կերպ անկարելի է։ Թո՛ղ ինծի գայ այս գիշեր, մարմինը մարմինիս։ Եւ դուն ալ իջիր անոր հետ, ո՛վ Յանկութիւն, կեանքի կարմրավա՛ռ գինի, հոսէ՛ կրակներու մէջէն։ Բռնէ՛ զիս, գլորէ՛ զիս, նետէ՛ զիս տիրոջս. թող ես ուրիշ բան չըլլամ բայց միայն ինքը, միայն ինքը, փո՛ւլ եկած իր թեւերուն մէջ։»

Սակայն և այնպէս կը յարգէր տղամարդը, ինչ որ ալ ըլլար։ Իր ամբողջ կեանքին մէջ մնած էր անոր ձայնին և կամքին հպատակելով։ Ոնեսիմոս առանց անհամբերութեան թոյլ կուտար որ աղաղակէ և լայ։ Յետոյ կը պատասխանէր միշտ միօրինակ քաղցրութեամբ, իսկ, անմիջապէս որ ականջ դնելու կ'ըլլար, կը լսուէր ոգեւորութեամբ, հետզհետէ ուժգնութեամբ։ Այն ատեն կ'ըսէր.

— Մինչև և այս ժամս դուն մոլորեցար քու մասիդ։ Նոյն իսկ քու յուսահատութիւնդ այդ կ'ապացուցանէ։ Իսկ դուն կոչուած ես ուրիշ ստրկութեան մը, ծառայութիւնը աստուածային սիրոյ մը որ երբեք չպիտի անցնի։ Քու բոլոր գիտցածդ ոչինչ է։ Ծիշ ինչպէս որ մարդու մը շուքը պատին վրայ ուրիշ բան չէ, եթէ ոչ իր րական մարմինն անկայուն և տձեւ

պատկերը, այնպէս ալ զգայարանքներուն ուրախութիւնները ուրիշ բան չեն, եթէ ոչ անմահ հոգիին յափշտակութեանց խաբուսիկ, տկարացած ցուքերը։ Զա՛նք թափէ ըմբռնելու թէ ի՛նչ պիտի ըլլայ քեզի համար յաւիտենական Աստուծ մը սէրը, Աստուած մը որ ամբողջ գեղեցկութիւն է, համակ զօրութիւն, որ բովանդակ աշխարհը իր ափին մէջ կը բռնէ այնպէս ինչպէս քու յիշած բարեկամդ պիտի կրնար խիճ մը բռնել, և թող այդ Աստուածը բարեհաճի իջնել քու մէջ, իր ներկայութեամբը լեցնելու համար քեզ։

Միւրիւնս թօթուեց գլուխը.

— Ի՛նչ մեծ բան է այդ։ Դուն կը հաւատաս հոգիներու անմահութեան։ Կը հաւատաս նաեւ որ հոգիները կրնան դարձեալ մարմին դառնալ։ Կարդ մը մարդիկ այդպէս ըսած են ինծի. և երբեմն ինքզինքս կը համոզեմ այդ մասին։ Այն ատեն կը մտածեմ թէ՛ շատ, շատ առաջ, կին մը սիրած է մարդ մը, ինչպէս ես կը սիրեմ ա՛յն միւսը։ Թերեւս բող մըն էր այդ կինը, ինչպէս եղած եմ ես։ Թերեւս, ընդհակառակն, մէկը անոնցմէ զորս դուք առաքինի կը կոչէք, որովհետեւ՝ չմտորեր են այն պատրանքներէն որոնք իրբեւ իրականութիւն քչել կ'ուզես ինծի։ Եւ կինը ուզեր է ինքզինքը նուիրել այդ մարդուն, բայց քաջութիւն չէ ունեցեր. և թոյլ տուեր է որ խաբեն զինքը, ինչպէս դուն կ'ուզես խաբել զի՛նչ, և հիմա իր հոգին կը տօչորի այդ անյազուբդ սիրոյ բոլոր կսկիծով, բոլոր խղճահարութիւններով, բոլոր անօթութեամբ և ծարաւով. ուզեր է ինձմով գոհացնել այդ սէրը։ Եւ ես կը սիրէի, ինքզինքս կը տրամադրէի իրեն և ինծի համար։ Ես կը սիրեմ բոլոր այն կիներուն համար որոնք կը վախճան սիրելի։

— Սաղայելական երեւակայութիւններ են ատոնք, պատասխանեց Ոնեսիմոս։

— Ո՞ր կողմը կը գտնուի ստութեան ոսղայէլը, քո՞ւ

թէ իմ մէջ: Կարելի է այս մասին վիճիլ հազարաւոր տարիներով, ինչպէս բոլոր երազներու մասին: Բայց մարդոց կեանքը երազ չէ: Ան միայն մէկ օրէնք ունի, որուն հպատակիլ հաճոյք է. կեանքը ստեղծուած է ապրելու համար: Մարդը կ'ապրի, կը սիրէ, ոստեր կ'արձակէ որոնք կը մշտնջենաւորեն կեանքը. և իսկապէս այն ատեն չի մեռնիր: Ահա թէ ի՛նչ է եղեր միշտ իմ մտածումս: Դուն ինձի կը խօսիս այն անսահման հեշտանքի մասին զոր կը ներշնչէ աստուածային վայելք մը: Իսկ ես միայն մէկ բանի համար կը ցաււիմ, բացի բացակայութենէն այն մարդուն որուն աղախինն եմ, — ինձի չէ ձգած ներկայութիւն մը որ խրտի մէջս, և վերակենդանացնէ մեզ երկուքս: Իմ ցեղիս կիները ա՛յս բանին մէջ գտած են միշտ երջանկութիւնն ու ճշմարտութիւնը: Այդպէս էր Հելլեններուն պարզ և օտոյդ հաւատքը, և ես գիտեմ թէ ինչ որ կ'ըսես ինձի, սխալ է, քանի որ այդպէս չէ:

Ասոր վրայ, Ոնեսիմոս ձգեց զինքը: Կը հանդուրժէր, երբ միայն խենդ կ'երևար. դարձի բերելէ յուսահատեցաւ, երբ տեսաւ թէ այսքան վճռական է իր իղձերը սահմանափակելու այն միակ անմահութեան զոր կրնան վայելել անասունները, իրենց սերունդներու անխիճան շղթայով, և զոր մարդիկը, հոգի ունենալով, կրնան և պարտին արհամարհել:

Երբ Ոնեսիմոս հեռացաւ, Արիստոզէմ խօսքի բռնուեցաւ Միւրինայի հետ, ուրիշ դիտումներով: Վարպետօրէն կը գովէր զինքը որ կեանքը կը սիրէ, և չուզեր անոր ապահով հաճոյքները գոհել անստոյգ խոստումներու: Կ'օգնէր ըմբոշանելու անոր յիշատակը, որ այնքան թանկագին մնացած էր իրեն համար: Յետոյ, ճարտար նենգամտութեամբ մը, կը փոփոքար թէ թէնկտենէս միակը չէր որ այդ հաճոյքները ճանչցուցած էր իրեն, — յուսալով այսպէս հասկցնել թէ ան իսկ չէր կրնար վերջինն ըլլալ: Մտնկամարդուհին պատասխանեց սրտաբաց.

— ձիշդ է: Շատ մը մարդիկ վայելած են իմ մարմինս մանկութենէս ի վեր. ըսեմ աւելին. ես այնքան պզտիկ էի երբ իմ կուսութիւնս մատաղ եղաւ Դիյուհիին, որ մոռցեր եմ: Այդ բոլոր մարդերէն, անոնք որ եկեր անցեր են, իմ միտքս ալ բան չէ մնացած: Կարծես երբեք գոյութիւն ունեցած չեն անոնք: Միւսները... Այո՛, մէկ, կամ երկու հոգի կային: Ատոնք, սկսելով այն օրէն, ուր հանդիպեցայ թէնկտենէսի, երբեմն, եթէ յանկարծ յիշէի անոնց գէմքը և մարմինը — անոնց մարմինը — կ'ուզէի սպաննել զանոնք: Եւ յետոյ, ուրիշ անգամներ, երբ միտքս կ'իյնար ժամ մը ուր երջանիկ եղած էի իրենց հետ, ինձի այնպէս կուգար թէ այդ անոնց հետ չէր, այլ Անո՛ր հետ, և թէ իրենք անոր նախակերպարանն են...

«Նոյն իսկ տարօրինակ բան մը պիտի խոստովանիմ քեզի: Այդ մարդերէն մէկը զոր սիրել կը կարծէի, ինձի հակացուց թէ բաւական վարժ չեմ տախանքի մէջ, թէ ինք ուրիշներ ճանչցած է, աւելի տարեց, աւելի վարպետ: Ի՛նչ արհամարհանքով մտիկ կ'ընէի այդ մարդուն, որ երբեք չէր գիտեր գնահատել իմ երիտասարդութեանս պարզելը: Բայց հիմա, երբ կը խորհիմ Միւսին վրայ, Միակին վրայ, և միտքս կ'իյնայ այս մեղադրանքը, անձկութիւն մը կը պատէ սիրտս. «Եթէ՞ իրաւ է: Եթէ՞» կրնամ աւելի մեծ հաճոյք պատճառել իրեն»: Այն ատեն ինքզինքս կ'արհամարհեմ: Որովհետեւ, կը մտածեմ միայն Անոր վրայ, ոչ թէ իմ: Եթէ կրցիր եմ մէկ վայրկեան երջանկութիւն պարգեւել անոր, գո՛հ եմ: Պիտի ըսես թէ երեւակայութիւնս բորբոքեր է, թէ ես ուրիշ բան չեմ եթէ ոչ Մեհեանին մէկ պզտիկ բողբ, անարժան՝ Անոր, ոչինչէն ալ պակաս՝ Անոր համար, և թէ զիս պիտի լքէր քանի մը օրէն: Ի՛նչ փոյթ... Եթէ փութորկալի օր մը, Կեսար, մեծ Կեսարը, Կայսրութեան տէրը, ապաւէն փնտռէր իմ պզտիկ տանս մէջ, պիտի գանգատէի՞ թէ անձրեւն

էր որ հոն կեցուց զինքը, ոչ թէ իմ արժանիքս: Պիտի նախանձէի՞ իր պալատէն, կամ պիտի կարծէի թէ իր ամբողջ կեանքը պիտի անցընէ իմ սենեակիս տասը քառակուսի ոտքին մէջ: Ո՛չ. միայն շատ պիտի հպարտանայի, ճ՛հ, շատ հպարտ պիտի ըլլայի որ սենեակս պատրաստ էր զինքը ընդունելու համար մէկ վայրկեան. պիտի գիտնայի թէ յաւիտենութենէն սենեակս շինուած էր այդ մէկ վայրկեանին համար.

«Այսպէ՛ս և թէոկտենէսի համար»

★
★

Ահա այսպէս մտիկ կ'ընէր Արիստողէմի խօսքերը. առանց հասկնալու անոնց նպատակը: Հրեան իրեն համար կը մնար միակ մարդը, որուն կրնար խօսիլ աշխարհի մէջ զինքը հետաքրքրող միակ բանին վրայ:

— Ուրեմն, գիշերները միշտակը կը պառկիս, հարցուց յանկարծ, որ մը, համբերութիւնը հատած:

— Անցեալ իրիկուն, ըսաւ միամտօրէն, կին մը եկաւ սողոսկեցաւ կողքիս, երբ կը փոռէի կամարին տակ: Բայց աս այն չէր ինչ որ դուն պիտի կարծէիր, կամ կը կարծէի ես: Կինը ըսաւ. «Ողիմպոսի հաւատացեալները կը կարծեն թէ մենք էջ կը պաշտենք: Մարդիկը անասուն են. ի՞նչպէս կարելի է էջ մը պաշտել: Ի՞նչ տրամաբանութիւն... Բայց օրինաւոր և օգտակար է Մեղուն պաշտել: Ինծի պէս ըրէ. Մեղո՛ւն պաշտէ, ահաւասիկ սա պզտիկ ոսկի Մեղուն. միշտ վրաս կը պահեմ. Մեղուն որ կը ծննդարեւէ առանց արգասաւորուելու, կոյս և մայր է, ինչպէս մայրը Քրիստոսի, նախատիպար Քրիստոսի մօրը: Ոտքի ելիր և միասին պիտի աղօթենք...» Տարօրինակ մարդիկ են: Եւ տակաւին հոս կան կիներ որոնք իրենք զիրենք եպիսկոպոս և երիցունի կը համարեն, ձեռնադրուած յաջորդներուն կողմէ մեծ սուրբի մը զոր կը կոչեն Մոնտանոս: Կ'ըսեն թէ անոնք են որ պէտք է վարեն Եկեղեցին և կատարեն անոր խորհուրդները, քանի որ անոնք միայն կրնան բուն զգացումներ ներշնչել մարդոց, հետեւապէս և փրկարար ազդեցութիւն մը գործել անոնց վրայ... Զիս եպիսկոպոս կը գտնե՛ս...

Միայն այլանդակութիւնները կրնային պահ մը փարատել իր վիշտը: Բանի մը վայրկեան անոնցմով կը զուարճանար տղու մը պէս, յետոյ կ'իջնար յարածուն անձկութեան մը մէջ: Իրեն չարագուշակ կը թուէր որ թէոկտենէս չէր կրցած լուր մը զրկել իր պահուած տեղէն: Այդ լուրը կը պահանջէր Փիլոմորոսէն և Կեփիսոտորէն, ամէն անգամ որ կուգային զինքը տեսնել, և անոնց լուրթիւնը, անոնց ակներեւ տազնապը ահ ու դողի կը մատնէին զինքը:

Օր մը, պահակները իրենց առջև քշեցին, Տեմե-
նոսի մէջ, գիսախուրե կին մը որ վայրագ և դրեթէ
լիբը նայուածքնիր կ'ուղղէր ամէն կողմ: Օրտուլան էր
որ, նաւահանգստին վրայ, նախաախնքներով տապալելէ
յետոյ Պոսիդոն-Եւրիմեդոնի մէկ արձանը, ինքզինքը
քրիստոնեայ հռչակած էր: Միւրինան փնտռելով, ծուն-
կերուն փաթթուեցաւ:

— Ռեաիկոսի համար եկար:

Միւրինայի համար շատ բնական կը թուէր որ Օր-
տուլա ուղէր ամէն գնով միանալ իր սիրած մարդուն,
ըլլար իսկ անկար և քստմնելի մուրացիկ մը:

— Ռեաիկոս. ի՞նչ օգուտ ունի ինձի այդ վատը,
որ հոս եկեր է միայն փորը կշտացնելու քրիստոնեանե-
րուն ծախքով, ինչպէս երբեմն կը լեցնէր իմ շնորհիւ,
խաբելով զիս ինչպէս կը խարէ զանոնք: Աւելի մեծ
վիշտեր կան, ձե՛ր վիշտերը: Ես քրիստոնեայ եմ,
որովհետեւ դո՛ւք էք վշտահարները, հալածական-
ները... Եւ, որովհետեւ ե՛ս եմ որ մասնեցի քեզ,
Միւրինա, ի՛մ պատճառովս է որ դուն հոս կը գտնուիս.
ահա իմացի՛ր: Ուրեմն, եթէ դուն մեռնիս, ես ալ
պէտք է մեռնիմ:

Այսպէ՛ս էր որ Միւրինա իմացաւ թէ Եւտրոպիա,
Թէոկտենէսի նախորդ սիրուհին, ի՛նչ հնարքներով այս
աղէտին մասնած էր զինքը: Օրտուլա, յայտնելով
իր մեղսակցութիւնը, կը գալարուէր իր զսին ոտքե-
րուն տակ:

— Ես կ'ուղեմ մեռնիլ, կը կրկնէր: Բայց ինձի
համար մեծ բերկրանք պիտի ըլլայ մահը, և չպիտի
կրնայ արդարացնել ոճիրս: Տառապիլը և մեռնիլը միայն
սեւ և խոր երանութիւն մըն է: Պէտք է նաեւ որ դուն
ներե՛ս ինձի:

— Եթէ Թէոկտենէս ներէ...

— Թէոկտենէ՛ս... Բայց ան մեռա՛ծ է:

Միւրինա ճիշ մը իսկ չարձակեց: Ճեփ-ճերմակ
շարձաւ:

— ... Ի՞նչպէս, չէի՞ր զիտեր. քեզի բան մը չէի՞ն
ըսած: Չայն սպաննեցին այն օրն իսկ երբ քեզ դատա-
բան քաշեր էին...

Միւրինա իր տասը եղունգները մխեց Օրտուլայի
այտերուն մէջ:

— Ներե՛լ քեզի: Ներե՛լ քեզի: Սպաննե՛ր ևս զայն
և կ'ուզես որ ներե՛մ քեզի:

Կատողած էր, և մոլեխանձ անյագութեամբ մը կը
դիտէր արեան հոտու՛մը: Առանց ինքզինքը պաշտպա-
նելու, Օրտուլա իր կողմը բարձրացուց գլուխը, կարծես
գարշելի հրճուանք մը զգալով իր բզբու՛մէն: Չեռ-
քերը հեռացնելով մարմինէն, իր երեսը ներկայացնելով
նոր ճանկատուքներու, պարզապէ՛ս կ'ըսէր. «Այո՛,
այսպէ՛ս... այսպէ՛ս պէտք է ըլլայ»:

Արիստողէ՛մ զինքը ազատեց Միւրինայի ձեռքերէն:
Կը նախատեսէր այս յայտնութեան բարերաստիկ հե-
տեւանքները, և կը ցնձար, չարութիւն չունենալով
հոգիին մէջ: Կը մաղթէր որ Միւրինա անձնատուր ըլ-
լայ իրեն, իբրեւ ցանկալի աղջիկ, բայց անսելի կը
գտնէր որ ան կորսուի ալլանդակ պայքարի մը մէջ, որ
ո և է օգուտ չունէր իրեն:

— Լսէ՛, լսէ՛, գոչեց: Ամէն բան հասկցուեցաւ
հիմա, ամէն ինչ պարզ է այլեւս: Քանի որ Օրտուլա
ինքզինքը քրիստոնեայ հռչակած է դատաւորներուն
առջև, քեզի դէմ գործած ոճիրը...

— Յայտնած եմ արդէն, հոս մտնելէ առաջ, ըսաւ
Օրտուլա:

— Այն ատեն, դուն կ'ազատիս, Միւրի՛նա:

Արիստողէ՛մ աւելցուց, ակամայ.

— Միասին կ'ազատի՛նք:

— Թէոկտենէսը մեռե՛ր է... պատասխանեց, կար-
ձես առանց լսելու:

Փիլոմորոս և Կեփիսոտոր գիտէին արդէն որ Օրտուլա խոստովանած էր թէ յանցաւոր է, Միւրինայի դէմ թակարդ մը լարած ըլլալով: Չափազանց յուսալից, իսկոյն խնդրագիր մը խմբագրեր էին, ուղղուած Պերեկրինոսի, անմեղի մը անմիջական ազատումը ձեռք բերելու համար: Բայց եթէ ընդունուէր այս սխալը, պիտի վտանգուէր աւագ դիւանադպիր Վելիոսի կնոջ պատիւը: Այս վերջինը փաստաբանից կառավարիչին առջեւ թէ՛ իր հարադատ կնոջ դէմ արձակուած այդ սեւ մեղադրանքը, որ իր իսկ վրայ կը ցայտէ, կրնայ վտանգել իր դատաւորի հեղինակութիւնը, և թէ Օրտուլայի կարծեցեալ խոստովանութիւնը՝ յայտնապէս ձրի վարկաբեկում է և անընդունելի, հիւսուած՝ մոլորեալ կնոջ մը կողմէ որ նախապէս կախարհութեան նուիրուած էր և որ, ինքզինքը քրիստոնեայ հռչակելով, չէր կրնար լսուիլ ինչպստ ուրիշ քրիստոնեայ կնոջ մը, կարելի չէր հաւատալ իր վկայութեան:

Պերեկրինոս վճռեց թէ կարելի չէ նկատի առնել այդ կարծեցեալ յայտնութիւնները: Մնաց որ, երկար լռութենէ մը, քանի մը ամսուան վարանումէ յետոյ, Կալերիոս նոր խստութիւններ որոշած էր քրիստոնեաներուն դէմ: Ճշգրիտ և անդառնալի հրամաններ արձակած էր. իրեն համար հարկ անհրաժեշտ էր վերջին հարուածը տայ այս աղանդին, այն իսկ պատճառով որ իր թշնամի Կոստանդը և որդին Կոստանդինը աւելի տրամադիր կը թուէին անոր կրթներու: Իրեն համար քաղաքական անհրաժեշտութիւն էր Կալիսայի Կեսարները զրկել այս աջակցութենէն, զլիսատելով եկեղեցիին գլխաւոր վարիչները, ոչնչացնելով կամ ահաբեկելով մնացածները: Լուրը իմանալով, տակաւին Կորնթոս մնացած քրիստոնեաներուն մեծ մասը փախաւ: Միւսները գացին թիարանին մէջ միանալ անոնց որոնք երկար առեւտի ի վեր իրենց ճակատագրին կը

սպասէին հոն, յոյսեր մը ունենալով մինչեւ այդ պահը: Պերեկրինոսի ա՛յ ուրիշ բան չէր մնար բայց միայն հպատակիլ: Արդէն իսկ իր սկզբունքն էր ոչնչացնել, եթէ այլ եւս չէր կրնար ձգձգել:

Կալանաւորներուն մէկ մասը հանքերը դրկուեցաւ. միւս մասը դահիճներուն յանձնուած էր: Այլ ևս ոչ հարցաքննութիւն կատարուեցաւ, ոչ ալ դատաւարութիւն: Այսպէս եղաւ նաեւ, միեւնոյն շրջանին, Թիբայիտի մէջ, ուր ամէն օր մինչեւ հարիւր քրիստոնեայ կը մեռցնէին: Կորնթոսի քրիստոնեաներուն մէջ, անխուսափելի վախճանի մը մտաւորութիւնը դադարեցուց իրենց վերջին կոիւնքը: Մակաւթիւ վատեր գտնուեցան: Շատ քիչեր — աւելի պակաս քան հալածանքի առաջին օրերուն — կը համարձակէին ուրացումի գիմել, իրենց կեանքը փրկելու համար: Այնքան երկար առեւտի ի վեր և գրեթէ ամէն օր չարչարանքի կարելիութիւնը աչքի առջեւ ունենալով, վարժուեր էին անոր: Մեռնիլ, արիաբար մեռնիլ, — այս էր խօսակցութեանց նիւթը, ընդհանուր հոգը, երբեմն ալ բողոքանքը, որ կը միացնէր այս այրերն ու կիները: Թէեւ սմանք շատ ամուր չէին, բայց կը կարծէին խոստովանիլ: Ամէնէն զօրաւորները, ամէնէն խանդավառները տուն կուտային. անոնց խօսքը օրէնք էր: Այլ ևս մա՛րդ չէր գիմադրեր այդ մոլեռանդներուն: Կլէոփոն անոնց կողմը կը մղուէր այնպիսի խոյանքներով ուր կար հիացում, աւելի պղտոր զգացում մը, և մինչեւ անգամ խուժուժ ու միանգամայն երկչոտ արտօնակը հարուածներու սաստկութեան, չարչարողներու վայրագ կապանքին, այն գալարումներուն որ տեղի կ'ունենան մահէն առաջ և ցանկալի կը դարձնեն զայն: Մնաց որ, մահուան վրայ կը թօսէին իրբեւ յաղթանակի մը վրայ. — յաղթանակը Եկեղեցիին, և քրիստոնեային որ կը մեռնէր անոր համար: Իրենք մաս կը կազմէին վերջին դուռնի մը որ կը գոհուէր գլուխ հանելու հա-

մար երեք հարիւր տարուան ճակատամարտ մը, — աւելի բարձր և աւելի ակնաստիղ պարծանք մը քան թերմոպոլիէի երեք Հարիւրներուն փառքը: Անցո՛րդ, ըսէ Լակեդեմոնացիներուն որ մենք կը հանգչինք այստեղ, հրամաններու հպատակելու համար: Կլէոփոն կը սարսուռ հպարտութենէն և տենչանքէն, յիշելով այս վտեմ արձանագրութիւնը: Եւ նոյն խկ կոտիլ չկար, ինչ որ աւելի դժուար կը թուէր իրեն, այլ միայն մեռնիլ: Եւ մահէն յետոյ, միայն հերոսներու մթին և ունայն կեանքը չէր որ պիտի սկսէր հեղինական դժոխքին մէջ, այլ ամբողջական, վերջնական յաղթանակը փառաւորեալ հողիին, հողի մը աւելի կենդանի քան երկրի վրայ, մասնակից յաւիտենական Աստուծո մը յաւիտենական երանութիւններուն: Միամտօրէն կը զարմանար որ այդպիսի պատիւ մը վերապահուած է իրեն. գրեթէ չէր հաւատար, ինքզինքը անարժան համարելով այդքան քիչ բանի համար: Ուստի ազդեց կայսկոպոսին վրայ, իր երկիրդներուն անկեղծութեամբք. երկիրդներ զորս կայսկոպոսը զոջուծ կը կոչէր: Կլէոփոն հրաւիրեց Միւրինան որ իրեն պէս շարժի. առանց որ և է կեղծիքի անոր կը բացատրէր թէ ուրիշ բնելիք չունի:

— Որովհետեւ, կ'ըսէր, քանի որ չպիտի կրնաս ազատիլ մեր ընդհանրական ճակատադրէն, եթէ իրրեւքրիստոնեայ պիտի մեռնիս, արտառոց բան չէ՞ որ չփորձես մահէն ստանալ ա՛յն առաւելութիւնները զորս ապահոված են քրիստոնեաները: Չկայ խելացի մարդ մը որ այս խորհուրդը չտայ քեզի:

Ոնեոսիմոս հաւանեցաւ այս տրամաբանութեան, զոր անհերքելի կը դանէր: Բայց Միւրինա կը հարցնէր թէ պիտի կրնա՞յ իր սիրահարին հետ մասնակցիլ այդ յաւիտենական երանութիւններուն, զորս կ'ապահովէին իրեն համար:

— Չեմ կրնար հաստատել, պատասխանեց կայս-

կոպոսը: Երանաչնոր՝ մարտիրոսներուն հողիները զարմանահրաշ ազդեցութիւն մը ունին: Եթէ թէոկոսենէս ողջ ըլլար, կրնար քրիստոնեայ դասնալ քեզի հետեւելով: Մեր պատմութիւնը շատ դէպքեր կը յիշէ այս հրաշագործ դարձերէն: Բայց ան մեռած է, և բանաւոր է յուսալ, մանաւանդ այն մասնաւոր հանգամանքներուն մէջ ուր ինկաւ, զո՞ն երթալով անհաւատներու կատաղութեան, — թէ մասնաւոր լոյս մը բացաւ իր աչքերը և թէ քրիստոնեայ մեռաւ:

— Բայց վստան չի՛ս, վրայ տուաւ Միւրինա յամառելով: Ան չէր ճանչնար ձեզ, և ես որ հիմա կը ճանչնամ, կ'ատեմ ձեզ: Եթէ դուք դոյութիւն ունեցած չըլլայիք, տակաւին երջանիկ պիտի ըլլայինք մենք, ես ու թէոկոսենէսը: Աւելի դժ՛ւք էք որ սպաննեցիք դայն, քան թէ Օրտուլան:

— Եւ սակայն մտածէ որ, դիտել տուաւ կայսկոպոսը, մարտիրոսութիւնը պիտի լուայ այդ միւլենոյն Օրտուլային գործած ոճիրը՝ քեզի հանդէպ, պիտի մաքրէ անոր կեանքին բոլոր աղտերը: Մինչդեռ դուն... Կարելի չէ՛:

— Կարելի չէ՛, ըսիր: Ես քեզ աւելի ճարտար, կամ նուազ կոյր կը կարծէի: Որովհետեւ, եթէ արդարութիւն մը կայ քու Աստուծո թաղաւորութեանը մէջ, չի կրնար նուիրագործել այդ անարդարութիւնը: Եւ եթէ ճշմարիտ ըլլար... Եթէ ճշմարիտ ըլլար և ես քրիստոնեայ ըլլայի, ես պիտի պարտաւորուէի յաւիտեանս յաւիտենից դիտել երջանկութիւնը այդ կնոջ որ ոչնչացուց իմ երջանկութիւնս: Այն ատեն կրնայի՞ երանութիւն զգալ: Կորսուէ՛: Դուն չես կարծեր որ կը ստես, բայց կը ստես: Դուն կը խաբես ինքզինքդ, կը խաբես սա բոլոր խեղճերը:

Նյդ պահուն պահակ մը, Տեմենոսի չէնքերուն բարձունքէն, «իններորդ ժամը» ծանոց: Առանց յուզուելու Միւրինայի նախատինքներէն, Ոնեոսիմոս այդ

ժամու աղօթքը հնչեցուց հուժկու ձայնով մը. որովհետեւ օրը չորս անգամ կ'աղօթէին համախումբ, — գիշերուան վերջին ժամուն, այն միջոցը որ կ'անցնի աքլորի կանչին և արչալոյսի առաջին շողերուն միջեւ. այս՝ առաջին ժամն է. յետոյ ցորեկուան մէջտեղը, ճաշին, որ երրորդ ժամն է. յետոյ այն պահուն ուր արեւը մարը կը մանէ և կանթեղները կը վառին. այս ալ վեցերորդ ժամն է. ու վերջապէս քնանալու ատեն, որ իններորդ ժամն է...

— Մասի՛ր, Հայր անննակալ, սկսաւ եպիսկոպոսը: Եւ բոլոր քրիստոնեաները, որոնք խմբուեք էին աղօթքի համար, պատասխանեցին երկու փոխասաց երգեցիկ խումբերով: Ճգնաւորները, որոնք կը կոչուէին նաեւ «զգաստներ», Պարթեները կամ սրբանուէր կոչուեցրը, առաջին շարքը կը բռնէին. իրենց խառնուած էին ամուսնացած կիներ, որոնք երգում ըրած էին ո՛ր և է մարմնական յարաբերութիւն չկատարել իրենց ամուսիններուն հետ: Ատոնք «այրիներ» կը կոչուէին, թէև իրենց ամուսինները սղջ էին տակաւին. իսկ այն տիրուհիները որոնք երկրային միութեան մը օրինաւոր հաճոյքներէն հրաժարելու քաջութիւնը չէին ունեցիր, կը զգային պատկառանքով համբուրել իրենց ձեռքերը: Իր հօտին խանդավառութիւնը հրահրելու համար, Մեսսիմոս կը բազմապատկէր կրօնական արարողութիւնները: Ծառ մը նորահաւատներ, որոնք մինչեւ այն ատեն յետաձգել էին իրենց սրտումը, մկրտութեան շնորհը կը ինզրէին: Այդ արարողութիւնը կատարելէ առաջ, եպիսկոպոսը, չարխափանի աղօթքը կ'արտասանէր, աջակցութեամբ երեք սարկաւազներու. քանի որ անոնք տակաւին դեւին ազդեցութեան տակ կը համարուէին: «... Եւ դուն մղա՛ր սատանայ, կը կրկնէր սարկաւազներէն իւրաքանչիւրը իր կարգին, ընդունէ վճիռդ, երկրպագէ կենդանի և ճշմարիտ Աստծոյն, երկրպագէ անոր որդւոյն Յիսուսի-Քրիստոսի

և Սուրբ Եկեղեցւոյ: Հեռացի՛ր Աստուծոյ այս հետեւորդներէն և մի փորձեր լուծել Աստուածային Ուաչի այս նշանը զոր կը դրոշմենք անոնց ճակատին:»

Երեւելի և աներեւոյթ, երկրային դահիճներ թէ «էնդի դէմ»ի ոգիներ, — մարդիկ կը զգային որ չարին շօրքը կը պաշարէ բանտարկեալները. և կը կռուէին անոնց դէմ. վստահ էին թէ պիտի յաղթեն անոնց: Ծոմապահութիւնները, առանձին խոլումները, ընդհանրական աղօթքները, ծանր և մոայլ կամ գերհանրական աղօթքները, ծանր և մոայլ կամ գերբազմազան հպարտութիւնը, քաջութիւնը, հաւատքը, մինչեւ յափշտակութեան կը բարձրացնէին զիրենք. և ամէնէն ջերմեռանդները, վստահ երկնային շնորհին վրայ, ա՛լ աւելի վստահ իրենց աննկուն կորովին վրայ, կը պօռային բանտապահներուն.

— Խնչ բանի կը սպասեն ձեր մեծաւորները: Ինչո՞ւ այսօր ալ չի կատարուիր:

Ոնեախմոս ստիպուած էր զսպել իրենց չափազանց եռանդը: Բայց Օրտուլա մտիկ կ'ընէր առանց հաւանելու. իր կրօնը ուրիշ բան չէր եթէ ոչ մահուան ախորժակը. մահ մը որուն պիտի մասնակցէր ուրիշ կոչնապահներու հետ, իբրեւ գերագոյն և վեհաշուք ճաշի մը: Քրիստոնեաները վերջապէս իմացան թէ վախճանը մօտ է, շնորհիւ հեթանոսներու որոնք ամէն օր կուգային նախատինքներ տեղալու, գիշերապահներու մասնաւոր բարձունքէն զիրենք դիտելու, ինչպէս նաև շնորհիւ հազուադէպ բարեկամներու որ մնացել էին կորնթոսի մէջ: Եպիսկոպոսը, նախատեսելով որ ինք առաջին չարչարեալներէն մէկը պիտի ըլլայ, վճռեց անձամբ կատարել, վերջին անգամ մըն ալ, Սուրբ Պատարագի խորհուրդը, այնքան հանդիսութեամբ որքան կը թոյլատրէին պարագաները:

Լուրը տրուեցաւ յամբ և հանդիսաւոր օրհներգով մը, տեսակ մը ընթերցուած զոր սարկաւազը կ'երգէր

միայն քանի մը խազի վրայ, նման այն ընթերցումին զոր Ելլադայի ողբերգակ դերասանները կը խառնէին իրենց դերակատարութեանց : Ամբողջ ժողովուրդը կրկնեց վերջին պարբերութիւնը . յետոյ երգեցիկի քումբը երկուքի բաժնուեցաւ . և այս ջերմութեամբ, խորունկ ձայները անձկութեան սարսուռ մը տարածելով, կը հասնէին վսեմ ինքնավստահութեան մը խաղաղութեան :

Միւրինա և Կլէոփոն ուղեցին մօտենալ, բայց վտարուեցան : Միայն մկրտուած «օրինաւորները» կ'ընդունուէին այս խորհուրդին : Միւսները, պարզ նորահաւասները, մկրտութեան թեկնածուները, մինչև իրենց ապաշխարանքին լրումը հաւատացեալներու հաղորդութենէն զրկուած զղջաւորները, չըջանակէն դուրս պահուեցան : Այսպէս էր քրիստոնեաներուն սովորութիւնը այն շէնքերուն մէջ ուր իրենց կանոնաւոր ժողովները կը կատարէին : Բայց այս անգամ պատարագք արարողութիւնը կը կատարուէր բաց օդին տակ, Տեմենոսի բակին մէջ, և անոնք որ «օրինաւոր» չէին, նոյն իսկ անհաւասները, Միւրինա և Արիստոզէմ, կրցան հեռուէն ներկայ ըլլալ արարողութեանց, անդատակներուն կատարէն :

Ոնեսիմոս, պատարագիչը, ձեռքերը խաչածեւած կուրծքին վրայ, նստած էր փայտաշէն աթոռի մը վրայ : Իր քովը, սարկաւազ մը երկնային շնորհ խնդրեց : Խորհուրդը կ'ընդլայնէր ինչպէս ողբերգութիւն մը սրուն բողբոլը կը մասնակցէին, և որ միշտ միեւնոյնը չէր : Այդ շրջանին, միայն գլխաւոր իրազարձութիւնները նշանակուած էին . խօսքերը մեծամասնաբար յանպարտօրից էին . և ժամարարին հանձարը կամ խանդը, իր պերճախօսութեան ներշնչումը որ կը փոխուէր համաձայն իր զգացումներուն, չարաշուք կամ բարեբաստիկ ղէպքերը անոնց կուտային միշտ նոր հանգամանք մը, երբեմն սուր, ինչպէս էր այս ժամուն, բայց միշտ վեհաշուք :

«... Վասն խաղաղութեան աշխարհի, կ'ըսէր սարկաւազը... Վասն Սրբոյ Առաքելական Եկեղեցւոյ... Վասն քահանայից, վասն երեխայից, վասն մանկանց, վասն մերոյ, Տէ՛ր, այսօր տառապեալ, վաղիւ չարեալ, անիւ և երկիւղիւ առաջի քոյ, աղաչեմք զքեզ, Տէ՛ր, Տէ՛ր» :

Մասնակցողները, երեսանկեալ, կը պատասխանէին հառաչելով .

— Տէ՛ր, Տէ՛ր, գլխա՛ մեզ, կանգնեա՛, փրկեա՛, Տէ՛ր :

Կլէոփոն արդէն կը սարսուար հրատոյժոր յուզումով մը, խորհրդաւոր անհամբերութեամբ մը : Յափշտակուած էր . սրտատրոփ անձկութեամբ կը սպասէր անագին, ամենի, անդիմադրելի բանի մը, — ինք ալ չէր գիտեր ինչի :

— Այս բողբոլ տեսած եմ արդէն մեր սինակոկնուրուն մէջ, ըսաւ Արիստոզէմ պաղ-պաղ :

Քրիստոնեայ մը, որ իրենց քովն էր, բերնին չափը տուաւ արհամարհոտ շեշտով մը .

— Սպասէ՛ : Երեք հազար տարիէ ի վեր այնտեղ կեցեր էիք . բայց մե՛նք :

Քրիստոնեաները օտքի ելեր էին : Վստահ թէ վսեմ, անճառ ղէպք մը պիտի յայտնուի, իրարու կը մօտենային խնդափաջ . խաղաղութեան համբոյժը կուտային բերնով, այրերը այրերուն և կիները կիներուն : Սրբազան սպասաւորները ուշադիր կը գննէին շարքերը : Պէտք չէր որ ո՛ր և է անարժան կամ պիղծ մարդ գտնուէր իրենց մէջ : Ինչ որ պիտի պատահէր, ամենամեծ խորհուրդն էր . միայն օրինաւոր հետեւորդները կրնային տեսնել անոր կատարումը : Փոքրսուրները աւելի անդին կը քշէին ոչ-օրինաւորները : Մեղմօրէն շրջանակէն դուրս հանեցին պղտիկ տղայ մը որ կ'ուզէր իր մօրը պլլուելի : Կոշտ, բայց անարատ կերպասով ծածկուած խորանի մը վրայ, սարկաւազները

զրին նշխարը . արդէն պատրաստուած սկիհները ծածկեցին ձերմակ քօղի մը աակ . իսկ երկու սպասաւորողներ, լւրաքանչիւր կողմէն, ձեռքերը արմաւենիներով, կը վանէին ճանձերը, ինչպէս վեհապետի մը համար որուն հանգիստը կ'ապահովեն :

Ոնեսիմոս հագած էր գունավառ թակսլակ մը :

— Եղբայրներ, պէտք չէ որ գոհութիւն մատուցանենք Տիրոջը :

— Պէ՛տք է, պէ՛տք է, աղաղակեցին քրիստոնեաները : Արժան և իրաւ : Ո՛վ Աստուած, միակ Աստուածը որ կայ իրապէս :

Ոնեսիմոս սկսաւ Հաղորդութեան մաղթանքը : Ինք՝ օծեալ քահանայ, օժտուած իշխանութեամբ մը որ հաղիւ վար կը մնար Աստծու իշխանութենէն, կը կանչէր, կը ցուցնէր, տեսանելի կը դարձնէր այդ ամենազօր Աստուածը . զայն ներկայացնելէ առաջ, կը փառաբանէր իր անմատչելի վեհափառութեամբ, իր բարիքներով՝ հանդէպ իր ստեղծագործութեան, Հին կտակարանի բոլոր հրաշքներով : Կ'ամփոփէր, կը պատկերացնէր անոր պատմութիւնը, կ'ոգեկոչէր զայն Ոգիներով, սոսկալի քերովբէներով, սերովբէներով, իր բովանդակ փողփողուն, յաւիտենական արքունիքով :

Եւ ժողովուրդը, ա՛լ համոզուած անսր ներկայութեանը, կը պատասխանէր .

— Սուրբ, սուրբ, սուրբ, Տէ՛ր զօրութեանց :

Մաղթանքը կը վերսկսէր : Միեւնոյն բաներն էին սր քրիստոնեաները լսեր էին արդէն, նախընթաց տօնակատարութեանց ատեն, բայց ուրիշ բառերով, — իրականութեան մոլեգին, զինովցած որոնում մը տեսիլքին մէջ, անլուր քերթուած մը, մենչագին, և մշտանորոգ պատկերներով .

— Այս սահմանաւոր Աստուածը սահմաններ տուաւ ինքն իրեն . մարմնացաւ, մարդացաւ : Իր վեր-

ջին ընթրիքին, հաց ու զինի առաւ և ըսաւ . «Այս հացն ու զինին, ես ինքս եմ, ամէն անգամ որ զիս կանչեն անոնք որոնց իշխանութիւն տուի» : Յետոյ շարչարեցին զինքը և մեռաւ, յարութիւն առաւ, համբարձաւ իր Թագաւորութեան մէջ . զայոց է Լույսն մատնովն : Պիտի գա՛յ նորէն, պիտի գա՛յ, անեղ և գթած : Պիտի գայ իր անեղձ փառաւորութեամբ : Բայց նախ հոս պիտի գայ : Պիտի իջնէ և պիտի միաւորուի այս հացին և զինիին մէջ : Եկո՛ւր, եկո՛ւր, եկո՛ւր, ո՛վ Տէր, եկո՛ւր :»

Եպիսկոպոսը կ'երկրպագէր, և բոլոր անոնք որ ներկայ էին, ոչ միայն օրինաւորները, այլ և նորահաւատները, զոջաւորները, նոյն իսկ անհաւատները, և Կլէոփոն, Միւրինա, Արիստողէմ, կարծես ջախջախուած խորհրդաւոր երկիւղով և իղձով, կ'քեցան իրեն պէս : Ահարկու լուծիւն մը կը ախրէր, ուր սիրտերը կը տրոփէին :

Յանկարծ Ոնեսիմոս, անգամ մըն ալ երկրպագելէ յետոյ, ոտքի ելլելով, դարձաւ դէպի հաւատացեալները, և տարածեց թեւերը, առանց բառ մը արտասանելու : Դէմքը կը ճառագայթէր . հրաշքը կատարուած էր :

Խանդավառութեան հոսանք մը, բերկրութիւն մը հոսեցաւ բազմութեան երակներուն մէջ, ինչպէս շատ զօրաւոր զինի մը որուն ազդած գինովութիւնը կարելի չէ ծածկել : Անհաւատաւին, անկարելին ճշմարիտ էր : Աստուած եկեր երեւցեր էր իրենց աչքերուն առջեւ, իրենց մէջ : Ինքզինքը պիտի ընծայէր իր մարմնով, իր արիւնով, մարդիկ պիտի մասնակցէին իր էութեան, իր մաքրութեան, իր զօրութեան : Միեւնոյն պահուն նոյն յաղթապանձ աղաղակը արձակուեցաւ բոլոր բերաններէն, քիչ յետոյ վերածուելու համար գերմարդկային ցնձերգի մը, հրաշափառ, — լուսալիւր օրհներգ մը որ դէպի երկինք կ'արձակուէր, կը շողար ինչպէս ջահ

մը. այս՝ սկիզբն ու առաջին վիճակն էր այն զՔեզ Աւսուածին զոր լատինածէս քրիստոնեաները, մեր դարուն մէջ, կը լսեն միայն երկրային յաղթանակի օրերուն: Բայց ո՞ր յաղթանակը կրնար հաւասարիլ ասոր: Մինչ ահեղ օրհներգը կը գոռգոար տակաւին, սարկաւազները, սարսոագին և յափշտակեալ, այս ներկայ Աստուածը, այս յարուցեալ աստուածային մարմինն ու արիւնը, երկիւղածութեամբ տեսակ մը ճաղի վրայ դնելէ յետոյ, ովսմանաներով պտպուցին հաւատացեալներու շարքերուն մէջ: Ու նորէն, բոլորն ալ երկրպագելով անոր առջեւ, իրենց շրթներով համբուրեցին գեախնը:

Իսկ Ռնեսիմոս, Հայր Մերը արտասանելէ յետոյ, նորէն խօսեցաւ յանպատրաստից ճառ մը, որ համակ խանդ էր, գլխու որ պոսոյտ կուտար, և իր ետեւէն կը քաշէր հաւատացեալները.

— Հա՛յր անտեսանելի, աղբիւր անմահութեան, աղբիւր ամէն լոյսի, շնորհի, բարեկամ մարդոց, բարեկամ աղքատներու, կը տեսնե՞մ քեզ, ո՞վ անեղ, քու հազար-հազարաւոր, բիւր-բիւրաւոր հրեշտակներով, հրեշտակապետներով, Գահերով, Տէրութիւններով, Զօրութիւններով, և քու վեցթեւեան երկու քերովմէներդ, — երկու թեւեր՝ որոնցմով կը ծածկեն իրենց գէժքը քու անդիմադրելի փառքիդ առջեւ, երկու՝ իրենց ոտքերուն վրայ, և երկու հատ ալ՝ որոնցմով կը թռին աղաղակելով թէ Սուրբ ես գուն: Այնտե՞ղ ես: Քու մարմինդ այս հացին մէջ է, քու արիւնդ՝ այս գինիին մէջ, քու Ոգիիդ հետ: Եւ բոլոր անոնք որ պիտի ճաշակեն այս անճառ ճաշէն, պիտի մեծնան յառաջդիմութեամբ և առաքինութեամբ: Եթէ տկար են, պիտի զօրանան: Եթէ հիւանդ են, պիտի բժշկուին: Այնտեղ ես, այնտե՞ղ ես... Կ'աղօթեմ քեզ մեր Եկեղեցիին համար որ սարածուած է ի պիւրոս աշխարհի: Կ'աղօթեմ ինձի համար, որ ոչինչ եմ. այս

քահանաներուն, սարկաւազներուն համար. բոլոր սուրբերուն, մարգարէներուն, հայրապետներուն, աղքատներուն, հիւանդներուն, մանուկներուն, սարուկներուն համար. Կայսեր, դատաւորներուն, զինուորներուն, բոլոր անճնց համար որ՝ հիմա պիտի մեռցնեն մեզ... Մ՛վ դուք, որ արժանի էք, ա՛յս է իր մարմինը, ա՛յս է իր արիւնը: Մօտեցէ՛ք և ճաշակեցէ՛ք երկնային ճաշը:

.*

Երբեմն, այս արարողութեան ընթացքին, անձնատուր խելակորոյս գործողութեան մը տենչին, և անդիմադրելի զօրութեան մը զգացումով որ կը բորբոքէր իր մէջ նպատակ մը հետապնդած ատեն. երբեմն զգալով տարօրինակ դատարկութեան մը, տեսակ մը չարաչար և միեւնոյն ատեն հեշտագին փլուզումի տպաւորութիւնը, Միւրինա գերծ չէր մնացած այս անբաղդատելի յուզումներէն: Ինչպէս բոլորը, ինք ալ զգացած էր, հրատուր խանդի վայրկեաններէ յետոյ, իղձի մը և վայելումի մը խելայեղ անձկութիւնը, թաթաւուն, բղքախչ կրաւորականութեամբ մը: Բայց մինչ իր ընկերները այդ սպասումը կը վերագրէին աստուածային ազդեցութեան մը, ու իրենց երջանկութիւնը կը փնտռէին վերահաս և երկնային ներկայութեան մը մէջ, իր երկրային սիրտը կը ցանկար միայն երկրային երանութիւններ, որոնք անմատչելի դարձեր էին իրեն համար:

— Ան չկայ այլևս, երբե՛ք, կ'ըսէր Արիստոզէմի. ևս այլևս իրենը չպիտի ըլլամ, թեւերը թեւերուս մէջ, մարմինը մարմնիս մէջ: Եւ ա՛յնքան բաներ ունէի ըսելիք, ա՛յնքան բաներ: Ժամանակ չունեցայ, չպիտի կրնամ, վերջացա՛ւ, — չկան այլևս իր տեսած, իր ըրած բաները, իր ճանչցած մարդիկը, իր սիրած կիները, աշխարհը, բովանդակ աշխարհը՝ իր աչքերով, իր միտքը, իր զգայարանքները, — ի՛նչ վսեմ հրաշալիք: Չկա՛յ այլևս, աշխարհն ալ մեռաւ իրեն հետ, և ևս ոչինչ եմ այլևս...

Անզօր, անէացած մնալու զգայութեան տակ էր. իր բովանդակ մարմինը կը մրկէր սքանչելի յիշատակներու պոթկումով և ցաւով, մինչ աչքերէն արցունք կը հոսէր: Անսահման սէր մը, անյաղ, լափլփող ցանկութիւն մը, — և դատարկութիւն:

Մութը կօխած էր: Բրիտանեաները կը քնանային փայտաչէն սիւներուն տակ: Ուրիշներ կ'աղօթէին համախումբ, կամ կ'ունկնդրէին իրենցմէ մէկուն որ կը պատմէր հին մարտիրոսներու շարչարանքներն ու քաջութիւնը, որոնք արդէն այլակերպուած էին աւանդութեամբ: Երբ խօսողը լռէր, կարելի էր լսել, լուռութեան մէջ, այն բարախումբ որ կը սարսռայ մեծ քաղաքներու սրտին մէջ, նոյն իսկ անոնց քունի պահուն: Արիստոզէմ փռուած էր Միւրինայի կողքին, անդատակի մը ստորոտը: Գորովանքով կը խօսէր անոր հետ. Միւրինա ինքն ալ մեղմացած էր, թէեւ առանց ո՛ր է և ուշադրութիւն ընծայելու անոր խօսքերուն. և որովհետեւ ինք երբեք չէր շարժեր, ինքն իրմէն ելած, Հրեան իր թեւերուն մէջ քաշելով զինքը, կ'օրօրէր քնքշօքէն... Միւրինա տեղի տուաւ, նախ առանց դիմադրութեան, յետոյ կիրքով: Արդեօք Թէոկտենէս ինք երբեք իր կուրծքին չէ՛ր սեղմած սիրունի մը նոյնքան հրավառ, մոլեգնութեան աստիճան կատարած՝ լայնութեան գերագոյն հրաշալիքներուն համար: Լուսինը կը բարձրանար հորիզոնին վրայ. և որովհետեւ իրենք ապաստանած էին անկիւնի սիւնի մը շուքէն տակ, մթութիւնը աւելի խոր էր. ընաւ իրար չէին տեսներ: Բայց լուսինը, տեղափոխուելով, լուսաւորեց Միւրինայի անձնատուր, գրեթէ մերկ մարմինը: Միշտ անող ամէն բանի մասին որ իր զգայարանքներուն կիրքէն չէր բխեր, կարծես չտեսաւ իսկ այն մարդը որ վայելէր էր զինքը: Բայց Արիստոզէմ երկար ատեն դիտեց, յաղթական տարփածուններու երախտագէտ հաճոցքով, այն մատղաշ և կլոր ծունկը զոր խաղաղ և կապուտակ լոյսը կը ցուցնէր ցիրուցան քողերուն մէջէն: Հրեան ծնելով համբուրեց ձեռքէն, յարգալից, որովհետեւ իրապէս կը սիրէր կիներուն գեղեցկութիւնը, իր հիացումը յայտնելով այնպիսի մանրամասնութիւններու զորս զանց պիտի ընէին նուազ փորձառու, կամ աւելի կոպիտ մարդիկ:

— Ծուռակերր այլաբանական իմաստ մը ունին, Միւրինա՛, ըսաւ: Բու ծուռակերրդ ունին ծիծաղն ու երիտասարդութիւնը Աստղիկի ծուռակերուն, երբ ցայտեց ալիքներէն: Հսպարա է այն կինը որ այդպիսի ծուռակեր ունի:

Ա՛յդ պահուն էր որ Միւրինա գիտակցեցաւ թէ Արիստոդէմ գոյուցթիւն ունի, թէ հոն է, թէ անո՛ր էր որ անձնատուր եղաւ: Իսկ այդ խօսքերը: Այդ խօսքերը լսած էր արդէն: Ատո՛նք այն խօսքերն էին զորս երբեմն կ'արտասանէին իր կարգ մը տարիածուները, երբ տակաւին չէր ճանչցած Թէոկտանէսը. այն մարդիկը որոնք կ'ուզէին քիչ մը վայելչութեամբ և փափկութեամբ վարձատրել իրենց վճարած դրկախառնումները, ըլլար իսկ իրենց հաճոյքի պատրանքը աճեցնելու համար: Իր ըովանդակ անցեալը, որուն յիշատակն իսկ պահած չէր, կը կարծէր, — քանի որ այդ անցեալը այնքան խառնուած էր, իր քաղցր կամ միայն տանելի հանգամանքներով, Թէոկտանէսի թողած յիշատակներուն հետ, — աճա նորէն կ'երեւար, կը տիրապետէր, սարսափ կ'ազդէր իրեն: Ուրեմն Թէոկտանէսը չէր իր վերջին, իր միակ տարիածուն: Սա փարզը կար իր առջև: Ամէն ինչ աղտոտած, ամէն ինչ վերջացած էր: Այլևս չէր գիտեր իսկ թէ ի՛նչ օգուտ ունի շարքիլը: Ինք այլևս պարզ Միւրինան էր, ծաղկահասակ պերճազիճը, միշտ ծաղկահասակ պերճազիճ մը, ստրկուհին զիցուհիին և արուներուն... Եւ պօռաց.

— Կորսուէ՛: Կորսուէ՛:

— Միւրինա՛...

— Կորսուէ՛:

Այլևս երբեք չուզեց տեսնել անոր երեսը, և աչքերը անգին կը դարձնէր, երբ Արիստոդէմ կ'ուզէր նայիլ: Ա՛յ ուրիշ մարդու հետ ալ չխօսեցաւ, մինչեւ այն օրը երբ Պերեկրինոսի պահակները եկան զինքը տանելու, չարչարանքով մեռցնելու համար, միւսներուն հետ...

Մինչեւ այն վայրկեանը ուր Միւրինա հոգին աւանդեց, միայն մէկ բառ արտասանեց: Եւ անշուշտ անոր կը պարտէր իր լուսապսակը:

Քրիստոնեաները կը մահանային Տեմենուէն ոչ շատ հեռու, տեսակ մը բնական դարատափի վրայ, ուր կ'աճէին քանի մը հին ձիթենիներ: Կորնթոսի հեթանոսները, կարգ մը անձերու հետ որ նոր կրօնին կը հակէին առանց համարձակելու յայտնել զայն, կը հաւաքուէին շրջակաները, ներկայ ըլլալու համար մահապատի գործողութիւններուն, խանուած Ակրօ-Կորնթոսի քարուտ վայրէջքին վրայ: Եւ տրոպիա այնքան մեծափարթամ թիկին էր որ, Միւրինա երբեք առիթ չէր տեսցած տեսնելու, այլապէս պիտի կրնար զանազանել անոր գէժքը ներկաներուն մէջ: Եւ իսկապէս, Վելիոսի կինը ուզած էր աչքերովը տեսնել իր մրցակցին վերջին վայրկեանները և յագենալ: Մնաց որ, մարդկային էակները մեծամասնաբար, ընդհակառակն անտարբեր անասուններ, եզական հեշտանք մը կը զգան դիտելով այն ցուերը զորս իրենք չեն զգար, բայց իրենց երեւակայութեամբ կը կարծեն թէ կրնան տանիլ: Արիստոդէմ անհետացած էր. այլևս ոչինչ կը կեցնէր զինքը կալանաւորներուն մէջ, քանի որ Միւրինա կը մերժէր, որոշած էր խոշոր գուժար մը վճարել ազատ արձակուելու համար, և Պերեկրինոսի ուզածն ալ այդ էր: Իսկ Ռետիկոս փութացած էր արտասանել իր հանդիսաւոր ուրացումը.

Տեսակ մը հաճոյք, անգութ քմայքներ կը վարէին զատապարտեալներուն կրած չարչարանքները: Շատերու համար մահուան գործիքն էր խաչը, որուն գործածումը Կոստանդին հազիւ պիտի արգելէր իր իշխանութեան վախճանին, իբր քառօրդ դար յետոյ: Ուրիշներու համար՝ կախաղանը, տակաւին ուրիշներու

համար՝ երկաթը: Շատեր իբր նշանակէա կը գործածուէին ադեղնաւորներու կողմէ: Տակաւին ուրիշներ, մանաւանդ կիներ, սրունքներէն կը կապուէին ծառերու ճիւղերուն զորս բռնի իրարու կը մօտեցնէին պարաններով. յետոյ այս կապերը կտրելով, ճիւղերը նորէն կը շտկուէին և զօնը կը ձեղքէին իր մարմինն մէջտեղէն, ամէնէն փափուկ մասէն: Այսպէ՛ս ոչնչացաւ Օրտուլա: Գինուլցած անըմբռնելի բերկրանքով մը, կարծես չէր զգար ցաւը և իր դէմքը, երբ լուտանքներ չէր տեղար, միայն մոլեռանդ տենչ մը կը մատնէր: Կլէտփոն տեսակ մը անյազուլթեամբ կը դիտէր այս չարչարանքները: Կը փորձէր երեւակայել այն ազդեցութիւնը զոր պիտի գործէին իր իսկ միսին վրայ. իր զգայարանքները, միանգամայն տկարացած և բորբոքած, վերջը վերջը կարօտը կը զգային այդ չարչարանքներուն: Ոնեսիմոս, որ հրաման ստացած էր ամէնէն վերջը զօնուելու, որպէսզի կարենայ մինչեւ վերջին վայրկեանը սրտապնդել իր հօտը, պէտք չունեցաւ քաջալերելու զայն: Ան իր կարգին կը սպասէր անհամբեր, խառնաչփոթ բառեր արտասանելով, ուր անմահական երանութիւններու ակնկալութիւնը կը խառնուէր սրբապիղծ պատկերներու: Սակայն և այնպէ՛ս գոհացան զինքը կախելով մէկ սրունքէն, մերկանդամ: Քանի մը օր անցաւ. մինչեւ որ հոգին աւանդեց: Նախ՝ իր դիմագիծերուն վրայ երեւցաւ յափշտակութեան արտայայտութիւն մը. յետոյ աղաղակներ արձակեց. վերջապէս ոչնչացաւ երանաւէտ թմրութեան մը մէջ:

Բայց Միւրբինա սարսափի մատնուած էր:

Տառապանքն ալ, մահն ալ անտանելի կ'երեւային իրեն. իր մարմինը կ'ըմբոստանար անօնց դէմ: Ոնեսիմոս շատօնց հրաժարած էր զայն համոզելէ. ինք դարչելի և սաղայելական կը գտնէր յամառութիւն մը, կարծրացում մը որ մարտիրոսութեան կը դատապար-

տէր այս աղջիկը, առանց քրիստոնեաներուն սպասած վարձատրութիւնը յուսալու: Եւ տխրագին կը դեմտէր զայն: Բայց երբ դանիճը մօտեցաւ աղջկան, գլխատելու համար, ծանր թուր մը երկու ձեռքերուն մէջ, Ոնեսիմոս լսեց անոր մրմունջը.

— Ո՛վ Կոյս-Աստուածամին:

Իր սարսափին մէջ, Իսիսի ուղղուած աղերսն էր որ կ'արտասանէր այսպէս մեքենաբար, ինչպէս իր երջանկութեան ժամանակ, անակնկալի, կրկիւղի, տառապանքի բոլոր պահերուն: Բայց, եպիսկոպոսը Իսիսի մասին չէր որ կը մտածէր: Ան խորհեցաւ թէ Փրկիչին մօր բարեխօսութիւնը, գերադոյն ժամուն, լուսաւորած էր այս հոգին: Ձեռքերը բարձրացնելով Միւրբինայի կողմը, օրհնեց զայն, և անոնք որ ողջ էին տակաւին, ողջունեցին երկնառաք շնորհը իբրեւ յալթանակ մը, արդիւնք իրենց ազօթքներուն և իրենց իսկ մարտիրոսութեան...

Դանիճը մէկ հարուածով նետեց այս մանկական գլուխը:

Յաջորդ գիշերը, ինչպէս սովորութիւն էր, քրիստոնեաներուն բարեկամները, պահակներուն վճարելով արածութեան գինը, եկան փնտռել չարաչար մարտիրոսացածներուն մարմինները, որպէսզի պատուաբեր և բարեպաշտ թաղում մը կատարեն: Փիլոմորոս և Կեփիստոտր ալ ներկայ էին: Անոնց հարցուցին այս մանկամարդ աղջկան անունը: Պատասխանեցին թէ Միւրբինա կը կոչուի: Եւ այս անունն էր որ փորագրուեցաւ իր գերեզմանին վրայ, երբ թաղուեցաւ վերջին հալածանքի միւս զօներուն հետ:

✱
✱

Իբր հազար տարի վերջը, Գուլիէլմոս-Կիկ Բոկֆօ-
զէլ, եպիսկոպոս Ռիէզի, (Փրովանս, Յրանսա), որ նոր
գրաւած էր Կոստանդնուպոլիսը յոյն հերձուածողներէն,
իր ընկերոջմէն՝ Մորէայի կոմսէն իբրեւ աւատական
հող ստացաւ Աքայէի մէկ մասը: Այս պարզուր մեծ
հաճոյք պատճառեց իրեն, անտառներուն համար,
որովհետեւ նոյնքան քաջ սրտորդ էր որքան ջերմեռանդ
կրօնասէր և արի զինուոր: Այս սաղմիկ Մեծաւորը,
որ առատ ոսկի և ուրիշ աւարներ ստացած էր Կայսրե-
րու քաղաքին թալանէն, շատ կը տենչար սրբազան
նշխարներ, ինչպէս և երկրաւոր հարստութիւններ ձեռք
բերել: Կորնթոս դամաք ելլելով, վենետիկցիէ մը
խմացաւ որ, շատ հին, իր ճաշակով՝ շատ ազեղ եկե-
ղեցիի մը ստորերկրեայ դամբարանին մէջ կը գտնուի,
իբր տասը դարէ ի վեր— ինչպէս կը հաւատտէին—
խիստ յարգուած, հրաշագործ մարտիրոսուհիի մը գե-
րեզմանը:

Եւ իսկապէս, երբ հրամայեց վերցնել ստորերկրեայ
մատուռի մը վրան ծածկող սալաքարերը, իր ստրուկ-
ները լոյս-աշխարհ հանեցին նկուղ մը, ուր կը հանդէս
քար մը՝ գերեզմանի ձեւով, չորս պատերէն տաշուած
ադամանդածայր գործիքով: Կախարչը հանեցին և
զլխուն կողմը կարդացին, հելլենատառ, անուն մը.

Մ Ի Ի Ր Ի Ն Ա

Այս քարին մէջտեղէն, մէկ մասէն միւսը, չորս
անկիւնները զետեղուած էին երկաթեայ կլոր ձողեր,
ծակերը շաղախուած հալած կապարով որ զայն կը գա-
մէր նկուղին գետնին՝ ժայռին: Գերեզմանին մէջ
գտնուած ոսկորները կքած էին, բայց անվթար: Ող-
նայարէն անջատուած զլուխը նորէն դրուած էր վիզին
մօտ: Եպիսկոպոսին ընկերացող քահանաները միաբան

հաստատեցին թէ այս կմախքը տակաւին մանկամարդ
կնոջ մը մարմնն է: Ջերմեռանդ աղօթքէ մը յետոյ,
եպիսկոպոսին հրամանով սկսան բեկոր-բեկոր, մէկ
կտոր իսկ չկորսնցնելու մտահոգութեամբ ժողովել այն-
քան մեծ սրբուհիի մը այս թանկագին նշխարները:
Հանելով կողերը, որոնք մնացեալ էին ճիշդ հոն ուր
քնութիւնը սահմանած էր անոնց, դէպի խորը երևան
հանեցին մնացորդները քանի մը ամսուան սաղմի:

Կրօնական փորձադէտները, որոնք, եպիսկոպոսին
աչքին առջեւ խմբագրեցին նշխարներու զլուխն առե-
նագրութիւնը, յայտարարեցին թէ, քանի որ խնդիրը
կոյսի մը վրայ է, այդ ազազուն սաղմը— արդէն իսկ
անշոշափելի փոշիի մը վերածուած իրենց մասներուն
տակ— պարզապէս հետեւանք է մարմնի ձախող փո-
խարութեան մը, կատարուած թշնամի կամ զանցառու
ձեռքերու կողմէ, երանհալ կոյսին թաղումէն յետոյ:
Բայց ներելի է նաեւ կարծել թէ՛ այն պահուն երբ
դահիճը կը թոցնէր իր գլուխը, կատարուելու վրայ էր
իղձը Միւրինայի, որ այնքան, այնքան կ'ուզէր խաղալ
պղտիկ տղու մը հետ:

Եպիսկոպոսը հոգ տարաւ իր թեմին կանոնիկոսնե-
րու ժողովին հասցնելու այս մեծ սրբուհիին ոսկերո-
տին: Բայց մեռաւ, անոնց հասնելէն առաջ: Ռիէզի
կանոնիկոսները, որոնք բժախնդիր էին որ հաւատաց-
եալներու պաշտամունքին հերկայացուին անվաւեր
մատունքներ, որոշեցին, ծախքը աչք առնելով, բան-
բեր մը ղրկել Կ. Պոլիս— որովհետեւ չէին զխտեր թէ
ուր կը գտնուի Աքայէն— ստուգելու համար թէ ո՛վ է
եղեր այս Միւրինան: Պատուիրակը այս երկար ճամ-
բորդութենէն վերադարձաւ գրեթէ մէկ տարի յետոյ,
խիստ ստոյգ տեղեկութիւն բերելով թէ Միւրինա բա-
րեպաշա քրիստոնեայ մը եղած է, երեւելի և յայտնի
սրբուհի, չարաչար սպաննուած հեթանոսներուն կողմէ,
դուստրը Կորնթոսի մէկ թագաւորին:

Ռիէզլի նոր եպիսկոպոսը որոշեց որ երանեալ մար-
տիրոսուհիին մարմինը ամփոփուի ճոխ օսկերչութեամբ
զարդարուած նշխարատուփի մը մէջ: Իր կտակին մէջ,
մայր-եկեղեցիի կանոնիկոսներու ժողովին սահմանեց
մէկ մարկ արծաթ, որպէսզի շարունակ մտմ մը վաստի
անոր առջեւ, նկատելով որ հեթանոսներուն կողմէ
դոհուած այս իշխանուհին, արեւշող երկրէ մը ըլլալով,
պիտի սիրէ լոյսը:



W.D. 1

57
877

Հայաստանի Ազգային գրադարան



NL0432432

6671